

FOR NINTH SITTING ON TUESDAY THE 27TH JULY, 1999

PRESENT

PU R.LALAWIA Speaker, at the Chair, Chief Minister, 14 Ministers and 24 Members were present.

OBITUARY

1. PU ZORAMTHANGA to make reference on the demise of Pu Lalsawia, Ex-MP of Mizoram.

QUESTIONS

2. QUESTIONS entered in separate list to be asked and oral answers given.

LEGISLATIVE BUSINESS

BILL FOR INTRODUCTION

3. PU H.VANLALAUVA to beg leave of the House to introduce the Lushai Hills District (Village Councils) (Amendment) Bill, 1999.

ALSO

to introduce the Bill.

DISCUSSION AND VOTINGS ON DEMANDS

4. PU LALHMINGTHANGA to submit to the vote of the House various Demands under his charge.
5. Dr.R.LALTHANGLIANA to submit to the vote of the House various Demands under his charge.

S P E A K E R : Mi zawnng zawnng hnenah pek tur apiang pe rawh u, leiman pekna tur a hnenah chuan leiman pe ula, chhiah chawina tur ahnenah chuan chhiah chawi ula, tih tur chu ti ula. Pawisak tura chu pawisa rawh u.

Rom, 13:7.

Member absent Pu Lalriochhana a hritlanna avangin. Hei vanduai thlak takin Pu Lalsawia Ex-MP tunhma a District Councils Chief Executive hmasa ber kha min lo boral san avangin vawiin ni hian a sunna neihmasa ila, he House hian chumi sun na hun hmang tur chuan Chief Minister Pu Zoramthanga i lo sawm ang.

PU ZORAMTHANGA
CHIEF MINISTER

: Pu Speaker, hei kan Mizote zinga kan chhuan vawr, kan mi hmasa hnam dang zingah pawh a chan chin sawi sawi tham a kan neih, Pu Lalsawia Ex-MP kan lo chan ta mai a, nimin July 26 zing dar 5:30 khan A vanduai thlak hle a, a chenna In Zarkawt ah a boral a, amah hi kum 80 a upa ani a, mihringte ngaih ah chuan mi vannei te zing ami an ni pha ve tho bawk a, kum 80 thlenga dam thei te hi chu, tichuan tukin ah hian amah kan zahna te kan chawimawina, keini Mizoram rorel khawl hian kan tih tur aniin ka hria a. Tichuan, a chanchin pawh tawifel deuh hlek in han sawi ila.

Amah Pu Lalsawia hi Rev.Haudala leh Pi Darthawmi te fapa ani a. Kum 1919 Nov.3 khan a piang a, a pianna hi Lunglei Serkawnah a ni. 1949 May 19 khan Pi Rothuami, Pu H,Khuma fanu nen Mission Veng Biak Inah Rev.Samuel Davis an a inneih tir a, Fapa 1 leh fanu 5 an nei a. Pu Lalsawia hi kan Mizo lehkhathiam hmasa te zing ami a ni a, 1939 khan Bisnapur Baptish Mission High School Calcutta atangin Matric a passed a, Boys M/E.School ah zirtirtu hnathawk chungin 1947 khan .I.A. tuna P.U. ang hi Silcharah a exam a, a passed leh a. Hetianga zirtirtu hnathawk chung hian khawtlang tan rawng bawlna kawng hrang hrang ah theihtawp a chhuah a, Y.L.A. tuna Y.M.A. nita ah hian General Secretary ah te tangin Headquarter ah nihna pawimawh tak tak tepawh a lo chelh tawh thin a ni.

1946 ah Mizo Union Party zawmin Party lamah ram rawngbawlin a inhmang tan a. Chumi hnu chuan Mizo Union Party chhuahsanin Non-Cooperation Movement of the Mizo Union zawmin, thla ruk chhung Jailah a tang nghe nghe a. 1952 ah Mizo Autonomous District Council inthlanpui hmasa ber alo thlen khan thlan tlin a ni a, chutah chuan Chief Executive Member nihna a chelh a. 1959 ah Indian National Congress Mizoramah din alo nih khan, a dintute zinga mi pawimawh tak ani a. India hmarchhak Hill State nawrpui neihna ah khan telve in, Eastern Tribal Union ah khan Vice President nihna te a chelh a. Human Rights Committee a lo din khan Executive Member niin, 1975 ah Peoples Conference Party lo dingah khan Convener a ni chho leh a. Hemi pawlah hian Central Working Committee ah Member pawimawh tak ani zui nghe nghe a, hemi hnu 1978 ah Rajya Sabha Member atan thlan tlin a ni a. 1984 thlengin he hna hi a chelh a ni. Tin, Politic lama mipuite rawng bawl hna a chawhlan lailawk chhung pawh hian kartin chhuak chanchinbu 'Tunlai' enkawltu Editor nihna a chelh a. Pawlruk zirilaibu pakhat History of India a buatsaih a, chubakah lehkhabu dang Kristian nunkawng a kaihruaitu tha tak nei lehkhabu 7 lai a letling nghe nghe a ni. Ama chanchin leh Zoram Politic lam ziakna lehkhabu Zoram hming hmel a buatsaih a, chu chu, 1996 kha tihchhuah a ni.

Hetianga tak a Zoram tana thahnem ngai taka rawngbawltu duhawm hi nimahsela, a taksa in hrisel-lohna hrang hrang te neiin mahse kan beisei aimah ti ila, ani mai awm e, a min damrei pui thei zawk a kum 80 lai mai niin kan ui em em chungin, July 26, nimin zing dar 5:30 khan min lo boral san ta a. Zoram mipui ten kan chan ropui em em a, chuvangin keini kan Legislative Assembly inkhawm pawh hian kan zahrate, kan chhuan na te, kan chawimawina te kan sunna te, entir tham mizo hnam mihmasa kan miropuite an nihna kan hriat

reng thain ka hria a chutiang tak chuan kan zahna leh kan chawimawina leh kan uina kan entir hi tul hlein ka hria a. Chu chu kan sawi theih a ni e. Pu Speaker, Ka lawm e.

S P E A K E R : Awle, kan House Leaser in a chan-chin ropui tak takte a rawn sawi thuak tawh a. Member dangte pawhin sawi kan duh hlawn dawn a. Tunah kan Deputy Chief Minister i lo ko leh ang.

PU LALHMINGTHANGA : Pu Speaker, ka lawm e. Pu Lalsawia DEPUTY CHIEF MINISTER boral chung chang thu kan han hriat hian kan thin a thawng a. A nat dan hi natna khirh tak, kal lam hnathawh that theih loh avanga natna nei ani a, khum betin hun rei tak a awm a, tuna kan House Leader sawi tak ang khan nimin zing lamah min lo boral san ta a, vawiina han sawi ve lo thei lo nia inngaihna lai ka nei a. Pu Sawia hi a mimal ang chuan 1961 atangin kan in hre tan ve a. A hming hrim hrim hi chu naupang kan nih lai atangin Zoramah Politics a rawn chhuah tan tirh a hrwaitu hmasa an ni a. District Council kan han neih te khan C.E.M. a tang hmas anihmate kan hre em em a, Ram rawngbawlina a chhonzawm chhoh zelnaah 1959/60 mautam lai velte khan, Assam Sorkar an rawn dawr thin a. Keini khatih hunlai khan Sikul kalin Shillong ah kan awm a, chumi hun atang chuan kan inhre ve tan a. Kum lamah inthlau mah ila amah hi mi phungthlu leh mi han lawm dan thiam a ni a. Chutiang chuanin ama chanchin hi keima mimal ah chuan sawi tur tam tak a awm a ni. Amaherawh-chu hun a tlem avangin a pawimawh lai chauh kan sawi anga. A hma lam thil kha chu khatiang khan ka duh tawk mai ang a. Hei tuna kan MLA zahawm tak zinga mi Brig.T.Sailo hian Mizoram ah Human Rights Committee kum 1974 a arawn din khan Pu Lalsawia hi chumi lawmtute zing ami, mi tangkai tak ani a. Tichuan 1975 April ni 17 ah Mizoram People Conference Party a rawn din khan Working Committee Member Executive Committee Member zinga mi a ni a. Chuta tang chuan Party angin kan thawk hove.

Tichuan, 1978 MLA inthlan khan Tlung-vel bial ah P.C. Candidate in a ding a, mahse vanduaithlak takin chutah chuanin a hlawnchham ah a tang ta a, Mahse 1978 ah khan P.C. in Sorkarna kan han lak chhoh khan Rajya Sabha Seat hi alo ruak ta a, tahchuan MLA te khan inthlanna neiin Rajya Sabha Seat a awma tura hi a Candidate chung chang thu phe chu Legislative Party P.C. Party khan ka Bangalow ah kan ruahman chhoh ani nghe nghe a. Tichuan, kan M.P. ah P.C. Party atangin thlantlin he hmun pawimawh tak hi a luah chho a. Amah Politics ah te experience lo nei tawh thin anih avangin Rajya Sabha M.P. a awm lai te khan ram leh hnam tan rambuai kan nih lai ten a theih ang tawk thawkin Mizo mipuite thlavang hauvin rawngte a bawl thin a.

Tichuan M.P. a a term a lo tawp hnu hian ama theih ang tawkin khawtlang thatnan leh Zoram thatna atana a hun hmang chho zelin a nun hi alo hmang ral ta a ni a. Vawinah he House zahawm tak hian a nupui fanau te, a tu, a

fate zawng zawng te kan tuarpui in hetiang hruaitu hmasa kan zinga an lola dam khan mingte ti thlamuang thin a, mahse tunah kan han chan leh ta hi he House tan channa ropui tak, Mizoram mipui tan channa nasa tak leh ropuitak tak a ni a. Chuvang chuan vawiin hian kan tuarpui sangber a nupui fanaute leh atu a fate a kalsan tak te zawng zawngte hnenah tuarpui kan hlan a ni e. Ka lawm e.

PU R.LALZIRLIANA : Pu Speaker, hun min pek avangin ka lawm e. Hei kan mihmasa Pu Lalsawia kan C.E.M. hmas ber vawiin nia kan chan ta mai hi channa ropui tak niin ka hria a. Vawiin niah hian kei leh ka thawhpuite aiawhin tawite kan ram tana a thil tih thatte han sawi ve ka duh a.

Kristian kan ni a, Pu Lalsawia hi Kristian a nihna zahpui ngailo mi a ni a. District Council hun lai pawha Kristian nihna humhim duh tlattu mi a ni a. Kum 1953 a India Prime Minister Pu Nehru-a lo zin pawh khan Good Friday dawnin a lo zin a, Good Friday nite hi Kristiante tan nipawimawh tak anih avangin Good Friday nia interview neih kha a duh tlat lo a ni. Chuvangin Prime Minister meuh pawh khatiang a alo dawr khan Prime Minister khan ngaithiamin Good Friday nilenga awm mai mai in zahah zanrei tawh takah Prime Minister hnenah chuan interview-na a nei chauh a ni. A entawn tlak hle in ka hria a, kawrah hmang loba, Kristian anihna ang taka lan chhuah tir ngam tu kan nei ani. Tichuan, Assam Chief Minister Pu Medhi alo zin pawh khanin kan ram tan thil an dil a, tuikhur leh khelmual te an lo dil a, an nichuanin ram tan leh hnam tana thil tangkai tak chauh dil rawh u, tiin an lo hril hrilh a. Amaherawhchu, Pu Lalsawia ten kan pi leh pu hun lai atang tawh a, keini chu hetiang anga khelmual te, Tuikhur te ngaisang kan ni a, vawiin niah hian Pu Medhi khanin Tui in mamawha nih chuan, hetah phaizawl, tuikhur awmna ah tui nawmna hmun ah inkhua din ula, tichuanin tui lamah problem in nei lovang ati a. Amaherawh chu, Pu Lalsawia ten kan pi leh pu hun lai atang tawh keini chu tlang chhip a awm tawh kan ni a. Chutiang a tihdanglam mai theih ani loba, chutianga i tih dawn chuan nangni phaizawla awm te pawh hi kumtin a phai tuilian ina a tihbuai theih lohnang tlang lamah rawn insawn chho ve ula, atha zawk lawm ni, tia mawl mang ang reng tak huaisen tak si a, phailam a vai milian te lo dawr thin tu ani a. A ngaisan awm hle in ka hria a.

Tin, chumi piah lamah chuanin hei kan Chief Minister zahawm takin a sawi ang khan C.E.M. hmas ber a ni a. Champhai ah M.D.C. chuhin heta tang hian C.E.M. alo ni chhova, Tin, chumi piah lamah chuan he a hun chhung hian dan tam tak zofa te min siam sak a. Dan siam hi a harsa hle a ni tih kan hria a. Vawiin ni ah pawh hian hei kum 50 1952-53 vel atang chuan kum 50 a lo ni dawn tawh a. Tunah hian an dan siam tam tak hi tih danglam mang lovah hman kan la nei ta a ni. Chung anih a vang chuan Mizo fate tan a thiamna hi a lo hmang nasa em em in ka hria a. Heng a dan siam te pawh hi vawiin a hun hnunung ah hian han sawilan lawk ka duh a. Lushai Hills District Council Act No.1,2,3,4,

1953 House Side Act te Social Custom te reduction of Fathang Act, Fisheries Act, Village Council Act. Money Landing by Non-Tribal Regulation Act, Revenue Assesment Regulation 1953 Taxation of 1953, Professional Trade Calling & Employment Taxation Regulation 1953, Administration of Justice Rule 1954 Chief Ship abolition Act, Jhuming Regulation 1954, Market Regulation 1954, Trading by Non-Tribal Rules 1955, Forest Act 1955 Administration of Town Committee Act 1955, Fisheries Act 1955 Market Rules 1956, heng te hi C.E.M. vawikhat anih lai khan dan min lo siamsak ani. Hetiang anga miropui leh a thiamna te Zoram in a kan hman vawiin ni a kan chan ta hi channa ropui tak channa rapthlak tak kan ti dawn em ni ? niin ka hria a. A kalsan tak a chhungte Pathianin awmpui se kan duh a ni, Pu Speaker, Ka lawm e.

PU H.VANLALAUVA : Pu Speaker, hei Pu Lalsawia, Ex-MP hi kum lamah kan rual u daih ni mahsela kohhrana ka rawngbawlpui, Pathian leh kan ram tan tia ram leh hnam rawng ka lo bawl pui thin a nih avangin, kam hnih khat tal sawi lo thei lo ni vein ka inhria a. Kan hnam hruaitu hmasa, kan ram hruaitu C.E.M. hmasa, ber an nihna te leh; Mizoram aiawha India ram rorelna sang Parliament Member a nihna te mai bakah kan ram leh kan hnam tan rawng a bawl na kawngah, mi rethei, mi hnuaihngung leh mi chanhai te, hmangaihtu leh lainat tu, anmahni tanpui tura an tana malsawmna nih tum tlat mi, a nihna te, Pathian tih mi a nihna te kan chhinchhiah leh kan zir tlak a nunah thil tam tak hmuh tur a awm a.

Tin, vawiin niah he House ah hian Sawi lo thei lo nia ka inhriat chu kan Ramin Remna leh muanna a mamawh a, mipui te remna leh muanna tihala kan ril a tam lai khan tling lo tak chung a Peace Emmisary hna kan thawhnaah 1980-84 M.P. anih chhung zawng khan Remna leh Muanna atana thil tul leh pawimawh thawktu, sawitura Aizawl atanga Delhi kan kalna tam takah amahin rem min ruat sak a, amahin a min kaihruai a, kal thin ka nihna te ka rilruah a awm reng a. Tin, kan ramin remna leh muanna a neih theihna tura Pathian hnenah tih tak zet a bang lova tawngtai thin a nihna bakah, tling lo tak chung a kan hnathawhna kawngah thurawn taima tak leh thahnem ngai taka min pe thin tu a nihna te, vawiin niah rilru ah a thar lo thei lova. Chuvangin, a chanchin kan ngaihtlak tak kan hnam ro min lo siam sak tawh zawng zawng te leh kan ram leh kan hnam tana a hnathawhna ro hlu theihngilh loh tur thil tam tak min hnutchhiah te, vawiin niah kan rilru ah kan hre reng a. Hetianga hruaitu ropui leh kan hnam tana pawimawh kan lo chan ta hi Mizoram leh Mizo hnam tan hian channa ropui tak a ni tih vawiin niah hian kan sawi nawn ve leh duh a. Chuvang chuan a hna hma bak a kalsan tak chhonzawm a hlen chhuak turin vawiin niah he House leh Mizoram mipuite kan inbuatsaih a, a hniak hnung zui tura mahni in dah tha a, Pathian leh kan ram tan a midangte tana malsawmna ni tura a in pumpek thin anga a hniakhnung zui turin vawiin niah amah ui tu leh sun tu zawng zawng Zoram leh mipuite ka ngen duh a.

Tin, a kalsan tak a nupui, fanau leh a tute chhungkhat laina zawng zawngte kan tuarpui tak zet ani tih hi vawiin niah kan sawi chhuak ve duh a ni e. Ka lawm e.

S P E A K E R : Pu Lalthan Kunga nichin atang khan a ding ak ak reng a. A ni hian han sawi se, sawi chu kan duh theuh dawn mai a, mahse programme te kan lo nei laklawh ve bawk si a, Member lam atang chuan kan duh-tawk tawh mai ang chu.

PU LALTHAN KUNGA : Pu Speaker, ka lawm e. Sawi tur tam tak awm mahsela, vawiin ah thui tak sawina hun ani lova. Hei, Pu Lalsawia chu ka hma a sawitu te khan ka sawi tur tam tak an sawi tawh a, ka sawi nawn lo mai ang a. Mizo Union atangte P.C. atang te Mizo Convention kan tih ah khan Party hruaitu leh mawhphurhna pawimawh tak tak lo chelh chho zel in Ram leh Hnam tana a rawngbawlna sawi tur a tam em em a. Amah hi mi inggaitlawm tak mai leh rual kawm thiam tak mai ani a, a fate rual tur ang lek nimah ila, thian ang tak tak in keini ang tak ngial pawh hi min kawm thei ani. A aia naupang zawk, mahni fate rual mahni thian anga kawm thei nih hi harsa tak ani. Pu Speaker kan sawi duh a chu, Pu Sawia hian kan ram leh hnam tana hma a lo lak na hi vawiin ah sawi sen ani maiin ka ring lova, 1982-83 khan kan ram buai vanglai ani a. Delhi ah vawih/vawithum kan zin ho ve a. Chu chu M.P. anih lai te kha a ni a. Kan rama thil diklo tam tak a kha a ngai theilo em em a, chutih lai chuan A.P.C. kha mum 5 Rs.1/ angin helaiah supply a ni a, Company atang mum 120 kha Rs.1/- man anih lai vel a ni si a. Khangte kha a beinasa a. House ah te pawh putluh turin lehkha a siamin nasa takin Mizorama thil diklova kha a do dal a, chungte pawh chu a thil tih tura te pawh kha kan han chhut sak ve nawk nawk a. Chutiang chuan Pa anga kan en nimahse, Politics ah min kaihruai tu leh kawng leh sul min sutpui tu, min hruaitu ropui tak niin ka hria a. Hetia a theih loh tak hnu tlem a rual an kawm theih loh tak hnuah pawh hian Mizoram Political Party hrang hrang History chi hrang hrangte lakhawmin lehkhabu pawimawh tak, chungte pawh chu a buatsaih a. Thang leh thar te ta tur Rohlu tunah hian min hnuchhiah a ni, chuvang chuanin Pu Sawia rawngbawlna a hi kan ram tan vawiin niah hian a hlu em em a. Thang leh thar te tan pawh.

Tin, Reserch zirturte tan thleng te pawh lehkhabu chhenfak awm tur te pawh a lo buatsaih a, chutianganga mi taima leh mi sincere tak mai vawiin niah hian kan lo chan ta hi a vanduai thlak hlein ka hria a. Chuvang chuan han sawi ve hram kha kan duh a ni e. Tichuanin a chhung leh khat, a nupui fanaute, a tu leh a fate kan tuarpui tak zet a ni tih a kha kan tarlang nawn ve a ni e. Ka lawm e.

S P E A K E R : Le, kan sawi tak ang khan a chan chin hi kan sawi seng lo awm e. Ram leh hnam tana kan sulsutu pawimawh a ni a. Tin, kawng dang kawng khat chauh kan sawi ve anga. A mah hi zunthlum vei a ni a, kum 50 dawn lai ani tawh a, a insum theih em avangin a nun hi a pawt sei hle ani chu chu tunlai thangtharah zunthlum hi a tam em em a. mi entawn tlak anih zia hemi kawngah pawh hian tih hi puan chhuah ka duh a ni.

Aw le, amah sun nan tunah 1 minute ngawi rengin i lo ding ang u. (Ngawi rengin 1 minute anginga)

Tunah chuan Question kan la tawh anga, thil pakhat han sawi lan lawk ka duh chu Question hi a then in hun tawp dawn tepah te kan theh lut a, a thenin hma deuh ah. Member zahawm tak te Question kha kan hnawl thei ngawtlo. Dan fel tak tlawh chhan lo chuan, chutiang angah chuan zawh nawn a hi a awm fo mai a, a ngai si, chu chu Speaker thuneih na ringawtin a hnawl ngawt theih lova, dan ang thlapa lo kal anih baw si chuan, mahse Member te ngaihdanah hian Question chhan tawh si hemi Session la la chhunga chhan tawh si hetiang hi a lokal nawn leh hian balloting vek ani si a. Duh duh tih hmasak mai mai ani lova, ballot ah khan lo awm pawh nise lo chhan fel tawh na na na hi chu ti tawh loh mai nise tih kha hanrawn tlan che u ka duh a. Engnge ngaihdan te in neih ?

PU R. LALZIRLIANA : Pu Speaker, kei inrawn tlanna a nih te chuan hei ka Question te pawh a awm a. Hengte pawh hi tih tawh loh mai nise, kei ka pawm thei e.

PU TAWNLUIA MINISTER : Pu Speaker, Session vawi khata zawhna chhan tawh kha chu, zawhna te kan duham tlanga, khami ang kha churawn tih nawn loh a tha khawp mai.

S P E A K E R : A lawm awm e. Ni e, Question tam zawk kan chhan theih phah ang a, tunah Starred Question No. 95-na zawt turin Pu Lalchamliana i lo sawm ang.

PU LALCHAMLIANA : Pu Speaker, Minister zahawm tak in-charge Finance Department chhan atan Starred Question No. 95-na

- (a) Aizawlah Second Treasury hawn belh tum a ni em ?
- (b) Hawn belh tum ni ta se khawilalah nge ?
- (c) Engtik hunah nge hawn a nih theih ang ? tih ka zawt e.

- S P E A K E R : Chhang turin Pu Zoramthanga Hon'ble Chief Minister in-charge Finance Department i lo sawm ang.
- PU ZORAMTHANGA CHIEF MINISTER : Pu Speaker, zawhna pakhatna chhanna chu, hawn belh tum a ni e. Zawhna pahnihna chhan na chu- Macdonald hill Zarkawta hawn tum a ni. Tin, (c)-na chhanna - A hawna tura thil tul ang ang chak taka bawhzui mek ani a, hawn thuai tum ani, tih a chhanna a ni e.
- PU LALTHAN KUNGA : Pu Speaker, zawhbelhna, hei Treasury hi a pawimawh hle mai a, Aizawl ah pakhat chauh kan nei a. Khatiang a hawn belh tumna a lo awm kha lawm-awm hle in ka hria a. Zokhaw hmun hrang hrangah pawh hian Sub-Treasury te hi tam zawka hawnbelh theih dan awm sela, tha hle in ka hria a. Ka bial chhung Darlawn ah khian Sub-Treasury min hawn sak turin lehkha ka pe thin a, a chhan chu Sorkar hna-thawk tam tak ten tul lovah Aizawl an rawn pan in helai an lo buai a. Thla khat dawn te Bill nghakin an awm ta a, Department thnekhat phei chu an Department buaipui tu bik te kha an mahni Station a awm lovin Aizawl ah hian an awm deuh chawt ani mai a. Chutiang ang khawp chuan Treasury chung chang thuah hian harsat na kan lo tawk a. Chu chu tul lovah Sorkar sum leh pai kan hmangral nasa em em a. Aizawl panna nen, channa nen, hna an thawk theilo nen. Chuvang chuan Pu Speaker, Darlawn ah khian Sub-Treasury min hawn sak thei angem ? tih kha kan zawt belh a ni e.
- PU C.THANGHLUNA : Pu Speaker, zawh belhna- Lawngtlai chu District thar a lo ni ta a, D.C. in a awp ve ta a. Amaherawh chu, kan Sub-Treasury saw a ngai reng ala ni a. Sub-Treasury in a la awm a, saw saw Headquarter a lo ni a, D.C. awpna a lo nih sawn, District Treasury ah upgrade theih a ni a ngem ? theih dawn ni ta sela, eng hunah nge ? tih kha kan zawh belh e.
- S P E A K E R : Chhang turin Chief Minister i han sawm teh ang.
- PU ZORAMTHANGA CHIEF MINISTER : Pu Speaker, kan ram Development te pawh theih tawp a tih chang tlun a pen chak tir kan tum a. Chuvangin kan Bank te kan Treasury, kan Sub-Treasury te hi a mamawhna a zual zel dawn a, chuvangin heng hi tihpuitlin na pawh chak zawk a hmalak kan tum a. Hei Darlawnah Sub-Treasury chung chang thuah te engtikah nge an tih theih ang ? An ti thei angem tih te, heng hi kan Sub-Division

hmun pawimawh ah te khawpui hmun dang dangah te tih chu kan tum dawn a, tina tul pawh a tul dawn bawk a, chuvangin Darlawn lam pawh hi kan rilruah kan lo neih ang a. Tunah mai chuan sawi theih a ni lova, hei hi kan Member zahawm tak tena an ngainpawimawhna leh an zawhna kha hre rengin kan lo enzui anga. Tin, Member zahawm tak Lawngtlai bialtu ina a rawn sawi kha Lawngtlai lampawh District a hlan kai anih chuan kan District ah te pawh Treasury puiltling leh lian zawk dah a tul dawn a, khangkha kan lo enzui anga. Amaherawhchu, hei Budget kan han hmang tan ve a thil han upgrade, han siam chhoh ve zung zung turin kan Financial te bul kan han tan chho dawn ani a, vawikhat ah atih nghal theih lova. A theih anga rang in umzui zel kan lo tum anga, kha kha kan lo hre reng dawn nia.

SPEAKER: Starred Question No.96-na zawt turin
Pu Nihar Kanti Chakma ilo sawm ang.

PU NIHAR KANTI CHAKMA: Pu Speaker, starred Question 96-na
Soil & Water Conservation Minister
chhan atan ka zawt e.

SPEAKER : Chhang turin Pu Lalhmingthanga
Minister ilo sawm ang.

PU LALHMINGTHANGA : Pu Speaker, Member zahawm tak
MINISTER. Tlabung bial tu zawhna starred ques-
tion 96-na kha hetiang hi ani a,
Kum 1999 leh 2000 chhungin soil
& Water Conservation Department
hian Terracing ~~mai~~ engzat hnenah nge apek? tih a ni a. A
chhanna chu- kum 1999-2000 chhungin Soil & Water Conser-
vation Department hian mimal hnenah Terrace tanpuina pek a
nei rih lo tih a ni.

SPEAKER : Question No 97-na Pu K.T.Rokhaw
zawt turin ilo ko ang.

PU K.T.ROKHAW : Pu Speaker, ka zawhna starred ques-
tion 97-na sorkar hnathawkte hlawh
thar tur hi engtik atangin nge pek
tan anih ang? tih kan Minister i/c Finance ka zawt e.

SPEAKER : Chhangturin Chief Minister ilo
sawm ang.

PU ZORAMTHANGA : Pu Speaker, pektan han tih hian a
CHIEF MINISTER effective-na tur chu kumin May ni
1(khat) kha a ni ang a. Tun May
ni khat kal ta 1999 kha a effective
natur pawisa alak tanna tur chu ani ang a mahse a pawisa fai

tak a hi engtikah nge a hlawh ang hian lak anih ang tih erawh hi chu, a notification hi ni 9.7.1999 chhuah a ni a. A pawisa fai hi chu tunhnai maiah hi chuan kan neih rih loh avangin tun teah hi chuan kan la pe thei lovanga. A theih hmasak ber, kan sum dinhmunin min warrant hmasak ber hunah pek vat kan tum e.

PU ZAKHU HLYCHHO :

Pu Speaker, zawhbelhna. Hei Sorkar order hi a dang a dang mai a. Hei hi in order hmasa a ni a, hemiah hian 1st day of January, 1996 atanga effective tur angin a rawn lang a. Tin, 1st May 1999 atangin a pawisa hi tuna a rawn sawi ang khan la tur ang khan a rawn sawi bawk a. Hei hi order hmasa a ni a. A hnunhngah hian a rawn defer leh a, order dang a awm leh a. Hetah hi chuan refer payment of arrear and allowances for May and June 1999 a ti leh ta a. Engatinge ni hetia order hi an thlak nachhan?. Ist May atang khan enge an pek theih loh nachhan? 1st May leh tun inkar ami hi Sorkar hian inpound sak an tum ta em ni?. Nge inpound lovin arrear in an pe ang?

PU ZORAMTHANGA :
CHIEF MINISTER

Pu Speaker, a pawisa fai kan la neih loh vang a nia. A lo thlen phawt chuan inpound pawh kan tum lova, kan pe em em ang a. Tunah hian Central Sorkarah kan dil a. Hei hi kan Peace Bonus zingah pawh min telh ve tur a ni kan ti a, tunhnai Khan Officer Committee lo kalin recommendation pawh an theh thla tawh a. Kan Sorkar hnathawkte hlawh kumin a pek theih na turin Sorkar laipuiin-a an order sak, anphalna chin ate a lo la chhuah loh a vangin tunah hian a pawisa fai kan la nei lo va, chuvanga a pawisa fai a pe thei rih lo kan ni a. Hei hi beisaina sangtak kan nei a, an recommendna leh an tawngka atang pawn beiseina sang tak kan nei a. Chuvangin, he hun hi kan rilrua kan neih a ni a, inpound pawh kan tum lova, heng hi min rawn pek chuan May 1 atang hian pek pawh kan duh a. Order hrang hrang tih awmzia kha 1996 khami atang a Sorkar hnathawkt te standard conversion, khami dinhmun atanga en nan kan hmang a. Mahse May 1, 1999 atangin a pawisa chu hmuh theihna tur effective na tur a ni a, mahse chu chu tunah a pawisa fai tak a kan la neih rih loh avangin tunah tak hian a pawisa faiin ka pe thei rih lo a ni e. Leh: ka chhanna chu a ni.

PU ZAKHU HLYCHHO :

Pu Speaker, Sorkar hmasa lam atang te pawh khan theih nisela, tih duhna a lian viau va, mahse sum harsatna bawk kha a ni a. Hei India ram State hrang hrang hian Fifth Pay Commission anga hlawh thar pek tura ngiatna hi demand hi a awm vek a. Chu chu State tamtakin an harsat avangin heng kan thenawm hnai Assam te, West Bengal te pawh hianin an mahni -

...597/-

Commission hran dinin Central Pay Commission Fifth Pay Commission hi a recommend aia hniam hret te hian an ti a. Tuna minrawn chhanna ang khan anih leh State dang zawng zawng khan anih leh an dil ve si a, keini tan hian India ram Sorkar tan hian a harsa viau lo vang maw tunah hian? Tin, tuna lo kal ho chuanin eng hun atanga hmu thei tur in nge in han Recommend reng reng? tihte pawh khæ he House ah hian a hriat theih ang em? Tin, beiseina sang tak kan nei tiha kha engtiang hawi zawnga beiseina Peace Bonus atanga beiseina nge ni? Sorkar hmasa in lehkha a thehluhah hian pawisa harsatna tia an zuk thehluhah khan, hemi kan harsatna hi Crore 202.86 a ti a. Hei hi em ni an zuk dil deuh? tihte pawh kha min hrilh chiang deuh thei ang em aw?

PU NIRUPAM CHAKMA : Pu Speaker, zawhbelhna 1.1.96 atangin '99 khami Period chung kha hlawh thar pek tur chung changah hian Sorkarin decision engmah a siam lo em ni? Enge pek a tum lo em ni?

PU K.T.ROKHAW : Pu Speaker, kan Chief Minister khan hlawh a Effective Date min lo hrilha Sorkar hnathawk te hi hlawh tihpun hun hu an nghakhlel em em a, khatah khan kan Chief Minister khanin pawisa fai kan neih hunah a ti a. Kan Chief Minister ani bawk a, Finance ani bawk a. Engtikah nge pawisa fai hi kan neih theih ang? A hun vel min hrilh thei se a lawmawm ngawt ang. Tin, hemi rual rual hian an arear te hi pek nghal ani dawn em? tih kan zawt tel duh bawk a. Tin, a pathumna ah chuan Police Department a bikin Head Constable leh ASI hlawh hi hlawh thar ah hian a inang in ka hria a, present Pay ah hian ASI hi a sang zawk a, chuvangin Present Pay ang hian hlawh thar ah pawh hian ASI hlawh hi a sang zawk dawn lawm ni? tih kan zawt tel duh a ni e.

PU ZORAMTHANGA CHIEF MINISTER : Pu Speaker, a tira Mizoram Liability a kan dil tel ah pheih chuan 1996 atang khan min pe chho ula tiin kan dil chho ngat ngat a. Amaherawh chu, an nin harsa an tih thu an sawi a. Hengte hi minrawn pe thei sela chu 1996 atangin kan han pe vek mai tur a nia, amaherawh chu, khami kha chu kan harsa ang an tih avangin kumin May 1999 ni 1 atang khan pawisa chu pek ngei che u kan tum ange tiin Sorkar in order siamin heta tang hian kan han nawr tha leh a ni a.

Tichuan tuna kan dinhmun ah chuan hmanni a Officer Committee a lokal Central Government Finance Secretary pawimawh te midang lokal te khan min enpui a kan dilna te Sorkar ina Order kan siama zawng zawng te min enpui a. Chumi chu May ni khat atanga in tan a pawisa

min
kan mamawh zat tur ang chhutin keini pawhin immediate a kan mamawh tur ang chu an hnenah kan thlen leh a. Kum 1996 a tanga minpe tura kan ngen, an harsat thu min hrilh hnuah kan thlen nawn leh a, chumi bak chuan an ni pawhin a amount tur awm angte recommendation te siamin May 1, atanga pek tana, kumin chhung tal daih turin recommendation te pawh min siam sak a. Tichuan Government Centralah decision siam turin tunah hian an pulut mek a. Hemi umzui tur hian kan Chief Secretary pawh Committee a tel anih awang khan i signature pawh a ngai ve ania an tih avangin tunah hian ko thla a, A rang thei ang berin hei chu rawn tih kan tum ang an ti a, kum 1999-2000 May atanga chhiara daih tur hisapin an ni pawh in recommendation hi siam an ni a, chumi hnu lam erawh chu Eleventh Finance Commission kutah kan dah a, State dang pawhin beiseina na dahna chu 11th Finance Commission kum 2000 atanga in tan tur kutah hian hemi Pay sang pekna turah hi chuan rilru ah a dah deuh thuap a. Hemi tur atan pawh hian State dang zawng zawngte pawhin an dah a ni e, an ti a. Amaherawh chu, keini chu a bika Peace Bonus kan nawra zar ah, kumin May atanga intana tun Financial year chhung kan nawra. Chu chu recommendation nena pek thlak tak chu ani a, tin engtikah hian nge a lo chhuah ang tih chu rei a inrial loh nan theihtawp kan chhuah ang a. Tunah an recommend an thelut ve chauh a ni a, hemi chhung pawh hian a theih ang ang atanga lo kal source hrang hrang atangin kan Sorkar hna thawk te chu, a theih ang angin avaiia aruala kan pe vek lo anih pawhin group wise talin, hemi group chin, kan tlin chin ang ang tal a pek theih ang tawka hma a pek chu kan tum bawk ani. (Pu Zakhu Hlychho :- thla khat ah hian engzat nge hmanral tur Pay revision avanga Sorkar in a kan senso tur ?) Awle, kha kha Pu Speaker, a tlangpui thuin thlakhat ah hian senbelh tur hi nuaih 850 vel angai a. Tin, pension leh family pension velah nuaih 150 vel ngaitur a ngaih a ni a. Avaiin nuaih 1000 (crore10) vel thla tin ngaih belh tura ngaih a ni. A chiah chiah erawh chu a chhut theih lohva.

Tin, Pu Rokhaw zawhna pakhat Police lam hlawhte kha ni e. A dik a, kha chauh lo pawh kha Department hlawh hi fello tam tak a awm a, heng enfel tur hian kan Pay Implementation Committee tunah hian kan siam mek a, hemi order lo chhuah full time a reilo te a heng hi chingfel turin Sorkarin hma ala dawn a. Chumi ten a an tih fel hnu chuan heng hi tihfel vek pawh kan tum a ni.

S P E A K E R : Starred Question No-98 zawt turin Pu Nirupam Chakma i lo sawm ang.

PU NIRUPAM CHAKMA : Pu Speaker, Starred Question No. 98- Will the Hon'ble Minister in-charge Finance Department be pleased to state whether the Government of Mizoram made any provision for construction of Sub-Treasury Building and Staff Quarter at Chawngte during 1999-2000 ? tih hi ka zawt e.

S P E A K E R : Chhang turin Chief Minister i lo sawm ang.

PU ZORAMTHANGA CHIEF MINISTER : Pu Speaker, zawhna kha No.98-na kha maw ? Whether the Government of Mizoram made any provision for construction of Sub-Treasury Building and Staff Quarter at Chawngte during 1999-2000 Mizoram Sorkar hian Chawngte a Sub-Treasury Building leh a Staff te chenna In tur sakna tur hian 1999-2000 chhung hian pawisa a dah em ? tih a ni a. A chhanna ah chuan There is no provision before Construction of Sub-Treasury Building and Staff Quarter at Chawngte during 1999-2000. Chawngte ah 1999-2000 chhung hian Sub-Treasury Building leh Staff Quarter sakna tur pawisa dah a ni rih lo tih a ni.

S P E A K E R : Pu Nirupam Chakma.

PU NIRUPAM CHAKMA : Zawhbelhna Chawngte ah Sub-Treasury leh Staff Quarter te kan mamawh a, a chhan chu Sub-Treasury a awm loh chuan State Bank ho hi an kal duh lo a ni. Sub-Treasury siam sela Bank pawh kan hawng ang. Phun ang an ti a, churang chuan Sorkar lam atangin Sub-Treasury Building tur te, Quarter tur sak te a ngai a. Tin, D.C. khan Bank atan Building accomodation chu kan pe ang an ti a. Bank Staff te tan pawh Quarter pawh pek an tum a, chumi chu Sorkar lam atangin Sub-Treasury leh Quarter te chu sak a ni dawn lawm ni ? tih kha ka sawi duh a. Tin, Normal planah pawisa a awm loh chuan PADP atang talin pawisa kha siam theih dan a awm lawm ni ? tih kha ka zawt a ni.

PU NIHAR KANTI CHAKMA : Pu Speaker, Supplementary Question Sub-Treasury Building & Staff Quarter at Tlabung had already been constructed. When will the Sub-Treasury start function at Tlabung ? tih ka zawt duh a ni.

S P E A K E R : Chhang turin Chief Minister i lo sawm leh ang.

PU ZORAMTHANGA CHIEF MINISTER : Pu Speaker, kan Member zahawm tak, Chawngte bialtuin a rawn sawi kha, Pawisa hi nei tam ilang chuan an Staff Quarter te leh Building sak zung zung hi kan duh a. Amaherawh chu,

kan sum dinhmun te a chhiat rih em avangin, harsatna tinreng in min tih rih avang hian kan tun Budget pheih chu nikum ang tluk khan lo ti phawt mai teh u, an ti a. Chuta tanga han tan chu kan ni a. Chuvangin, kan Department dang te Demand han tihah pawh khan, tikhan a hmingin kan han dah den den ringawt rih a ni a. Chuvangin tun kan Budgetah hian tunah pawh hian kan dah thei rih lo a ni a. Amaherawh chu, Head hrang hrang atanga han tih khawmin engemaw tia tih theih dan kawng a awm a nih chuan keini pawhin kan lo enzui ang a, a theih dan kawng kawng a awm anih chuan, emaw hmun dang atangin emaw chu chu kan lo tum dawn nia.

Tin, Tlabung bialtu zahawm takin a question kha When tih a question kha whether it is a function, when will it be functioning, when will it start functioning hei hi a hma thei ang bera function tir kan lo tum ang a. Amaherawh chu, harsatna chi hrang hrang Treasury ah te hian kan neih avangin a Staff ah te chung chu kan han ti khawm ang a. Kan sak zawh tawh chinah pheih chuan a hma thei ang berin sunction tir pawh kan lo tum ang e.

PU H.RAMMAWI : Pu Speaker, Tlabung pheih chu a rei tawh a, tun hma thil kha ani tawh a. Sub-Treasury Officer te kha an dah tawh a, amaherawh chu, an Service kha eng tin tin emaw an ti kawih leh a. Tun thleng a a sanction hma theih lohna chhan hi a ni a. Tun hma khatiang harsatna Tlabung Sub-Treasury Officer te pawh kha an awm tawh ani. Tun hma thil ani a Ministry hmasa thil khang kha kan House Leader khanin tunhmasa thil hlui kha a hre thei ang a. Khang kha enge a chhan tih kan zawt duh a.

Tin, a pahnihna ah, Chawngte hi District Council pathum kan nei a, Mizoram ah District Council pathum kan neih ah hian Saiha-ah chuan State Bank a awm, Treasury a awm a. Lawngtlai ah Sub-Treasury a awm a State Bank a awm a. Chawngte hi an la nei lova, Sub-Treasury a awm loh chuan State Bank hi a harsa tlat mai nichina a zawttu sawi ang khan. Tun hma zawng kha Ministry kum 10 a zawttu te Sorkar lai kum 10 chhung ah khan engtingge maw hei hi kan lo tih le aw ! tih ngaihtuahna nen kan Sorkar thar hian khang hun lai a harsatna thuai tel khan min chhang thei em aw ? tih kan zawt duh a ni.

PU NIRUPAM CHAKMA : Pu Speaker, State dang ho hian rei tak R.B. atangin license din in an buaipui a, kan Sorkar lai hnuhnung lamah Branch kan hawng thei ang an ti a ni. Chuvang chuan nikum atangin Sub-Treasury Building sak turin kan dilpui a. Tin, Sorkar kumina Plan ah siam turin kan ngai a. Chuvangin kan Sorkar hmasa engmah hmalak a awm lo tih kha chu a diklovang a, kan buaipui reng ani. A rang thei ang ber a sak anih chuan State dang Branch chu hawn theih ani. Chuvangin khawngaihin BAP atang tal emaw, hmun dang atang emaw in kumin chhungin Sub-Treasury Building te sak a, Staff Quarter te sak sak turin Chief Minister zahawm takin Insurance min pe

thei lawm ni ? tih kan zawt duh ani.

PU ZORAMTHANGA : Awlc, Pu Speaker, Chawngte pawh
CHIEF MINISTER ani a Tlabung pawh a ni a, Border
a hnaih avang khan a thlang lawk-
ah leh a chheh vel ah hian Immer-
gency ralthuam nena che mi an tam avangin Treasury, Bank han
hawng tur hian Security angaih avangin, tunhma zawng pawh khan
an lo hawn lohna chhan pawh kha a ni tlat in ka ring a. A
chhan dang tam tak zingah. Amaherawh chu, tunah chuan a Bang-
ladesh side-ah pawh Shantibahini te leh Bangladesh Sorkar ten
inremna an neih tak avangin engemaw chen chu venthawn tur te
la awmin immergency, khang underground element te a awm zauh
zauhna la awm bawk mahse, Bangladesh side-ah te a zualpui chu
a liam tawh a. A bik takin Tlabung pheih hi chu Bangladesh nen
Border Trade kan tum avang hian, Bangladesh side-ah ralmuanna
peace a lo awm tak chinah hi chuan thil theih turah kan ngai
a. Security side-ah pawh. Chuvangin hei hi chu a hma thei ang
bera Develop pawh kan tum ania. Chuvangin hei hi kanrawn en
anga. Mahse kumina kan han tihna hi chu kan Plan Budget a te
kha mumala tih theih awm lo, nikum a mi ang kha kan Copy a,
tikhan kan ti pheih mai mai anih avangin kan duh angin hma kan
la chhawp tha lova. Engpawh nise, Chawngte pawh a pawimawh
thoanga, kanrawn en anga. Tin, a bik takin Tlabung pheih
hi chu a hma thei ang bera hei hi chu a theih dan ang kawng
kawnga hei hi chu kanrawn tum ang e.

S P E A K E R : Starred Question 99-na hi nichina
kan han sawi tak zawhna chhan
tawhna a ni a. Tunah hian Pu
Zira'n arawn zawt ve leh a. Hman
niah Pu Zakhua'n arawn zawt tawh bawk a. Aw chu chu tunah
hian kan la tawh lo mai ang a. Hei, ni e. Kan Question hour
a ral chiah chiah tawh bawk a. Kan list of Business dangah
kan kal tawh mai ang

Pu H.Vanlalauva, Minister, LAD
House ah Lushai Hill District Village Council Amendment Bill
1999 put luh tir turin i lo sawm ang.

PU H.VANLALAUVA : Pu Speaker, i rem tihna in "The
MINISTER Lushai Hills District Village
Council Amendment Bill 1999 in-
troduce, put luh phalna House ka han dil e. Ka lawm e.

S P E A K E R : Rem kan ti tlang em ? Rem kan
tih chuan tunah han introduce
nghal turin i lo sawm ang.

PU H.VANLALAUVA : Pu Speaker, ka lawm e. "The Lushai
MINISTER Hill District Village Council
Amendment Bill 1999 hi House ah
ka introduce e. Ka lawm e.

S P E A K E R : Kan List of Business dangah kan
kal leh tawh ang a. Discussion
and Votting on Demands tih kha a
ni a, Pu Lalhmingthanga, Deputy
Chief Minister in a chan pual te leh, DR. R.Lalthangliana an
Department enkawl hrang hrang House ngaihtuah tura pu lut
turin i lo sawm ang. A hmasain Pu Lalhmingthang, Deputy Chief
Minister i lo sawm ang.

PU LALHMINGTHANGA : Pu Speaker, kan Governor zahawm
tak recommend-na leh i mi phal
sak angin ka Demand No. 39,46,47
a zavaia belh khawm in.

PU LALHMINGTHANGA : Pu Speaker, belhkhawmin
DY.CHIEF MINISTER Rs.83,76,57000/- a break-
up ah Demand No. 39 Soil &
Water Conservation-ah hian
Rs.14,99,25,000/- Demand No. 46-ah Electricity ah
Rs.57,38,40,000/- Demand No. 47 - Industries-ah
Rs. 11,39,28,000/- Hei hi kumin pawisa kum 1999 - 2000
chhunga Deptt. heng ka han sawi tak te a hman tur atan
hian he House hian in min phal sak turin ka rawn dil a ni e.

S P E A K E R : Kan remti tlang maw ?
Tunah Dr.R.Lalthangliana,
Minister a Department en-
kawlte Demand House-a ngaih-
tuah tur a rawn pulut turin i lo sawn ang.

Dr. R. LALTHANGLIANA : Mr. Speaker Sir, on the
MINISTER recommendation of the
Governor of Mizoram and
with your permission.
Sir, I move the Demands No. 41, 43 and 45 for
Rs. 70,91,40,000/- only for meeting expenses during
1999-2000 in respect of the following Departments -
Demand No. 41 - District Councils - Rs. 33,46,00,000/-
Demand No. 43 - Rural Development - Rs. 30,53,40,000/-
Demand No. 45 - Other Special Areas Programme Rs.6,82,00,000/-
altogether amounting to Rs. 70,91,40,000/- only.

S P E A K E R : Dr. R. Lalthangliana'n a
Demand te House-ah ngaih-
tuah turin a rawn dil a.
Rem kan ti tlang maw ?
Tunah chuan discussion kan tan leh tawh ang a. Member-te
kha kan tihdan pangngai angin 10 minutes zel kan in pe
ang a, tunah member sawi turin a duh apiang i lo sawn
ang. Pu H. Laltanpuia.

PU H. LALTANPUTA : Pu Speaker, hunte a tlem avangin Deptt. hrang hrangah khan kan lut lo mai ang a. Mahse, a pawimawh leh miretheite nena inngheng lai tak mai Rural Development Deptt. lam a hi sawi kan tum ang a. Pu Speaker, kan hriat angin Central atanga Rural Development atana pawisa lo kaldan thin a hi Rural Population a zirin a lo kal tlangpui a, a group kan neih tam dan a zirin a lo kal leh bawka a. Mizoram pumpui population-ah hian 47% population hi Urban Population-a puan kan ni tlat mai a. Rural Population hi 43% chauh a ni a. Chuvangin, hei hi engtizia nge ni? Urban Development Population-ah hian 40% daih mai a puan kan lo ni hi kan Ministry kal hmasa ten thil hi an lo chhut ngun tawka lo nge? Sub-Town ah leh Town a puan hi kan ngheh lutuk a, Urban Population hi an lo pung a, a rural population hi tlem te kan lo awm ta si a. Chuvang chuan Central atanga R.D. atana Fund kan hmuh tura pawh hi State dang te nena khaihia chuan tlem tak ani. Chumi piah lamah chuan R.D. mai lo ah pawh Deptt. dangah pawh rural population kan neih a zira fund hi lo kal ani tlangpui a.

Chuvangin, kan pawisa hmuh tur ang a hi a tak ramah hian Rural Area leh mirethei te a tam zawka kan ni si a, chutah chuan Aizawl khawpui a Veng hmawr lampangte pawh hi an economic dinhmun te, an standard of living te han en a, Rural Area a puan awm tak te an ni tlat ani. Chutiang chuan Assam-ah te pawh Urban Population khu 11% chauh a ni a. Amaherawhchu, an Rural Population a chu 89% ani. Chuvang chuan, Gauhati khawpui chhungah khuan a Veng hmawr lai khu chu Rural Area ah khuan an lo puang a ni a. Chuvangin, kan Sorkar hmasa ten an zinna apiangah ka tawng an huatthu suhah Ar Bawp khel chungin Urban-ah khan an lo puang zel mai em ni?

Tin, Zoram pum puiah hian Department hrang hrang hian kan tuar tlat ani. Tin, a mipui lampangte pawh hian tunah hian Sorkar-ah engemaw dil kan duh a, chuvangin kan In hmun hi LSC ve theih ni sela, tih beiseina avangin an lo dil pawh aniang. Amaherawhchu, LSC pek theih chungchangah pawh hian hei hi kan State thuneihna a ni a. Urban ah Sub-Town-ah puang kher lo pawh hian LSC hi chu kan Sorkar hian kan siam sak thei ani. Chuvangin, hei hi kan hriat chian loh vang niin ka hria. Pu Speaker, hemi chungchang pawh hi kan enchian tulin ka hria ani. Hetianga vawin ni a Urban Population 47% a kan puanga kan kal zel dawn anih chuan Department hrang hrang hian Central atanga pawisa kan hailuhna tur kawngah hian State dangte kan pha dawn lo em em ani.

Chutiang bawka chuan Pu Speaker, nichina ka sawi tak ang khan R.D. hemi Block tam dan a zir te in Central atangin Fund a lokal tam dawn a ni a. Mizoram hian R.D. Block 20 chauh kan lo nei a.

Tin, chutih rual chuan tunah a thar pahnih R.D. Block kan lo nei leh a, ka bial Phullen leh Khawbung bialah Cabinet Meeting-in decision an siam tawh a. Heng Phullen leh Khawbung kan neih chhun kan puan theih chhun a pawh hi decision awm vek tawh a ni a, Sorkar hian Notification hi rang takin chhuah sela, la chhuah loh anih avangin Central atang chuan action lak theihna a awm lova. Chuvangin, Sorkar hian phullen leh Khawbung hi a rang lama Notification min chhuah sak theih nisela ka duh a.

Nagaland-ah te khu chuan keimahni ram ang ba-wk a a population ah pawh, a ram zau lam-ah pawh kan ram nen a inang tlang reng ani. Amaherawhchu, D.R.D.A. ringawt pawh hi development agencies pawh pariat an nei ani. Keini kan ramah chuan pathum emaw awrh kan nei tlat ani. Chuvangin, Block puitling pawh 52 kan nei a, chuvang chuan Central atanga Fund lo kal hi kan aini a let engemaw zatin an hmu tam ziah ani. Chuvangin, helai hi kan Sorkar hian ngun tak a kan en a ngai a, Assam-ah te pawh Block 210 a awm a, D.R.D.A. ringawt pawh hi 23 a awm ani. Chuvangin, hun lo awm tur atan leh vawin a kan harsatna zawng zawngte ngaihtuah hian Block puitling hi siam belh ran hi a tul em em ani. Chumi a zira sum lo kal anih avang hian Pu Speaker, hei hi thil serious tak niin ka hria a.

Tin, chu lo lehah chuan D.R.D.A. te kha tun hma a kan run dan chuan hemi JRY leh Scheme Head hrang hrang atanga lo kal hi 2% in D.R.D.A. Office kha run ani thin a, Mahse, tunah chuan D.R.D.A. Office te kha Central-in a thlawn in a run-na minrawn pe tawh bawka. Chuvangin, D.R.D.A. te pawh hi tunah tam tak kan siam a, Mamit District te, Champhai District te, Serchhip District te, Kolasib District te, a hmingin kan sawi mai ani. Hengah hian D.R.D.A. Office hi hawn nisela, a sum senso zawng zawng kha Central-in a tum tho tur anih bawka avangin. Chuvangin, mipui hian sum leh pai-ah Thingtlang mipui te hian a hlawkna leh a hamthatna kha a let engemawzatin kan dawng dawn ani tih kha alang reng mai a, chu chu kan sawi duh a.

Tin, chu lo lehah chuan Pu Speaker, Rural Development chauh-ah hian kan bung mai ang a, State Institute of Rural Development hi State dangte hian an nei vek tawh ani. Mizoram chiah hian kan la nei lo ani. Chu chu kan Sorkar pawn ngai pawimawhin nei ve turin decision a siam tawh a. Hemi Cabinet decision siam tawh hi kan Deptt. lam hotute a bawhzuitu turte hian chak taka an bawhzui zung zung hi ngaiin ka hria ani. DP & AR te leh kan Sectt. a mite hian chak takin bawhzuiin hma la sela, a tha in ka hria.

Tin, chubakah chuan, kei-mahni State in a R.D. atana matching contribution kan siam hi entirnan Rs. 100 kan State in a tum chuan Central-in Rs. 400/- min rawn tum sak zel ani. Chuvang chuan, Rs. 100/- dah luh a, a let thum vel lak belh theihna a awm anih chuan he R.D. hi nichina sawi tak ang khan zokhaw mirethei te, nena inngheng tak tak hi an ni a a hmingin MLA kan han ni ve a, MLA han nih chia hian kan R.D. Block hotute leh kan mipuite lo innghen dan hi a chiangkung em em mai a ni. Chuvang chuan, a matching contribution pawh hi kan Sorkar hian tam tham deuh hi min dahsak sela, Central atangin sum leh pai tam tak kan la dawn tih a chiang a, chu chu kan Sorkar ka ngen duh bawk a.

Tin, Pu Speaker, chu lo lehah chuan R.D. hi kan Cabinet ten Directorate a hlankai turin decision an siam tawh a. Hei pawh hi chak takin hmalak nisel-a. Tin, a work ah hian lei te hi kan dawh tak tak a ni a. Lei dawh te hi Engineering hna tak tak a ni a, chuvangin, engineering wing hi E.E. thleng pawh hi dah ve theih turin Cabinet-in a pass tawh in ka hria a. Hei pawh hi chak takin hma min lak pui sela. Zoram Thingtlang mipuite hi kan hamthatna ani dawn ani tih hi a chiang a.

Tin, chulo lehah chuan ka rawt leh duh chu Pu Speaker, Aizawl khawpui rau rau pawh Urban Population leh Rural population kan tihah khan Aizawl khawpui a pawh hi Veng hmawr deuh deuh te hi chu Rural Area-ah hian rin luh nisela, hemiah hian Urban Population leh Rural Population, tuna kan percentage neih dan a hi a dik lo lutuk, hei hi siam that vat ni sela, a tha in ka ring. Pu Speaker, ka lawm e.

PU R. LALZIRLIANA

:

Pu Speaker, hun min pek avangin ka lawm e. Demand No. 43-na lamah hian kei-pawh kan lut ve ang a,

kalphung thar kan ti a, hei hian R.D. tih te, DRDA tihah te hi chuan min tibuai zo vek in ka hria a. Hman niah R.D. Deptt. leh DRDA lam atang te in an hnathawh min rawn pe a, ka rawn keng ang ka ti a, ka rawn keng ta lova. A lian viau mai a, hnathawh an ngah a, sum leh pai pawh Mizoram-ah khawtin deuhthawah an thehdarh a, a lawmawm viau va, a sum tamna lamah chuan. Mahse, wawin ni a kan kalphung thara kan tihdan hi a thar lutuk deuh nge kan hmang thiamlo riauvin ka hria a. Entirnan - Kah Bialah te chuan R.D. atangin Sihfa to Tuivawl to Phullen kalkawng a Jeep Road thin a kha tih pawh leh nan Rs. 75,000/- min pe a, chungte chu V/C in Sorkar Agency dik takin an khawih

..... 607/-

lain MNF Unit President te Aizawlah Minister hnenah kalin Work Order an rawn la a, V/C te thawh mawlh mawlh lai chu an pawhthlak sak ani. Hetiang hi Sorkar hmasa-ah khan a vang hle a, hmannah zawhna ka zawt a, Party Unit Seal-in R.D. emaw DRDA hnuaiah emaw, sanction te hi a lakchhuah theih em tih ka zawt a. Theih loh tiin kan Minister zahawm takin min hrilh a, a lawnawm ka ti khawp a. Mahse, chutichung chuan, Construction of Internal Road at Keitum Rs. 18,000/- vide sanctioning letter No. DI. 7011/1/98-99 DRDA/109/17 dated 15.12.98. Hei hi 8.2.99-ah BDO Serchhip hnen atangin an la chhuak ani, MNF Unit ten.

Tin, pahnhna-ah chuan Construction of Roads from Biaksailova In - North Vanlaimphai Road Rs. 25,000/- vide sanctioning letter No. DI 7011/1/98 DRDA/24344 dated 16.3.99 hei hi 13.4.99-ah khan MNF Unit ten an la chhuak bawk. Pu Speaker, kan Minister khan dan leh dun a hria a, khatiang khan a theih loh ani tih a sawi hnuaah a sawi hma pawhin dan lo anga lo lachhuaktute chungah hian action a la ngeiin ka ring a. Chuvangin, kan hnathawh dan hi sum kan sen dan leh mipuitema an chhawr dan hi a inang lo ta lutuk a. Dilkhan khua Saitual Bial-ah Dilkhan khua atanga Vanpuia hmun road Fuhuan kalkawng kan ti mai a, tahchuan Sakei Lui retaining wall siam nan cheng singli MNF Unit President hnenah pek a ni a, a seilam 4 1/2 ft leh a sanlam 4 ft retaining wall kha a siam a, foundation ti tha si lovin, foundation kha leivung a chhu muk mai mai a, a tuk tak leh-ah May thla a ni a, ruah a lo sur leh a, a chim leh vek a ni. Hetiang hi entirna mai a ni a, helaiah hianin chutiang chu tam tak ka ziak ani. Pu Speaker, hetiang hi kan chin dan anih takah hianin kan kalphung thar hi kalphung tha lo tak ani mai dawn em ni tih hi min ngaihtuah tir a.

Tin, chutiang mai chu ni lovin, helaiah hian V/C ten an lakchhuah sa Kawnpui Bial-ah Pukpui khua Community Hall, Hall Committee V/C te leh YMA ten an din, chumite sum chu laksak in helaiah hian an laksakna lehkha pawh kan kawh ani, thil mak tak ani, tunhmain hetiang hi a awm ngai lovin ka hria a. Chutiang anga V/C ten hna an thawh lai, an kuta chawtlang an ken lai benthlak sak anih lai chuan thildang, thil tak tak ti tur chuan hmannah Kargil Indona-ah te sum khawn a lo tul ta a. Thil tak tak ti tur chuan V/C te hnenah sum khawn turin kan ti leh si a, hetiang kan V/C te hi kan hmang dawn anih chuan vawin niah sum leh pai pawh kha khawi V/C hian nge phur taka khawn thei ta ang? Tichuan, pu Speaker, thil mak danglam tak mai lo thlang leh chu Serchhip Bialah hian heng Bungtlang, Keitum, Hriangtlang, New Serchhip, Buangpui, Neihloh heng ho sanctioning letter an hmuh hnuaah BDO ah pawisa an va draw dawnin MNF Block President chuan Rs.2000/- theuh hemite hnen atang hian a lo lak sak ani.

Hengte hi engtizia nge ni ? Sorkar thar lawna tur hian in in salem kual mai mai ani. Chumi anih avang chuan tun ang reng renga kan ramah hian Fur hunlaia tam kan la nei lo.

Favang atangin tam kan nei thin, mahse chu chu a la hun lo. Tunah hian, Buhfai a tam a, chawbel bulah rethein, chaw nghein vawin niah hian Bial tam takah an awm mek ani. Hengte hi engnge a chhan kan tih chuan R.D. atangte, DRDA atangte in kum dang ang bawkin sum tam takte in sem ani. Amaherawhchu, a hman dan a dik tak loh avangin MNF President kutah te khawtlang V/C tena an lo chalai thin ang kha in pe a. Chungte chuan Unit mi leh sa tlem te chauh an sawm a, hna an thawk thei lo ani. Hemi avang hian kan tam ta, Buhfai kan ngah em em, Godown tinah a khat a ni, in tih ka ring ani. Amaherawhchu, a leina an neilo ani, tih pawh he House-ah hian in sawi tawh ani, kan hotuten. A chhan chu nichina ka sawi ang chiah kha ani.

Pu Speaker, thil mak tak mai pakhat lo thleng leh a chu, hei Ashoka pillar a chuang vah mai a, helaiah hian Mual awi V/C ten Rs.15,000/- an lo draw sa, JRY atanga inhlawhna tura an lo hmansa chu helaiah hian Adviser to C.M hian Mualkawi V/C hnenah he pawisa hi lo hian leh ang che tih a ziak ani. Pu Speaker, hei hi i chhuizui ve duh pawh ka ring a, dan lo lutuk ang a vawin ni a kan khawsa dawn anih chuan, mipui kan rethei telh telh dawn ani. Chuvangin, hei hi House document-ah ka pe dawn che ani.

Tichuan, Pu Speaker, hetiang ang tak a a Deptt. changtu in hetiang a tih takah hian, thil pakhat min ngaihtuah chhuah tir a. Dt. 11.2.99 ni a nangpawh Pu Speaker, i tel ni khan Synod Executive in min ko khawm a, chumi ni a kan Minister zahawm takin thu a rawn sawi kha min ngaihtuah chhuah tir a, kan buai em mai a, kan buai lutuk a, tawngtai pawh kan tawngtai hman lova, min lo tawngtai pui ang che u' a tih kha vawin niah hian ka mi rin ber ani chungin tawngtai hman lovin a Deptt. hi a enkawl ta em ni ? tih hi min ngaihtuah tir ani. Chutiang ni lovin R.D. Deptt. hi a vei em em department a ni a, tunhma atanga siamthat a duh deptt. ani. Chumi chu a chang chat a, mipui vantlang inhlawhna tur sum kal reng reng vawin niah hian kal dik a awm ta lo hi pu Speaker, a pawh hle in ka hria a. Thil kal tawh tui baw hnu a ruh theih lova, vawin ni a kan kal zel turah hi chuan heng zawng zawng hi bo tawh sela. Rorelna dik tak hnuaiah hian ro min relsak tawh sela ka duh ani.

Pu Speaker, sawi tur tam tak a awm chungin Soil Deptt.-ah hian reilote ka han kal ve zawk ang a, hei Soil Deptt. hi in ti lian thut

dawn nge ni, Mihring hi in ti tam thar thut dawn ? tih ka hre lov-a, in ti tam thar thut dawn anih chuan thudang a ni a, vawiin ni a an In-luah lai hi Rs. 25,000/- in an luah mek a. Kan Minister hian engatinge Rs. 60,000/- lai man turah hian sawn a tum kher kher tih hi ka han zawt duh ani. Pu Speaker, ka lawm e.

PU K. VANLALAUVA : Pu Speaker, ka lawm e. Vawiin a kan demands sawi tur te hi a hraw hlawm viau mai a. Hei kan sawi hmasak ber chu Demand No. 47 Industries hi a ni a, Hun hmasa zawng zawngte kan thlir kirin leh zuangtui, kan Industrial Centre hrang hrangte kan va thlir sawnin nuai tam tak lianna ram anih zia leh tuten emaw In chhawng sang ropui tak tak an dinna hmun mai mai anihzia, a Industry tak hmuh tur tha awm si lovin, tichuan a lang chiang viau-in ka hria a. A Central Subsidy beisei vang mai mai a, a hminga va ti ve mai mai, Staff 2/3 thut vena ngit nget, Mizo pakhat leh vai 2 tih vel a tam hle a. Hei hi Zuangtui-a ka kal apiang hianin ka kal kual hram thin a, a khawhar thlak ka ti ngawt mai a. A hmalam zawng leh thil hlui tak sawi lo ila, chu thu tawite chuenin Industry Deptt. hian, a changtu, Dy. Chief Minister hman hian-in chak takin a kalpui ang tih ka ring nghal a.

A pawisa te duh ang tawka zu dah theih ni lo mahselangin, thil kal tawh a fumfe lo, a hminga nung che che, Industry tih tur hlir, a lem leh der tam tak saw a tak taka chantir turin he Deptt. hian hma a lak theih ka ring a, beiseina sang tak awmin ka hria a. Sawlai mite pawh saw, tuna a awmsa awm malte te pawh sawnin hrehawm an ti a, zahte pawh an zak a, chu chu va zawt ila an sawi hreh miah lo ani. Chu chu tunah kha lamah pawh khanin kal thui lo ila, a ni chu ni zo tawah kan ngai ang a. Tunah chuan Mizoram hian a mamawh Industry kalpui ta sela, mumal takin kan theihna chin chinah hian in hawh u, he kan Industry Deptt. kal siam tur atan hianin i tanpui ang u, tih hi kan tarlang duh mai a.

Tin, Industry te a dawt lehah ti changtlung tur chuanin a puibawmtu leh a bul ber pakhat awm leh chu Electric ani a, a lovin miten hna an thawk kan tih lain Industry tak tak a rawn chang chho tur pawh a ke pen chho tur chuan khawl zawng zawng hi Electric a tih nun te, tih kal te a ngaih tawh avang erawh chuanin helam-ah hianin nasa lehzual a tan kan lak pawh P & E tan pawh a tul ang tih ka ring a, chu chu khawpui lam tan ni ta sel-a.

....610/-

Thingtlang lam erawh chuanin, Electric chungchang thuah harsatna kan tawk nasa em em a. Zokhua a Bialtu ten an Tour Programme te T.V. ah kan han thawn a, kan han sawi a, a chang chang chuan Division-ah te kan Programme milin eng kan hmu thin a, kan lawm hle a. Amaherawhchu, tam tak chuan, 'a hriattir lo mai ang, Deptt. ten min zahna entirin a la tlin ngang lo chung pawhin kan programme milin an lo ti eng thin a, mahse kan chhuah tukah a thim leh si a, kan MLA khan eng a kalpui daih mai', a an tih thin avangin programme pawh ka pe duh ta lo mai an ti fo thin ani.

Heng zawng zawng hi an duh loh vang a lo ni hauh lo mai a, a tlin ngang lo ani, lei chawp chuan, tih hi a chiang hle in ka hria. Chuvangin, tuna he Deptt. khaitu in hma chak taka hun hmasa tawh a an lo bun tawh, an lo tih tawh zawng zawng pawh take-up chho va, zirna hlawhtling a rawn nih hian Zoram tan Zoram Thar a ti chhuak ang tih beiseina sang tak a awm a. Lamsial Project an tihah te pawh hian an han dah ve va va a, hei hian sum dang a ko ei dawn ani tih kan ring nghal a. Mipui kan lawm in kan thlamuang hle sa a. Hei hi Pu Speaker, ka'n tarlang leh duh zauh va.

A dawt lehah chuan Demand No. 43-na chungchang thu hi han tarlang leh lawk ila, a tha in ka ring a. BDO hian Aizawl Constituency pariat, Mizoram mipui hlawnkhat lian ber hi Tlangnuam BDO-in a veng a, kan inhmui chhawk ani tih khawpin an indaih lova, hei hi engvang nge kan tih chuan Block hmun kan nei tlem ani tih hi chhanna ani leh mai awm e.

Tin, a dawt lehah chuan Khawzawl Block te kan ngaihtuah chuan an Block chungah khua a tam em em a, a mangan thlak a, BDO tan pawh hreh-awm tih ringawt mai kha ani. Chutiang chu Zoram pumah, Chhim lampang zawng zawngte kan ngaihtuahin a tam em em ani. Hei hian mipuite mamawh tamna ber Rural Development-ah ke chak taka kan pen a ngaih zia a tilang viauin ka hria a. Tun atang chuan Cabinet-in rem a ruat fel diam tawh angin kan hotute chak leh zuala veiin BDO hmun hi a tlem berah Mizoram pumah 30 aia tlem lo a awm angai ani. Chuti anih loh chuanin nichina kan ngaihthlak tak ang khan Suangpuilawn bialtu-in a sawi ang khanin he kan Rural Area heti khawpa kan lo in tikiang ta ngawt a, document, a paper lam a kan inti kiam, a mipui lama Rural kiam chuang silo, rethei deuh deuh emaw tih tur si hi engtingge kan solve ang a, kan tih danglam ang kan tih chuanin Block tipung turin hma chak taka lak a ngai a. A tha ber phe chu, Constituency tin hianin Block nei theuh mai ila, chutiang khawp chuanin he kan pawisa-ah hian awlsamna a lo chhuak dawn a ni.

A chhan chu Central-a Rural Development khuanin Rural Area a mipuite mitin sum a rawn siamchhuak tlat ani. Hei, Mizoram-ah hianin 54% vel chauh Rural mi kan lo ni a, keimahni aia harsatna tam tak nei ve leh han en pawh a chhangchhe ve tak tak, Assam-ah te pawh 83% Rural Area-ah an puang thei ani. Keini aain an inti rethei thiam daih ani, kha kha kawng dang ani lova, an fing ani mai. He kan sum mamawh hmu tur hian, hai chhuak tur hian Rural Area- a tam lehzuai a kan siam thiam a ngai ani.

Hun hmasa lam dem zawngin sawi lo ila, thil chu tihsual palh theih a ni e, thahnemngaihna kawng tam tak avangin, mahse, tunah chuan kan sum dinhmun harsatna sutkiang chhohna kan sawi zel lai hian Rural Area mipuite hisapin sang lehzuai kan dah chhoh thiam chuan a ngai chiah pawh chhu ila sum tam lehzuai kan hai chhuak ang tih a chiang ani. Chuvangin, Pu Speaker, kan Block dinhmun te hi tun aia chak zawk leh mipuite tana tam zawk a hma kan lak theih nan tam zawka Block tihpun te a tul a, Aizawl Constituency 8 Tlangnuam Block-ina kan han inpawt luai luai mai te hi han ngaihtuah hian kan then-awm State-ah te chuanin sawi a zahthlak viau ang tih ka ring. Hei hi Example atan a tha viauin ka hria. Chuvangin, heng an Demand te hi vaibelchhe 30 vel zet zawt a ni a, a beitham viau mai. Mahse, rawn zuitu tha tak nei zel tur chhan leh kumin chhung hian kum chawhnu lamah tal chuanin kan Mizoram hian Block thar hmel kan hmuh, a thu tala kan hriat theihna tur chuan he Deptt. hian nasa taka tan la in kan Sorkar pawhin a ke a pen a ngai ani. Chu chu nise, ka lawm e.

PU VANLALHLANA
DY. SPEAKER

: Pu Speaker, Demand No 43-na
kan thian tena an sawi kha
tawite kan sawi nawn ve leh
ang a, Rural Development

Block siam tam a ngai tih kha chu a chiang mai a, Aizawl khawpui pawh hi Block pakhat hnuaiah kan awm a, Tlangnuam Block Development hnuaiah hian nuai 2 aia tam mihring kan awm a. A dawttu chu Khawzawl leh Kawnpui a ni a, chutah chuan mihring singruk chuang an awm awrh emaw a ni a. Chuvangin, Block len lam kha a inthlau em em mai a, kha kha kan sawilang duh a.

Tin, kan R.D. Block hi a boundary hi enfel a ngai lawm maw chu aw, ka ti. Lungpho bial khi R.D. Block pathum hnuaiah a awm a, thenkhat chu Khawzawl Block hnuaiah a awm a, khaw thenkhat chu Thing-sulthliah Block hnuaiah a awm a. Khaw engemaw zat kha Serchhip Block hnuaiah an awm leh a. Chuvangin, Constituency pakhat ni si, heti tak mai a Block hrang hranga

an awm hi mipui ten harsatna an tawk ani tih hi kan sawilang duh a. Chuvangin, heng siam rem hi ka hma a miten an sawi angin Mizoram hianin Block tam zawk kan mamawh ani tih kha kan sawilang duh ani.

Demand No. 47-naah hian tawite a kan sawilan leh duh a chu hei Industries-ah hian a bul tumtu leh a hnathawktu pawimawh tak tak zinga pawimawh ber a thil area thleng a khawihtu te chu extension officer kan tih hengno te hi an ni a, an dinhmun hi enchian an tul viau in ka hria a. E.O. ni tur chuan B.A. Pass a ngai a. Tin, B.A. an pass a E.O. hna an han thawk a, Technical Training neiin State pawnah te vawi engemawzat an kal a, an hlawh hi Mizoram-ah chuan hei Graduate Scale kan tih chu Rs. 1640/- ani mai a, Extension Officer te pawh hi Rs. 1640/- ni ve mai awm tak an Scale a hi Rs. 1400/- ani a. Mizoramah chuan Graduate Scale kan tih High School te, Assistant te tin, Deptt. hrang hranga Extension Officer qualification atan a Graduate ngai ang chi kha chuanin Rs. 1640/- an la vek a. Chuvangin, an dinhmun hi an hlawh chungchangte hi en that a tul viau mai. Central-ah pawh an mahni zawl pui ang Extension Officer emaw, Economics Investigator emaw hi chu Rs.1640/- ah an tan a, tunah pheih chuan replacement scale siamin Rs. 1640/- atangin Rs. 2000/- ah an dah tawh a. Fifth Pay tharah pheih chuan Rs. 2000/- atangin engzatin nge an up dawn ka hre ta lova. Chuvangin, an dinhmun hi enchian a tul viauin ka hria a. Mizoramah hian 40 vel an awm a, an next promotion line chu IPO a ni a, chu chu Mizoramah Post 5 vel a lo awm leh a, chuvangin, Extension Officer-ah hian kum 15, 17, 20 te an awm tawh ani. Extension Officer-alut a, Extension Officer-a Pension tur te pawh an awm ani. Chuvangin, an dinhmun hi an khawngaihthlak hle in ka hria a, chu chu kan sawilang duh a.

Tin, DIC Building (District Industries Centre) a hlun hle mai a, Assam type building a ni in, Assam hnuaiia kan awmlai 1960 bawr vel a sak ani a. A thawktute an felin an vawng fai a, tunhma pawh Office fai ber lawman pawh an dawng thin a. Chuvangin, an hnathawhna hmun te, an work shed te saw sak that a ngai, a main building-pawh saw a tul viau in ka hria.

Tin, Demand chungchanga ka sawi leh duh chu pherk 476-ah khan - Mizoram a kan Co-operation thenkhat ZIDCO, ZOHANCO, MIFCO, ZENIC-te a lo lang a, ZIDCO ah hian kuminah Rs. 10,000/- dah a ni a. Tin, ZENIC-ah Rs. 10,000/-, ZOHANCO-ah chuan Rs. 30,00,000/- dah a ni a. MIFCO-ah Rs. 74,00,000/- dah a ni a. MIFCO hian Chhingchhip a Food Processing Centre (Thei sawrna hmun) an nei a. Centre an ni a, a hmunah te ka han hmuh

in an Khawl te leh an hnathawhdan kalhmang zawng zawng ka han thlir tawh a. A pumpuiin kan hnam tan pawh asset nain ka hria a. Mumal zawka sawite pawh a thain ka hria a, chutih ruak chuan kan corporation thenkhat ang te hi ZIDCO tih ang te, ZENIC tih ang te pawh Sorkar-in a en-kawl Industrial Corporation te an ni a, sum hi hoti deuh lo hian a tih theih lawm ni ? tih kha kan sawilang duh a.

Mizoram-a kan Corporation kan Corporate body reng reng a hi a tlangpuiin a bank-rupt in a sum leh pai a atla chhia tih hi sawidan tlanglawn tak ani a. A lehlam panga chhut ve thung erawh chuan a thawktute sawidan ang te pawh aniang a, Sorkar hian share nei in heng corporate body ah hian a thawh ve fo tur a ni a, thawh tur anga Sorkar duan hi a thawh ngai lova, a thawh ngai loh avangin kan corporation hian anih tur ang tak leh mipui min beisei ang hian hma kan la thei lo ani tih an sawidan ve fo a ni a. Hengte hi corporate body mipuite tana tangkai tur leh mipui rawngbawl tura kan siam anih chuan Sorkar hian uluk tak leh mumal taka enkawl a tha hle in ka hria a.

Tin, kan Demand Bu-ah hian a hranpa in a lang ve lov-a, Industrial Estate chungchang te a lang a, phuisui takin sawtiang sawn bultanin kalpui mek a ni a. Mizoram Sorkar-in Industrial Growth Centre Luangmual lamah a nei ve a. Khung te khu chak taka hmalak a ngai a, Mizoramah Industry a mi tui tak an awm a, chungte tan chuan Sorkar-in incentive central atang te, state atangte a siam hi a tha, chutih lai chuan dik lo deuh a ti te pawh an awm ang, tam tak hi a dik taka ti, Industry te, eizawn nana lo hmang tam tak an awm a. Chungte hmakhaw dal a, a dik lo te sawihnawm nana hmang a, a deptt. pumpui leh Industry dintu te kan han chher thin hi chu a dik lo in ka hria a. Buh tak zingah Buh lem te pawh a awmfo thin ani. Chutiangah chuan ngaih mai tur niin ka hria a. Industrial Growth Centre Sorkar-ina kan neih a te pawh khu Entrepreneur ten hlawk pui thei turin khawl te bun a Industrial shad te a awm ve theih hi mipui teh kan nghakhlel em em ani tih kha kan sawi ve duh ani. Ka lawm e, Pu Speaker.

PU P.B. POSANGA

:

Pu Speaker, kan sawi ve duh chu - Demand No. 39 - Soil & Water Conservation Hei hi an Demand kalhmang

te ka han en a, a hrim hrimin he Deptt. hi Department tangkai tak, kut hnathawktu te leh Thingtlang lam a mite a bikin Leilet te leh terrace te, hetiang siamtute tan an tangkai viau thin a. Amaherawhchu, tun hnuah hian he Deptt. hi kan Sorkar hian a ngaihthah tak viau tih hi min ngaihtuah tir a. Demand-ah pawh hian hmalam panna tur

....614/-

emaw, mipui tana tangkaipui tur ang chi hi a nei lo em em a. Chuvangin, hei hi chu a pumpuiin enthat a tulin ka hria a, ram hmasawn zelah Hydro Electric te kan kalpui zel ang a, he ngah hian Soil Conservation hi kan kalpui zel ang a, chuvangin hemi Deptt. hi tlema tih pun deuh a tha lawm ni tiin General takin kan sawi duh a.

Tin, Demand No. 47-ah hian in Industry, hei kan en a, Major 2851 sub-head 0041-ah hian Tea Development tih cheng nuai sawnga vel dah ani a. Hei hi Mizoram Tea Cultivation hi tan anih dawn khan ka Bial Ngopa Constituency chhungah khian lak turin an ruahman nasa khawp mai a. Factory hmun tur te, levelling an ti vek a, tin, chu bakah nursery te pawh pawlrang-ah khian an siam a. Tin, khaw hrang hrangah Cultivator thlangin chhungkaw engemaw zat kha Village Council ten ram an pe a. Amaherawhchu, vawiin ni thleng hian Thingpui tiak pakhat pawh pek loh in an la awm a, a ram V/C ten an pek kha V/C in an Demand leh a, lehlamah thlawh hma ramdang lak an khap sak baw si a. Chutiang chuan, harsatna nasa tak an tawk ani. Chuvang chuan, hei hi hetiang harsatna tawk a an siam chhungkua an thlan tawh te, engtiang in nge Sorkar hian hmalak zel a tum? tih hi hriat a chakawm in ka hria a. He Budget kan neih tlem te atang hian tun season-ah ngei hian khilala harsatna an siam sak chhungkua engemaw zat khi kan Sorkar hian hma la se a tul hle in ka hria.

Tin, a dawt leh a ka sawi duh chu R.D. Demand No. 43 hi a ni a. He Deptt. hi kan hriat angin ahming pawh Rural Development a ni a, tun hma chuan Community Development tih thin kha India ram hian Rural Development a lo ngaih pawimawh zual tak avangin a Deptt. hming tepawh tihdanglam niin hemi hnuaiia kan Plan reng reng hi a tlangpuiia lakin mirethei chawikanna programme a ni vek a. Tin, heng atanga sum lokal hi Central atanga kan hmuh ani emaw, State ina kan plan ani emaw, a tlangpui thuin mirethei chawikanna hna, Labour incentive vek ani ti ila kan tisual lovin ka hria a. A bik takin Central Sponsor Scheme atanga Fund kan hmuh phei hi chu chutiang liau liau chu a ni a. Amaherawhchu, vawiin ni a kan kalpui dan hi a dik tawk lovin ka hria a. Saitual bialtu MLA zahawm takin a rawn sawi atang pawh khan engemaw chhui tur chu a awm ani tih a hriat a. Member zahawm takin a sawi, report a dawn kha thudik anih ka ring a. Khatieng te kha a lo awm anih chuan kan Sorkar hi a in enchian a ngai hle in ka hria. Central Sorkar tumdan pawh ani lova, kan State Sorkar tumdan tur pawh ani lova, heng tangka kan hmuh reng reng te hi mipui tam thei ang berin an chhawr theihna tur atana kalpui chi a ni a. Contract ang emaw, mi bik ang emaw a kalpui chi niin a lang lova. Chuvangin, hemiah hi chuan kan fimkhur a tulin ka ring.

Tin, a bikin Rural Housing-ah hian kan Rangva sem te hi a rual khaiin a tih theih lawm ni tih hi kan House ah hian sawi ka duh a. Tunhma Ministry hmasaah khan a rual khai lo kan ti a, kan sawisel ber pawh a ni a. Tuna kalphung tharah na na na hi chuan Party mi leh mihring in thlei thlakna awm lova a deserving ten a zau thei ang bera an hmuh theihna turin leh, Inchung khuh hulna tur Rangva nei thei lo ten a zau thei ang ber leh, a rual khai thei ang ber a an neih theihna turin kalpui hi kan Sorkar hian i tum hram hram ang u, tih hi kan sawi ri duh a ni a. Hmun tam takah hei ka bial chhung ngeiah pawh hemi chungchang thua hian sawi a tam em em a, chuvangin, uluk deuh zawkin kan Deptt. hotute pawh kan Minister zahawm takin kaihhruai hram hram lo tum sela, tin, MLA te ngei pawh hian chutiang rilru pu'in kan ram tan hemi bik ah hi chuan rawng kan bawl a pawimawh hle in ka hria a. Chuvang chuan, heng thil te hi chu uluk zawkin kalpui i tum ang. Central Sponsor Scheme a mipuite chanvo tur thilte pawh hi mi harsa leh mi mangang ten an lo hlawkpui theih ngei na tur a kalpui hram hram i tum ang u tih hi ka'n sawi duh a ni e. Ka lawm e.

PU K. SANGTHUAMA

:

Py Speaker, kan Demand No. 43-na R.D. hi a pawimawh em em a. Thingtlang lampang hmasawna atan

hman ber ani a. Heta tan hian Block hi tunah chuan a tam tawk lo hret a. Thingtlang lam hmasawna han ngaih-tuah tur hian indaih tawk a har a. Chuvangin, Block tam zawk ka hma a mite sawi ang kha kan pui duh a. Constituency zat hi Block nei ta ila. Tichuan, mahni constituency theuh enkawl tur Block kan neih chuan kan Constituency ah khan hmasawna tam tak awm thei turah ka ngai a. Tunah chuan Block khat khanin Constituency 2/3 te a khai-khawm a, a hran hran khan Block khata mi pawh khan constituency khat mai ni lovin an in then a. Constituency khat pawh kha Block 2/3 ah te remchanglo deuh khan an awm ve fo va. Hei hi a tha lova, khawthlangah pawh khuan constituency 2/3 te Block khat khan a then a zar a la a, remchang lo deuhin Development hna han thawh dawn pawh rem vaklo a thil tih a tam a, chuvangin, heng zawng zawng harsatna kian theihna atan chuan Block hi 40 nei ta ila chuan kum tharah chuan kan nei thei turah kan ngai mai a. Harsatna awmlo turah ka ngai a, kan Minister zahawm tak pawhin lo bawhgui turin kan chah duh bawk a. Block hi Constituency zat siam turin kan ngen duh ani.

Tin, pakhat leha chuan, nichina kan sawi Constituency khat kha Block atanga constituency thum te Block khat atanga hmui lova, siamrem theih hram hram anih chuan a constituency kha a inrelbawl fel deuh dawn niin a lang a. Hei hi lo hre bawk sela kan Minister zahawm takin.

....616/-

Tin, pakhat lehah chuan, Development sum hi kan hmandan hi Saitual bialtu zahawm takin a sawi ang khan tun tuma hmang diklo in an hman dik loh chuan a tha lov-a, an tihdan diklo te a awm ehuan enzui a tha a, nimahsela, ka bialah pheih chuan kan ti tha em em a, hun kal tawh sawi vak hi a hrehawm a. Tunah hi chuan development thingtlang a mi kan hmang tha hle in ka hria a. A chhan chu a mimal emaw, a contract in emaw kan pe ve lova, ka bialah pheih chuan mipui vantlang tana ti turin kan ti zel zawk a. Mimal angin tunah hian kan pe lov-a, Rural Development a mi hi vantlang inhlawh nan kan pe zel ani tunah hian, chu chu Pu Speaker, in lo hriat atan ka duh a.

Tunhma kha chuan mimal anga pek hi a tam ani, ka bialah pawh School atan an pe a, Darlak-ah pawh sing sarih leh sangnga, Term hmasa a an pek nai a khat pawh hmang lovin an eiru ral thak ani. Tin, chulovah Leihlawn dawhna tur nuai hnih pawh pakhatmah dawh lovin chutiang chu a tam em em. Tin, Tuidam-ah te pawh tunah khuan Indoor Stadium sak nan nuai ruk an hmang tawh a, sak mumal ala awm lo ani, a hma khan. Khatieng zawng zawng kha chu sawi a ngai tawh lova, hun kal tawh a ni a. Chuvangin, tun atang hian tha takin development hna hi kan thawh theihna turin kan ti zawk a. Hun kal tawh kan inbeih dawn chuan a tam lutuk a, a nasa lutuk, development mumal a awmlo. Awmzia a awmlo, mimalin an ei zo mai mai a ni. Chuvang chuan, chu chu a diklo. Pu Speaker, Development-ah hian tunah hian kan kal tha viau in ka hria, mipui mangangte tan inhlawhna kan siam zawk ani tih hi min lo hriatpui la, ka duh ani.

Tin, Demand No. 45-naah kal ta ila, BADP-ah hian a tha a, ka hriatna dan chuan tuna kan in sem dan te nuaihah hi chuan R.D. lam enkawltu hian chan an ngahlo em em a. Hetah hian chan ti tam deuh hlek ila, R.D. lam an enkawlnaah hian hmalakna tur vawiin niah hian hmalak dan tur pawh siam theih awmin ka ring a. Hei hi kan Minister zahawm tak khan min lo hriat sak sela.

Tin, Demand No. 39-naah hian Soil & Water Conservation chungchang hi a pawimawh em em a. Tunah Coffee chin chungchang pawh hi an kuta awm deuh hlek niin a lang a. Coffee hi Mizoramah a tha duh em em a, ka Bial Kawrthah-ah pheih khi chuan kumtharah hian Coffee chin introduced kan tum a, a tam thei ang ber chin a, hma lak kan tum nghe nghe a. Hei hi kan Minister zahawm takin min lo hriatpui se ka duh a. Eng anga hmalak tur nge anih chu kan la rel lo na a, Mizoramah hian Coffee hi a tam thei ang ber chin a, Mizoram intodelh theihna khawp hi kan chin theih bakah, ramdanga thawn-chhuah theih khawp hian Mizoramah hian a chin theih dawn

in kan hria a. Coffee hi a to em em mai a, kan hriatdan chuan No. 1 Rs.15/- te a ni a, Coffee-ah hian Mizoram hausakna hi awm thei dawnin kan hria. Chuvang chuan, keini bial ah khu chuan hei hi beih kan tum a, kan Minister-in min lo hriatpui sela, hma te pawh min lakpui turin vawiin niah hian kan chah duh bawk ani.

Tin, Demand No. 47-na Industry chungchang hi helai corporation chungchangah hian, tunai hian ngaihtuahna hmang leh deuh hlek ila a tha awm mange aw, ka ti a. Kan Minister zahawm tak hian a ngaihtuahna lo hmang leh zual sela a tha hle in ka ring a. Hei KVI tih te leh ZIDCO tih te leh MAMCO, ZOHANCO leh a dang dangah vawiin ni aia ngaihtuahna kan hman tak tak peih chuan vawiin ni ai hian tih that theih dan kawng awmin ka hria a. Vawiin nia kan endan ngawtah hi chuan ZIDCO tih te, KVI tih te hi Loan la a rul tha leh duh silo ngaih hian kan ngai a, heti lo deuh hlek hian in rilru tak tak hmangin kan Minister te leh Board Chairman leh a thawktute hian ngaihtuahna thar nei turin kan ngen duh bawk ani.

Tin, Pu Speaker, hei Demand No. 47-na bawkah chuan Industry chungchangah C.T.S. tih te, Central Transport Subsidy hi ka lo thlir ve dan vang vangin tunhma atang khan kan la hnem tawh em em a. La leh zel ila, hei pawh hi a tha. Amaherawhchu, vawiin ni a kan lakdan hi chu kei chuan a dik tehchiam chuan ka hre lova. Tunang ringawt hi chu tih zel chi ni pawhin ka hre lova, Kristian ram kan ni a, dikna kan chawisang turah ka ngai a. Vawiin ni a thawk mang si lova a vaibelchhe tel tel lak ang hi chu kan Minister zahawm tak hian lo en deuh hlek se tha in ka hria a. Thawktu na na na chuan engzat pawh la rawh se, a thawhin a aman na na na chuan engzah pawh la rawh se. Chu chu ka sawisel lova. Amaherawhchu, thawk mang si lova, awmze nei lova a makta-duai, vaibelchhe tel tel subsidy a kan la hi chu hmuh theih loh 'PATHIAN' te, kan thenawm khawveng te pawh an zahawm in ka hria a, hei hi Pu Speaker, kan Minister zahawm tak hian an pek leh dawnah pawh a hmu awm tak pe sela, dawt a thil rawn ti mai mai hi chu lo pe ko ngam turin vawiin ni hian kan chah duh ngawih ngawih ani.

Tin, pakhat lelah chuan, Thingpui chungchang hi nichin khan an han sawi a, Thingpui hi kan ram atan a tha duh em em a, hei pawh hi Industries Deptt. hian hma lo la zel sela, khawchhak ah hmanni ka han kal khan a hmuhawm ang reng viau in ka hria a. Biate tlangdungah te khian, khingte khi a tui duh em em a, Biate tlangdung Thingphi khi 1972 khan kan test vek tawh a. Calcutta ah chung lai hun chuan Kg-ah Rs. 20/- te Rs. 30/- te, Rs.40/- te, Rs.50/- te, tiin kan Test-na te min rawn thawn vek a. Amaherawhchu, khilai Thingpui khi a tui em em mai a. Chuvangin, Biate tlangdung-ah khian Thingpui chin

uar ila. Adang pawh a tha duh tho va, a tha duh tho chung-ah khilai Thingpui khi a tui em em ani tih he House hi ka hrilh duh a. Kum 30 dawn laiah khan kan lo test tawh a. Vawiin niah phei chuan khang kan test ho kha a man a to hle tawh in ka ring. Chuvangin, kan Minister zahawm tak hian hmalak nan lo hmang zui zel turin vawiin niah hian ka han chah duh a ni e. Ka lawm e.

ZAKHU HLYCHHO

: . Pu Speaker, ka la-wm e.
A hmasa in Opposition Group
Leader ka nihna ang in ka
sawi tur hi pawimawh ka ti
em em mai a. Hun min pek belh theih chuan ka lawm ngawt ang.

Pu Speaker, ka sawi duh hmasak chu Demand No. 31 - District Council chungchang hi a ni a. Kan hriat theuh angin District Councils te hi India Constitution Sixth Schedule chhunga awm an ni a. India Constitution chhunga awm anih avangin India dan hian a hum tlat ani tih hi ka sawilang hmasa duh a. Tin, District Council pe tur chuan Ram leh Hnam a awm angai ani. Tunlai hian ti ti naah te leh khawilai laiah em-aw chuan D.C te ngaihawhna a rawn lian chhova, mi thenkhatin a, a hnam ang a, D.C hming, Mara D.C, Lai D.C., Chakma D.C., tih te hi Mizoram inpumkhatna a tichhia e, chuvangin, hengte hi ti lovin Saiha District Council, Lawngtlai District Council te ti ila, a tha lawm ni ? ti a sawina te hi a lian ta viau a. Hengte hi a ni thei lo a ni tih hi ka sawi hmasak duh chu a ni a. A chhan chu District Council pe tur hian Sixth Schedule in-a a sawi ang hian Hnam leh Ram a awm angai ani. Chuvangin, Hnam hming pu lo hian District Council hi a awm thei lo ani. Chumi ka zuk sawi duhna chhan chu - Hei tun hnaiyah kan House Leader vawiinah a awm lova, kan House Leader ngei hian Sorkar thar a pian zan khan T.V-a Interview-ah, D.C. thenkhat a ngaihawh thu a sawilan avangin, vawiinah hian D.C sawi hun anih avangin sawi ka duh a. Hei, D.C. te, India Constitution anga din leh pek hi humhalh tlat turin kan Minister zahawm tak te leh MLA te hi kan thutiam a ni a. Chuvangin, heng D.C te chunga kan rilru putdan te hi kan ngaihtuah chian a ngai hle in ka hria a.

Tin, Pu Speaker, chu lova ka zuk sawi duh chu, hei, Mizoram-ah D.C 3 kan nei a, District Council-a kan rilru putdan a hi sawilan ngaiin ka hre tlat mai a. Tun Sorkar ka tihna pawh ni lovin, Sorkar hmasa atangin District Council te ngaihawhna leh District Council te chunga kutthlak duhna hi a awm ta zeuh zeuh va. 1952 atangin Assam-ah Autonomous Dist. Council a awm tawh a, tin, Meghalaya-ah te pawh District Council a awm tawh a. Mahse, Autonomous District Council

te chung a kutthlak hi an ti ngai lo ani. Keini Mizoram a Autonomous District Council ve thung erawh chu a let-ling zawngin kan hmang a, kum 27 chhung hian Autonomous District Council te hi vawi nga thiah an ni tawh ani. Assam-ah 1952 atangin D.C thiah emaw, suspend emaw a awm ngai lova. Meghalaya-an a awm ngai lova, Mizoram-ah erawh chuan vawi nga thiah sak an ni tawh ani. Tun tuma Lai District Council an sawi sak dan phei hi chu a anglo lutukin ka hria a. Hei an Order hi pu Speaker, Sorkar Order ani a, heta Sorkar Order a an ziah dan-ah chuan, Chairman leh Dy.Chairman an ban avangin leh, panel of Chairman te Chair an lak duh loh avangin Executive thiah ani e, an ti. Pu Speaker, han ngaihtuah ve teh i rorelna 'lai' tak atangin han ngaihtuah la, Chairman leh Dy. Chairman an ban avangin Executive an thiat daih ani. A zahthlak lutuk ani. Hetah hian District Council bu, Mizoram Sorkarin a siam sak a ni a, Hetah hian, hetiang hian a ziak a, 'Chairman leh Dy.Chairman a bang anih chuan, Rule 13-naah hian an alawh kha administrator in a appoint mai tur ani' ka hmuhdan chuan. Chinghnia in Beram seh a duh avanga Beram hi mawnglama tui dai kha muthlu sela, a tih ang deuh kha niin ka hri a. Chuvangin, hetiang hi chu kan Sorkar kalphung tur ani dawn em ni ? ka rawn ti ani.

Tin, chuloah chuan kan M.D.C. pakhat an ban a, Mizoram Sorkar-in 1975 a Removal of disqualification Act an siamah chuan MDC leh MLA te hi tan kawp theih an ni. Tichuan, helai a kan Member zahawm tak Lawngtlai Bialtu hi MDC atangin a bang lov-a, Chairman atangin a bang ani. Chu chu a dik ani tih a chianna chu, Lai District Council Dy. Chairman banna hi lehkha ziak hi pu C.Thanghluna, MDC banna Official a kan tih hi tih-sual ani a, MDC nihna bang lovin, Chairmanship chauh a bang ani. Hei hi Lawngtlai-a an Dy.Chairman lehkha ani.

PU ZAKHU HLYCHHO

: Pu Speaker, Kan Sorkar zahawm tak hianin kha a lehkha a tarlan nen khan hetah lachhuakin Sorkar atangin tih luihnain an ban tira. Dan hi an zah lo deuh lutuk niin ka hria a. Chuvangin Pu Speaker, hetiang District Council sawisak hi kan chin loh a tha hlein ka hria.

Tin, chu lovah, la serious leh zuala chu Pu Speaker, hei India Constitution hetah hian a inziak chiang em em mai a. Chutah chuan Governor in District Council kha a thiat anih chuan engvangin emaw amahin a oath kha a sut anih chuan a hnuaia para 3 ah hian every honoured men under sub-paragraph 2 of this paragraph with the reason therefore, shall be laid before the legislature of the State chuan engvangin ge he Minister zahawm tak hian House ah hian a lay ngam loh? Vawiin ni thlengin. Engvangin ge a lay ngam loh? A chhan hi a sawichhuak ngam lo em ni? kan sawichhuah hi a hlau em ni ka ti ani. Chuvangin, hei hi Constitution violation dik tak ani tih hi he House ah hian duh leh kan debate ang chu, kan sawi ang chu, Engahnge vawiin ni thlenga an lay ngam loh? tih hi ka sawi duh a.

Tin, Pu Speaker, chulova ka sawi duh leh chu, he Sorkar hian Lai District Council hi a Cancell a ni. Khawngaih takin Pu Speaker, nimina ka sawi tawh ang knan hun min pe thei hram la ka duh a. Tin, Court ah an khing lo che u hi in vannei zawk ani. Dik tak chuan khin tlak in in awm ani vawiinah hian.

Tin, Pu Speaker, chulova ka sawi duh leh chu heng District Council te chung a kan rilru put dan hi a dik loh vangin vawiinah hian kan serious ani Pu Speaker. Chhim lamah hian Political movement nasa tak a awm a. Hei kan hriat theuh angin Party thenkhat chu Mizoram atangin lak hran duhnate a lo lian a, thangthar teah a bik takin a lian zual bikin ka hria. Chu chu vawiin a ka rawn sawi chhuah duhna chhan pawh ani. Hengah hian kan Sorkar hi a fimkhur a ngai. Mizoramah hian hnam dang an awm ve ani tih hi tha taka kan in recognised tlan a ngai ani. Tha taka kan inenkawl tlan hi a tulin ka hria. A chhan chu he MNF Sorkar phei hi chu India Sorkar nena an inremna Para 9 ah khan hetiang hian a ziak a, "Mizorama hnam tenau te hi enkawla humhalh tlat turin an intiam" tihte, chuvangin, he Mizorama hnam tenau enkawla humhalh tlette tiamtu, India nena an inremna thuthlung zah em em a vawngtu hian, an thuthlung hi vawiinah hian ngai pawimawh em em sela tih hi ka sawi duh ani.

Tin, Pu Speaker, kan hma lawk-ah MP kan inthlang dawn, hetiang anga Mizoram inpumkhatna tichne thei tute nena tum tihthata in banlet lo hram turin i dinglam thute hi ka chah duh ani. Zoram inpum khatna hi in tichhia ang tih ka hleu ani.

Tin, chulovah chuan, Vawiin ah hian ka stand ka la thlaklo Pu Speaker. A ngai rengin ka la kal. Mizoram inpumkhatna ngaihtuah hian heng Mizoram sah-thlak tumtute nena tanhona an lak thin a hi an bansan thei ang em ? tih kha kan sawi duh mai ani. Tin, Pu Speaker, chulo thil dang ka'n sawi leh duh a chu Demand No. 43 naah hian ani. Hei kan Minister zahawm tak R.D Minister hi Kohhran Upa te ani baw a, thil tha tih hi a duh ka ring a. I vei lama a thut lai pawhin thil tam tak, thil tha hi a sawi chhuak thin a. Vawiinah hian mahse Minister ani a engtizia nge a Department hi a buarchuer em em ? thil pakhat mak deuh chu Pu Speaker, nangpawhin mak i ti ang. Lawngtlaiah sawn E.A.S atanga mipui hnathawh tur a awm a. Chu chu an Division President in kha E.A.S Nuaikua awm kha a semral vek mai a, a thawktu turte hming nen lam, a thawhna tur hming nen. Minister hnenah a lo kal a Minister in a Division President rawtna ang hian lo thawh tir ta che a ti a. B.D.O a mangang ta ani. " A heti hi chuan B.D.O kan awm pawh hi awmzia a va awm love" a ti a. Chu ai a la mak leh chu maw, Pu Speaker, Darlawnah khian a awm asin! Darlawn ah chu ai a la mak leh chu Darlawn ah khian Nuaihni leh Singkua in Hall an sa a, V/C te an sak tir a. Chu chu M.N.F Block President leh Secretary in an in lak a, an in pe a. Tichuan khami insakna tura lung an lak zawng zawng kha an Block Presidentin a inhnuai remnan a hmanng zo vek a. A rawra a kha an Group President in a inlak a, a balu a kha an Block Secretary in L.A.D step siam nan a hmanng zo vek mai ani.

Pu Speaker, hetiang anih chuan, he Sorkar kaldan tur hi a ngaihtuah awm lutukin ka hria. Ka bialah phei chuan Tam inhlawhna phei hi chu kan chang leh ang tih ka hlau zawk ani. Pu Speaker, Krismas dawnah phei chuan ka bialah chuan Krismas present an ti a pawisa in an insem vek mai ani. Hna an thawtklo reng reng. Kan Minister zahawmtak Kohhran Upa hian, khawngaihtakin he Department hi tun aia mipuiin kan chhawr theih tur hian hna a thawk thei lawm ni ? tih kha ka chah duh a.

Pu Speaker, hmanni ah pawh lehkha i dawn kha an rangva sem dan chungchangah. Anmahni an Sorkar pui ngei Party pakhat atangin rangva an sem dikloh avangin chaw ka nghei ang a tih kha, a mangan thlak lutuk.

PU H. RAMMAWI

: Pu Speaker, ka lawm e. Demand No. 31-na District Council chungchang hi, a hmasa berin District Council area ka nihna atangin ka sawi duh a. Ka hma a sawitu khan Mizoramah hian

District Council hi vawinga thiah ani tawh a. India hmarchhak Assam ahte pawh an ti ngai lo tih kha ani a. Mizoram a District Council thiat hmasa bertu chu Congress Ministry ani tih he House hi ka hrilh duh ani.

Sorkar hna kan thawh lain Mizoroma Congress Ministry khan a thiat a, chu chu ka sawi duh a. He House zahawm taka ka sawi duh chu he House hi lemchan nana hman hi a awl khawp mai a. District Council te hi a pawng a puia thiah theih ngawt ani lova. Suspend theih pawh ani lova. Dissolved theih pawh ani lo. Amaherawhchu, Dan a awm ve a. Dan anga thiah a, Dan anga dissolve a ngai a. Tahchuan, tuna a sawitu ngei a kha theih tawpa thiah rawttu ani tih House hi ka hrilh duh ani. Vawiin ah hian khati zawnga kan sawi leh thin anih chuan tha ka ti lova. District Council area amite hian suspend tur emaw, dissolved tur emaw hian Mizoram Sorkar ah theihtawpin an nawr a, an nawrna point kha an examined a, a dik chuan kan khawih ve mai ani. Aizawl atangin a pawng a puin an thiat ngai lo. Sawlam atanga allegation emaw, engemaw a awm avanga thiat thin anni. Chuvang chuan Pu Speaker, thudik hi he House ah hian kan tan ngam turah ka ngai a. Chuvang chuan a loh theih loha kutthlak a ngai thin a. Hmanni ah LADC chungchangah kutthlak ani tih kan hria. Chairman leh Dy. Chairman an bang a. House conduct tu an awm tawh lova, Member te an in hrui pawh a, House conduct tu tur Chairman leh Dy. Chairman an awm tak lovah chuan Pu Speaker, kha Dan hmang chiah khan House conduct tu tur Mizoram Sorkar in a ruet ani. Chu chuan a decline leh ta a. Kawng dang a nei tawh lo Mizoram Sorkar hian. Suspend loh chu kawng dang a nei tawh lo. Chu chu a kalphung ani a. Chuvang chuan, ka hma a rawn sawitu khan House Conduct tu tur hi Sorkarin a ruat lo, a ti a. An ruat a Pu Mangmanga Chinzah an ruat a. An inhrui pawh avangin House a conduct ngam lova. A decline leh a. A decline leh chuan Governor in tih tur dang a nei tawh lo, Administration a kal thei tawh bawkw si lova. A loh theih lohvin an suspend ani a. Amaherawhchu, khatiang kha kan Sorkarin tha a tih loh avangin anmahniin Sorkar an siam theih avangin a revoke leh ta ani a. Chu chu thil kaldan ani tih ka han sawi duh a.

District Council chungchang ah hian kan Mizoram Sorkarin engemaw rilru diklo engemaw nei anga kan ngaih thin a hi sawlam atangin Mizoram Sorkarah allegation eng engemaw a lo awm thin a. Chumi hmang chuan kan Sorkar hian action a la thin a, chu chu he House hi ka han hrilh duh a. District Council chungchang ah chuan Sixth Schedule ah 20 BB ah Governor Special Power a awm ani. Governor thleng lo chuan dissolve emaw suspend emaw a theih loh. Governor satisfied tur chuan Material ground tha a ngai a. Chutiang material tha nei tur chuan sawlam atanga initial anih thin avangin, a dik lohna point zawng zawng chiang taka hriat anih thin avangin, a satisfied thin a. Chuvangin, hetiang hi thleng ani tih kha ka'n

sawi duh a. Chutiang anih hnu ah chuan khang a ground ngaihtuah lo knan a Mizoram Sorkar dem ringawt a kha, a bula kha kan ngaihtuah thin a tha in ka hria tih kha he House zahawm tak hi Pu Speaker kan hrilh duh a.

Tin, RD Department ah Demand No. 43 a sawi ka duh chu kum 10 chhung khan R.D Department hi a lo buarchuar em mai a. Kum 10 kalta a an hnathawh dan kha ka bialahte phei chuan kei pawh hian Official hnenah hian ka sawi ri ngam vaklo, a zahthlak a. A tangkai tawh bawk silova. Sorkar sum kha a thlawnin a liam tam bawk si a. Chuvang chuan, R.D Department tunhma kalphung tawp lutuk kha tun thla hnih thumah hian siamthat hi a har viau in ka ring a. Chulaia chu a nghawng tel ni zawkin ka hria a. Rangva sem dan te pawh R.D Department hnuaiah hian ka bialah chuan wawi 4 hmu tawh te, Sorkar hnathawk nupuite an pe ani. Term hmasa khan. Sorkar hnathawk an tih hian Pu Speaker, 4th Grade te chu Central Govt. Guideline ah khan rethei tak 4th Grade hlawh tlemte hi chu pek theihna provision a siam ani. Amaherawhchu, Assistant te, U.D.A kan tihte, khang nupuite hminga han dah, fapa graduate 4 nei that pawh kha an pe tho ani. Khatiang anih avang khan ka bialah chuan wawi leh khata siam that phut kha chu a har viau in ka ring a. Chuvang chuan thil thalo he House a kan sawichhuah hi Member ten kan tih tur ani a. A constructive zawnga engtingnge kan siamthat anga, hma kan lak ang ti zawnga ke kan pen hi a tul tak meuhin ka hria.

Pu Speaker, tunhma kum 10 chhung kha thlir let ta ila. Kan District Council Fund hi engtingnge kan hman? A bik takin Mara District Council ah phei chuan ka hriatdan chuan tunhma zawng zawng aiin tuna an Executive sawn hma an la lo ber. Sorkar hnathawk hlawh pek theih loh pawh an ngah ber. Chu chu Congress Ministry, tun Ministry din hma a kalphung kha ani a. Chu chuan tunah pawh hian a rawn nghawng chhovin ka ring. Khatiang kha kan kaldan ani a. Mahse, Pu Speaker, heta ka sawi duh chu kan District Council Administration siamtha tur hi chuan.....

PU ZAKHU HLYCHHO

: Pu Speaker, Mara District Council hnuaia thawkte eng thlaah nge hlawh pek loh an nih? A proof loh chuan kha-

tiang kha a sawi tur ani lo. Eng thla ah nge hlawh an pek loh sawi rawh. A sawi loh chuan khalai kha ti reh rawh se.

PU H. RAMMAWI

: Pu Speaker, a huna hlawh an pek leh pek loh chu District Council authawm atang sawn a

.....624/-

hrechiang ber tur anni, Pu Speaker. Tin, District Council Administration hrim hrimah hian a bul ber chu Financial Rules hi a pawimawh ani. Pu Speaker, kan District Council pawisa hman dan saw Contractor in pawisa an draw a, an kawl a, hlawhfa te an sem ang chiah sawn kan District Council grant-in-aid reng reng, pawisa reng reng a hi Bank ah an dah a, chu chu District Council hian cheque hranin an duh duhin an draw thin a, chu chu tuna Mizoram Sorkar kalphung ang; Treasury kaltlang a, Bill system a kan District Council in a kalve theih hma chuan District Administration hi a dik theiin ka ring lo. Chuvang chuan, kan District Council Fund Rules, tunhma phei chuan Rs. 20,000/- an hmuh laia hetiang ang grant-in-aid Rule phek chanve lek a kha hun rei tak ohung an hmang a. Hman deuh khan Financial Rules te kha siam that niin ka hria a. Khatiang lam hawi khan kan District Council Rund Rules saw Bill system a kan hman tir a hi a remedy tha ber anih ka ring. R.D ah hian rural development kan tih hian anih ang tak taka kan hman dawn chuan Urban Development pawisa duhna avanga Urban area a declare kha a tam deuhva. Rural population hi Mizoramah hian anihna ang tak hian Planning Commission in an neihan chuan a dik ta lova, anihna angin a kal ta lova. Chu chu tunah hian R.D Department harsatna, Mizoram thingtlang mipuite kan harsatna anih avangin Census siamthatna kawngah hianin kan Sorkarin hma a lak a tha in ka ring a.

Tin, Pu Speaker, tawite in P&E Department ah hian Mizoram hian mahnia Electric tihchhuah kan nei lova. Thingtlang hmun ka bialahte chuan tunhma kum 5 chung kha chuan VIP an lo thlen chiah hian an eng thin a. Saiha leh Hnahthial atang ten ani a. Electric a en hi chuan VIP an lo thleng ani ang an ti thin a. A reh leh mai a. Bill an pek dawnin a eng leh a. Chutianga awmlai si chuan a chang chuan chhunah anrawn pe thin a. Sangau ah phei chuan a thawktu pakhat Phone in Hnahthial an hrilh a. Electric naktuk chu kan siam dawn a. Eng/Current inrawn pe palh ang e tiin Hnahthial an hrilh chung khan an lawn lain Current anrawn pe ta a. Nunna pakhat kan chan phah ani. A worker. Chuvangin, khami Compensation pawh kha Department hian an ngaihtuah tha in ka ring. A Electric eng hrim hrime hi mumal deuha kan inpek theih dan kawng a hi kan Ministerinrawn hrilhfiah sela. A kawng a awm em tih kha ka'n sawi duh a.

R.D ah hian DADP kha Aizawl District ah khan vaibelchhe 6 kha a lang tawp mai a. Mahse, hetah a break up vaibelchhe 8 break up ah kha chuan ani chuang lova. Kan Minister in khalai Aizawl District a bawktalawih kharawn hrilhfiah sela tih ka'n ngen ani.

S P E A K E R

: Kan chawl hrilh anga. Dar 2:00 P.M. ah kan lut leh dawn nia.

Recess. 1:00 P.M.

.....525/-

2 : 00 P.M

S P E A K E R

: Quorum kan tling tawk chauh ani maw, chhonzawm leh mai ila kan business ah khan sawi duhin han sawi teh ule.

Dr.LALZAMA

: Pu Speaker, tuna kan Demand eng-emaw hi han sawi ve kan duh lai chu, nichinah, chawhma lamah kan mipuite mangan zia thu leh tamna

a nasat thute kan ngaithla a, a dik ka ti a, hei tamna hi a nasa khawp mai a. Ka bial Aizawl North - I chhungahte ngei pawh an lo tam nasa a, mak ka ti a. Chu chu kan tam bik emaw ka tih lain bial dang pawh an lo tam em em mai a. In tam lo nangni chu min ti mai a. Chutiang khawp chuanin Aizawl South - II bialte leh a dang dangte pawh hi an lo ni a. Engpawhnise, khaikhawmna chu Mizoram pum hi kan lo tam hle mai, retheihna khurah kan lo awm tak meuh meuh ani tih a tichiang hle a.

Tichuan, han ngaihtuah ta zel ila, chu chu engngeni a chhan kan tih chuan mipui tena eizawna ngelnghet tak tak tur hi tunhma Sorkar hmasa te khan chutiang thiltih mumal tha an nei lo ani tihte hi a chhanna pawimawh tak niin ka hria. Hei, tunah pheih chuan kan tam nasa a, buhfai a tam, mahse leina a awmlo tihte pawh vawin chawhma khan kan ngaithla a, kum sawm a zawna Congress in Sorkarna a siam tumte pawh khan hetiang mipuite eizawna ngialnghet tha hi heng Department DRDA tihlam atangte pawh hian engatinge an lo siamloh chu aw tih ngaihtuahna a awm fo thin a. Tunah hian miretheite tana Ration a ba a lak theihna tun Sorkar hian a lo siam ta a. Nakinah mipuite inhlawhna turte siam leh tur ani a, a la ho tan khan. A lawmawmin ka hria.

Hemi R.D ah hian hmalakna tur pawimawh deuh deuh mai mirethei zualte tan pawha tihtur hi a tamin ka hria a. Amaherawhchu, khawthlang lam R.D Block thenkhatahte pawh khan Minister, hun hmasa ah pawh number of beneficiary aia a population tlem zawknate pawh kha a awma, a mak khawp mai. Khangte kha R.D Minister zahawm tak khan min han sawifiah sak theih dante a nei em aw ? Number of beneficiary kha population ai khan an tam thei tlat mai ani. Chuvangin, heng thilah hian dik tak leh fel taka R.D atangte hian thiltih hi a ve han hun tak em tih min ngaihtuah tir ani, vawin niah hian kan Demand sawiah hian Demand 21-na District Council ani e. Demand 43-na kha R.D ani a, helai atang hian mipuite chhanchhuahna tur hna pawimawh leh pawisa hi ava tam tawk lo em tih kha ka ngaihtuahna an a awm a. Tichuan, hei District Council cover zauh

....626/-

zawng leh mipuite pawh kha kan ngaihtuah a Rural Development Mizoram pum atana hemi a cover area kha han ngaihtuahin a zau hle si a. Mahse, pawisa chu Nuai 282 leh Singruk in atam hlei ani a. Chuvangin, engtizia ngeni aw tiin ngaihtuahna min neihtir a. Hemi R.D atan hian tun aia tam zawkte pawh hi dah ni thei se vawiin ah hian tih kan tarlang duh ani. Chu chu kan Minister zahawm tek pawhin min lo chhinchhiah sak se tha in ka ring a. R.D hi a pawimawh em em mai. Nichin ah pawh Rural population kha kan lo tihniah leh lutuk kha a pawl ani tih kan ngaihthlak kha. 53% emaw chauh Rural a cheng te angin kan lo in report a, a pawl hle ani. Chuvangin, sum hmuh theih tur kan lo hmuh loh phah em em mai ani tihte kan hria a. Kan thenawm State te chu 80% zet vek number of villages pawh kha tamtak anih lain keini chu 720 vel bewr chauh Thingtlang khaw awmzat niin kan lo sawi ani a. Chuvangin hengte hi hnathawh tak tak ngai si, mipui retheite kha kan ni si a. Nichina a tira kan sawi kha, mipui kan lo rethei em em mai si a. Mi tam takin a in hriat phak mang loh hian Thingtlang khuaahte chuan retheihna khurah kan lut tak meuh meuh ani. Chuvangin, heng dawmkan natur tak tak a hma lak a, dik tak leh fel taka hna thawh chhoh hi a hun em em ani tih kan ngaihtuahnaah vawiin niah hian awm thar hle sela ka duh ani.

Zoram mipuite hian a tak tak ram a thawhna hi kan ngai tawh a. Mipuite pawhin a Sorkar a a thlawna hmuhna rilru ngawt ni lova a tak taka kar eizawna ngelnghet tha tur Sorkar pawhin mipuite hamthatna tur a eizawna ngelnghet tura plan a siamah pawh hian Master-plan te an siam a. Hlen chhuak thei tura kan in zirtir hi a tulin ka hria. Mipui te zirtirna kawngah pawh Sorkar hian T.V a thusawi te emaw, Radio ahte emaw, ziak te emaw a thehdarh tam nisela tuna Central in Scheme thar a rawn buatsaih April, 1999 atanga tan tura han tih pheih hi chu in hrihfhiah thiam leh keimahni lam rilru pawh buatsaihna tura hma kan lak hi a tul em em mai ani a. Chuvangin, hetiang kawngah hian tan la ta ila mipuite kan changkanna tur leh kan hlim tlanna tur a ni dawn a. Hei hun kal tawh a engemaw tia Sorkar ina tih dan diklo te, eng eng emaw han sawi vek vak hi a tulna pawh awmin ka hrel va. A tute pawh hian sawi dawn ila sawi tam tak kan hre theuh vin ka ring a. Tehkhinna turin, Power & Electricity ah pawh Sorkar hun hmasa ah pawh khan Serlui Hydel Project kha vaibelchhe tam tak seng a siam tum kha a nih kan hria a. Khangte ngei pawh kha abandoned ani leh ta a. Kha kha engge ni a chhan? engzatnge tah khan a thlawna kan lo sen tawh lah te pawh tunah a changtu Minister zahawm tak pawh hian naxinah a han khaikhawm hunah min hrih thei se chu a lawmawm hle in ka ring a. Tunah tih thar ani leh ta hi alawmawmin ka hria a. Kan ram tan hemi han tih thar leh a, ram mamawh kan phuhruk theih dan ang anga phuhruk chhoh a, mi dang, hmun denga mi ring reng han nihte pawh hi zahthlak anih avangin thil reng reng hi hun hmasa tawh atanga thil fello sawi tur hi a tam em em a. Chutiang

chu vawiin niah hian kan sawi chhuak seng dawn lova, a that pawh a tha lova, tul pawh a tul bewk lova. Hma lam pana tun atanga kan tih tur dik taka hi thinlung leh tih takzeta kan ram thatna tura kan thawn hi a ngai tawn tek tak ani. Chu chu kan Member zahawm tak te ka'n chah ani.

Tin, Demand No. 46 -ah khan han belh leh lawk ila, khua te pawh a lo lian zel a, vengte pawh a lo lian zel a, a lo zau zel a. Hengah hianin eng kan lo duh te a. Rural Electrification atan pawh pawisa a tam hmel lohian kan hria a, helai kan Demand han en hianin, hei, ka bial chhungah te ngei pawh veng a lo zauva, a Electric ban han phunna turte a la tam em em mai a. Heng Chaltlang khawchhungah te ngei pawh chutiang chuan hmabak a tam em em zel a, Veng chhungah chutiang chu a tam em em mai ani a. Chuvangin, heng hi chak zawka Sorkarin hma a lak a tih en a nihna turin pawisa tam zawk dah ni ta sela, kan Minister zahawm takte, pawh khanin hei hi lo chhinchhiah ta sela. Hmun hrang hrang, veng extension ti mai ila, khua te kan lo zauh belh a, Veng tharte a lo piang ta a, chutiang ang chi a tan chuan a tul tam viau ani.

Ka bial chhungah pawh pawimawh tak hmun tam tak sawi a tam em em mai a, mahse han tih mai sen pawh ani awm lo mang e tih mai tur khawpin helai bawrah ringawt pawh hian a tam khawp a. Chuvangin, bial dangah pawh a tam em em in kan hria a, hei vawiin niah ngei pawh hian Chaltlang khua atan a chutiang chi chu hei kan Minister zahawm tak hnenah hian lehkha thehluh pawh ka tum nghe nghe a la ni a. Chuvangin, pawisa tam deuhhleik dah ni ta sela tun ami aia tam hi tih kha kan sawi duh ani. Ka lawm e.

S P E A K E R : Hun a tawp e. Hun a tawp kha chuan tu pawhin inrawn dil belh tur ani a, in la ti tir hlawm a, inhriatthiamna in kan kal zel ani tih kha in hriat a tha ang. Pu K.Thangzualla.

Er.K.THANGZUALLA : Pu Speaker, ka lawm e. Demand No. 43-na Rural Development hi sawi hmasa ang a. Keini bialah te chuan in R.D hmalaknaah hianin mipui an lawm khawp mai a. Mi harsa rethei zualin hlawhfaknate a awm deuh reng a. Tin, chubakah rangva sem chungchang thuah kan lawm khawp a. Congress uhunlaia kum 2

chhunga an sem zah tluk kaa kuminah an sem ani. Chuvang chuanin, mipui an hlim khawp mai. Tin, Block President Saitual bial Member zahawm takin a Block President-in pawisa a khawn a tih kha a dik a, kei pawh hei hi ka hriat hlim chuan engtiziange aw ? ka ti a. Ken hotute ka ko thla hlawm a, Block President, Group President te leh Unit President te hnen atangin engtizia nge ? tih ka zawt a. Krismas dawn khan kan Sorkar tharin mipui harsate a ngaihtuah em em a. Inhlawh-fakna hmun tinah an siamsak hlawm ani. Amaherawhchu, a pawisa lak chhuah ngawt theih anih loh avangin sum nei, tute emaw ta an lo hman sak a, chu chu an thawh hlawh atanga veng tinin an chan tur atangin, a rulh lehna an khawn khawm a. Chumi a a rulh lehna chu a lo ni a. Tin, an pawisa puk sakna ngei pawh a lo kal thla a, amah pawhin a rawn insawi a. Chuvangin, an pawisa khawn kha phal taka mi harsate tana hman ani tih kan sawi chiang duh a.

Amaherawhchu, thil harsa tak tak la tihfel theih loh awm zawk chu November thla, Campaign hun lai vel khan Buangpui ah sawn V.C.P (Sorkar hlui ti mai ila) field laihna tur Rs. 2,5000/- a lo la chhuak a. Nikhat ruaithihin hnatlang an ko chhuak, an field kotlangte an thlo fai ve nian nian a. Tichuan, pawisa an sem ral ta mai a. Amaherawhchu, an pawisa dawnte an han sawi khawmin Rs. 1,5000/- emaw chauh an chhutchhuak thei a, Rs. 10,000/- thang ralna an hre thei lova. Chu chu B.D.O hnenah pawh an report nghe nghe a. Chutiang chuan hun kal tawh zawkah khan R.D pawisa hi hman dikloh a awm nual zawk a, kan bialah pawh. Hei hi example tur pakhat ka'n sawi duh mai chu ani a. Chutiang chuan tun Sorkar tharah hi chuan pawisa hman dik loh vak awmin ka hre lova, a hmingtha viau-in ka hria a.

Hei, V.D.C te hi tunah hi chuan suspend annih hrih avang hianin, B.D.O ten mi rintlaka an ngaihte hnenah hemi hnathawhna agency ahte hmangin, pawisate pawh hi anmahnite pawh keltlanga pek awm niin ka hria a. Chungte chu a dawngtu kha anmahni V.C.P te annih loh pawhin tute emaw an rintlakte kutah khon an pe mai niin ka hria a. Chu chu nichina Member zahawm tak ten an han sawi a, a dawng tur nilo kutah a lat emni tihte pawh kha, kha kha VDC agent bera an hman thin a kha a awm hrih loh avangin an rintlakte kha agency ah an hmang mai niin ka hria a.

Tin, Industry ah hian han kal leh ila. Demand 47-na. Hei, Aizawl khawchhungah hian Industry hi a tam em em mai a. Workshop tihte, thingzaina tihte, chhangurna tihte. Heng tan hianin Zuangtuah leh Luangmual lamah Industrial Estate tur hmun ram tam takan Sorkarin a lei tawh a. Heng hi a rawn chhuahdon hi Sorkar hian engtingge ngaihtush a tum aw ? Tin, tihren tul em em ka hre mai a, hei hi. A bik takin ka tawng lo haw lo sela, chhangur ho ngat pheih hi chu a In bul vel ami hi a khu hianin min ur a, a hrehawm em em mai a. Hei, Aizawlah hian

tunhma eiin Asthma a thite pawh an tam ani an ti a. Doctor lam kan zawh chuanin, Cancer tihloh hi chuan a dawttu ani mai awwm mange aw tiin Doctorten an sawi a. Chu chu heti em em a hetia Asthma Aizawla a lo punna chhante pawh hi a meikhu hian kan in ur luai luai avang hian em ni ang aw tihte pawn a ngaihtuah theih a. Tin, hemi population Control Board lam atangte hianin hmalaknate pawh engtinge an tih ni ang aw ka ti! Saw kan thenawm ah erawh hi chuan a meikhu chhuah na kha sang deuh maiin an rawn chhova, a tihzia khawp mai. Tin, a dan tur pawh niin ka ring a. Industries meikhu chhuak chi ah chuan an siam tur niin ka ring a. Tin, Phaiah pawh meikhu chhuahna sang tak takah an siam a. Sawtiang ang sawn chhangur ho hian siam vek thei seia a tha hle ang. Tichuan thenawmte tana khu hi midangte ten a reh theiin ka ring a. Kan la sawnchhuak theilo anih chuan, kan sawnchhuak thei anih chuan Industrial Estate ah a rang thei ang bera sawn chhuah hlawm nise.

Tin, he Minor Mineral Development ah hianin Nuai 15 lai an rawn dah a, heihi a lawmawm hle ani. Hei kan Mining & Geology Department ah hian hna-thawh an chak em em a, kan hotuten an pawimawhzia hria in kan hotute pawh an in rem tha in hna tak tak thawh an tum niin ka hria a. Kan ramah hian engemaw laihchhnahtur thil a awm ve ngei ngei a rinawm a. Chuvang chuan, heng hmalakna hi a lawmawm hle in ka hria.

Hei, Demand No. 45-na Other Special Areas Programme ah hian Under D.C Aizawlah hianin Nuai 680 a awm a, tunah hian District dang a lo piang chho zel a, District dangah hianin Sing 1 emaw lek lek nominal provision a awm theuh mai a. Hemi Aizawl D.C hnuai a Other Special Areas Programme tih hnuai ami hi District dangah hian a sem ve theih lawm ni tihte ka'n sawi duh a. Aizawl District ah ringawt hian Nuai 680 tawp a awm mai a.

Tin, Pu Speaker, Demand No. 46 na Electricity ah hian han kal leh ila. Hei, kan Budget bu-ah hianin Bairabi Thermal Project khu Coal base power project tiin a inziak a. Two Mega Watt angin. Amaherawhchu, chanchinbu leh thil danga kan lo hriatin furnace oil niin sawi ani a. Tin, a Mega Watt pawh hi 20 Mega Watt niin sawi ani bawh a. Hei hi kan Minister zahwm takin a, Dy. Chief Minister zahawm takin a min sawi chian sak theih chuan a lawmawmin ka ring a. Tin, hei internal Wiring chungchangah hian harsatna kan tawh nasa em em a. Tunhma zawng khan zalen takin tute pawh internal wiring hi an thawhtir bawrh bawrh mai a. Amaherawhchu, Sorakar thar an din veleh hian licence neihote hian High Court ah an khing a an ti tawp ta reng mai a. Tichuanin, Electric Inspector kan neihloh vang hi ani in a lang a. Hei, Indian Electrical Act te han en hianin Electrical Inspector hi appoint tur a tih ani a. Chumi chu engtikahnge kan neih ve theih dawn tih hi kan hrechiang duh a. Chuti anih loh chuan hei licence neih

pawh hianin State pawn atangin Assam atangte in, Meghalaya atang tein an la ni awm tak ani a. Heng State dang atanga licence an lak hi State dangah a valid em ni tihte pawh hi hriat chian ka duh viau mai a. State dangin a an pek Mizoram State ah hianin pawm anni em? Heng ho hian hna an thawk thei bik em ni tih kha area jurisdiction te kha fel taka then a awm em? Tin, Electrical Inspector hi engtikahnge kan neih theih dawn tihte kan hre duh a.

Tin, Tuirial Project hi ka hriat sual loh chuanin NEEPCO te nen kumthum hma lam atanga agreement sign vek tawh niin a lang a. Mahse, tunah hianin ka hriat dan information a dik chuanin a hna tak tak hi an la thawk vaklo in an sawi a. Tin, a kalkawng tur pawh hi an bangbo viau niin a lang a. BRTF in a an kawng hemi Serkhan - Bagha Bazar lo kal zel Vairengte a lo chhuak tur a khu BRTF thawh tur ani a. Mahse, engemaw avangin tunah khuan hna an chhonzawm thei lova. Khu kau an kawng tura an rin deuh niin an sawi a. Chuvangin, communication ah harsatna an tawka, khawl leh bungrua pawh an phur lut thei lovin an sawi a. Hei hi engangnge a dinhmun chiah? an harsatna? kum 3 (thum) lama agreement an sign tawh si tun thlenga hna an la tan theilo hi enggeni ang aw tih a hriatchian chakawm viau in ka hria a.

Pu Speaker, Bungtlang Electricification chungchang thu ah, Bungtlang khi tunhma in Chhim lampang Electric Department in an rawn bial a. Hnahthial atangin a hrui thlun zawm ani a. Mahse, tunah chuan, Serchhip Division hnuaia Bungtlang khi a va awm ta a. Tichuan, Bungtlang khian Serchhip lama hrui hi min zawm sak sela, Serchhip supervision leh an control na hnuaia awm ila tih kha an ngen a. Hei hi hotute pawhin hma an la mek niin ka hria a. Hei hi min tih puitlin sak thuai turin kan ngen duh bawk ani. Ka lawm e.

PU C.LALRINSANGA

: Pu Speaker, a hmasa berin Demand No. 43-na R.D Department hi keini Thingtlang lam atanga lo kal tan chuan a pawimawh

hle mai. Tun tum a pattern thar a kal turin Sorkar laipui atangin ruahmanna a lo kal rawih mai a. IRDP, TRYSEM, SITRA JRY, MWS te hi Pu Speaker, tuntum an hian ban tur ni pawhin a lang a. Engpawhnisela, ruahmanna fel zawk Central lam atanga rawn duan thar hi chu a tha turah ngai phawt ila. BPL (Below Poverty Line) te tana hmalakna tur anih ang hei tun kan Sorkar ah BPL thlier felna categories lai dinhmun tak hi a la Chiang lo hle mai a. Hei hi kan Sorkar hian ramri a kham thiam hle a ngai dawn a. Ramri kham pawh hi a rang thei ang bera kan neih pawh a tulin ka hria a. Tunah Member thenkhatin hei Rural population chungchang

kan sawi kha a dik khawp mai. Hei State dangte, Meghalaya Nagaland, Manipur, Tripura te, an rural population dinhmun hi keini ain an sang vek ani. Chutih karah Mizoram erawh chu 63,77% rural population chauh kan ni. Hei pawh hi kan tih danglam vat tulin a lang a. Thingtlang (village) kan neih 724 anni a. Hmundang kan ngaihtuah chuan kan nei tam lo na chungin, hemi a village population percent kan neih erawh hi chu development thang zel tur atan chuan a behchhan tlak lem lohin a lang. Hei pawh hi kan Sorkar hian kan en-nawn a tul hle dawn bawkin ka hria.

Hei, i veilama thute khan kal-phung hlui zia kha an la rawn chhawm deuh a, kalphung hlui kha an la rawn sawi cheu mai. Ka bialah pawh Rangva sem tih-te leh thil dang dangah kalphung hlui ze thalo pui pui a sawi tur tam tak a awm a. Amaherawhchu, chin dan thalo kha chu sawi vak a tul lem love. Kalphung thara kan kalnaah hian kan kal mawp mawp mai dawn ani. Tunah erawh chuan, kan Sorkar hian a her dik zawngin hma kan la zel dawn ani tih kha lo hria sela. Ka bialah phei chuan i veilama thute pawh hi Rangva kan dawn tir ve tho, MPC pawh MNF pawh tumah hleih kan neilo. Kalphung hlui tlansenin a thara kal kan tum ani tih kha Pu Speaker, min lo hriatpui ka duh ani. Hei, R.D Block chungchangah hian State dangte kan en chuan Block an ngah hle mai a. Arunachal ah 50, Meghalaya ah 39, Nagaland 52, Assam ah 137 an nei a. Chutih lain Mizoram chuan 20 emaw chauh kan nei a. Hei pawh hi kan tihlen a tulin ka hria. Anih loh chuan tun ang dinhmunah chuan ram siam tura hmaiak ngaihna a awm zo tak tak dawn a lo ni. Haulawngah pawh sawn Block thar din tura beisei ani a, amaherawhchu, tun thlengin riva ala awm thei love, amaherawhchu, la awm ngei turah ngai ila. Commissioneriet chung changah tun dinhmuna I.A.S (supertime scale) te Commissioner dinhmunah kan han dah. Hei pawh hi kalphung thar Directorate anga kan kal-pui a tulin ka hria. Directorate anga function chuan tun aia chak zawk hian a kaltheih ka beisei. Chuvangin, hei pawh hi tih danglam a tul hle ani.

Tin, chubakah chuan hei, Technical Work thawk annih avangin Engineer Line ah pawh hian engemaw chen chu Engineer Wing te pawh kan dah a, chungho Supervision na hnuaiah a kalchhoh pawimawhin ka hre bawkin ani.

Tin, a pahnihna an chuan Demand No. 44 na Industries Department kha sawi tur a tam hle mai a. Amaherawhchu, mawhpurhna a hminga ka channa hmun MIFCO chungchang hi tun tum ah chuan thlur bing tulin ka hre tlat mai a. A hmasa berah chuan MIFCO hi tun tumah Demand kan en chuan Nuai 74 zet kan nei ve a, a beitham hle mai a, kan liability pawh a clear zo lo a chha ani. Engpawhnise, MIFCO hi min hriat danah chuan theitui sawr min ti a. Theitui chu kan sawr narawh e, amaherawhchu, theitui piah lama kan hmalakna hi mipui hian min hriatpui

lo fo in ka hria a. A chhan chu thei leh thlai reng reng hian awm hun loh lai pawh a a ei theihna tura process tute kan ni. Chuvangin, kan hnathawh hi a pawimawh takzet a. Chumi anih rual chuan Horticulture beneficiary hrang hrangte kan dawm-kanna tur atana hmalakna pawimawh take sulsutu kan nih kha pu Speaker, he House pawh hian a hriat a tul hle in ka hria ani. Food Processing te kan bei a, mautuai te kan ti chho mek a. Chubakah sapthei hi khawken avangin lei tur kan nei lova, kan her hlei thei lova. Mahse, lakhuih lam erawh chu Kg khat Rs. 2.50 a leiin tunah thian kan her mup mup mai a. Tun dinhmunah hian quintal 50 vel kan her tawh niin kan MD te record ka dawn dan chu ani. Engpawhnise, kan kal zel dan turah 2000 qtls hi chu her kan tum hrim hrim ani. Chu chuan engnge a hrin kan tih chuan Thingtleng pa berh te te te thlai chin kha kan leisak zel dawn a. Amaherawhchu, tunah hian kan sum dinhmun a tlakbal rih avangin a leina lam erawh chu a ba thlauva kan la kal rih pawh a tul mai thei. Chumi chung-changah pawh chuan kan Industry Minister zahawm tak pawhin kan dinhmun min hriatpui se ka duh bawk ani.

Tin, chulo lelah chuan, hei, Plan reng rengah hian 0.17% hi MIFCO hian kan chang chauh thin a. Hei hi chu a beitham deuh e, 1% emaw 2% emaw tal hi chuan min increase sak thei lawm ni ? R.E ahte pawh min reflect sak thei lawm ni tih pawh kha kan Minister zahawm tak khan min lo hriat sak sela ka duh a.

Tin, chulovah chuan hei hmalakna tur tharte kan nei a. Chumi a kan sum mamawh tur chu Nuai 35 lai ani a. Kan hriat angin Zemabawk ah khuan Pork & Poultry Processing Plan kan siam a, kan ranneih vawk, arte hygienic taka talh a, process a, a tul ang anga mipuiten an chhawr theihna tur ruahmanna a kal mek a. Chumi atan pawh chuan, mithiam china a han trained tawh H.Lalrochama Asst. Manager a kan hlankai chhoh a kha khulai hmunthut turin kan indah ta a. Hemi atan hian kan Sorkar hian Matching contributionah engemaw zah Rs. Nuai 101 min phalsak dawn niin kan hria a. Tin, chubak chuan Share Capital contribution ah hian Cheng Nuai 84 min phalsak dawn niin kan hre bawk a. Hei tal erawh hi chu kan Minister zahawm tak khan min lo chhinchhiah sekin kan kal hram hram theihna tur ang tal hi chu min ngaih pawimawh sak kan duh tak meuh meuh ani tih kha kan sawi duh a.

Tin, chulo lelah chuan ka ngaih pawimawh em em a chu hei Aizawl khew chhunga kan oil ei a hi kan han chhut a, thlakhata kan ei hi Nuai 80 chuang man ani a. Chuvangin kan ei tel a pawh hi Silchar atlangdunga pawisa nemliam mai lovin helaia, kan pawisa te chambang thei tur zawng a Nuai 40 emaw intodelhna lam hawia ke kan pen a pawimawh hle ani. Tiang chuan, oil extraction Plant pawh hi hmalak chhoh tum mek ani. Tin, chulovah chuan, Demand 46-na,

.....633/-

hei kan Minister zahawm tak Electricity Department hmalakna hi ropui hlein ka hria a, tuntumah pawh hian Mini Hydel Project leh thil dang dang ruahmanna tam tak kalphung tharah kan nei dawn bawk a. Tin, chumai bakah Thermal generation Coal base hmanga thermal generation hi kan beihchho mekin, a kal mek ani a. Chuvangin, hengte pawh hi hmathar lakna, kalphung tharin a hrin zelah khan ka'n ngai a. Chubakah, Diesel generating Plant chungchangah, tunah Infrastructure nei mah ila, tih hlawhtlin la awm rih hleitheih loh avangin chumi kara a Alternative atan chuan Diesel Generator kan neihte pawh hi tun aia changtlung zawka kan tihchhoh pawimawhin ka hre bawk. Hemi chungchangah hian Rural Area atan Lakhs 80 dah niin ka lo hria, hei hi chu a beitham deuh em ka ti a. Mualthuam 'N' ah sawn Electric Power generator kan nei a. Saw sawn a chhevvel engemaw zah a chawm thei a. Amaherawhchu, tun dinhmunah helaiah Repair ani a, a aia te deuh min dahsak nge ni ? duh angin a chawm kim chang theilo tih report ka dawng a, hei pawh hi min ennawn sak leh tulin ka hria.

Hemi Power Generator Repair chungchangah hian thil pawimawh tak awm nia ka hriata chu tunah hian Zuangtuiah sawn hmunhme tha tak kan nei a. Sawlalah sawn mithiamte ruai chhohin keimahni Mizo ngei Mechanic te hmangin hma kan la thei lawm ni tih kha kan sawi duh ani. Kan Minister zahawm takin min hriatsak se a chhan chu phaiah kan thawn liam a. A repairing charge kha phaiah kan vawm liam leh mai thin a. Chu ai chuan kan tlangvalten thiamna an puakchhuahna tur a lo ni bawk anga tiha kha a pawimawhin ka hria.

Demnad No. 39-na chauh hi ka'n sawi leh lawk ange Soil and Water Conservation hi a pawimawhna kan la haichhuak lovin ka hria. Hei tun kan Sorkar tharah hian kan economic resource kan mobilise dawn a, chumi atan chuan Soil & Water Conservation hi a key point pawimawh tak ani. A chhan chu kan ram leilung hi a nghet lova, heng tawlh liam mai thin ven leh humhalhna hi a pawimawh takzet zetin ka hria chumi atan hma latu Soil Department hi kan ngaihthah loh tulin ka hria. Chumi atana an hmalak cash crop an neih ang chi Coffee, Bettelnut thingpui kuhva te leh thildang dang Soil erosion vengtu atana an hmalakna eizawn nana tangkai ni bawk si a hi multipurpose niin ka hria a, heng hmalakna te hi, hmalakna pawimawh tak ani.

Tin, chubakah chuan Demand sub-head ah khan Water resource development pawisa kha nikum aiin dah a tam lo tlat mai a, khangte pawh kha R.E ah chuan kan ennawn leh a tul angem tihte kha kan Minister zahawmtakin min lo chhinchhiah sak sela. Tin, chubakah chuan Water set management hi a pawimawh hle bawk a. Tin, research and training lama te pawh hi kan uar a pawimawh takzet zet ani. Khatiang kha Pu Speaker, kimlo takin kan sawi ve ani e, ka lawm e.

PU LALTHAN KUNGA

: Pu Speaker, ruahsur bengchhen lai taka aw ring takin ka sawi a ngaiin ka hria a kan ding a ni a. Hei, hun kan neih tlem

avangin kan kal deuh zung zung anga. Rural Development ah khan ka hma a sawitute pawn an ngaipawimawh viau a. Mizoram ah hianin rural population a hi za a sawmnga pathum point sawmsarih pasarih (53.77 %) anih lain kan chheh vel zawng zawngah hian 80% chuang a ni vek a. Chuvang chuan Mizoram ah hian khawpui kan lova ngah bik ve tih kha kan tarlang duh a.

Tin, Rural/Urban Area a declaration hi G.A.D. lam tih tur niawm taka hi an lo ti lo em ni tiha kha sawifiah ngai viau pawhin ka hria a. Tin, hei per capital income kan han en pawhin India ramah 1,570 anih lain N.E. India ah hian Rs.445/- chauh a ni a. Chutah pawh chuan Mizoram chu Rs. 239/- chauh a ni a. Chuvang chuan N.E. State ah rau rau chuan a pachhe ber kan ni lawi si a. Urbanisation ah erawh chuanin kan sang em em bawk si niin a lang a. Heng thil inmil lo takte hi a zah-thlak a ni tih kha kan hriat a pawimawh hlein ka hria. Heng thil hi a hma lama siamrem a pawimawh khawpin ka ring.

India rama per capita income sang ber Chandigarh State te pheih khu chuan Rs. 19,657/- a ni a. Chuvang chuan a sang chuanga pawh kha kan la phak ta lova, mi singkhat chuanga an awm lain. Heng thil te hi ngaihtuahin R.D. pawimawh zia a hi a lang Chiang hlein ka hria. Tin, NLUP Thar rang Policy kan tih mai thin ina a covered loh Community Block a te kha session hmasa ah khan priority basis in heng hi kan ngaipawimawh ang tiin helai House hi hriattir a ni a. Chu chu tuna R.D. atang pawh hian work scheduled an rawn siamna turah hian rawn ngaipawimawh thei sela lawmawm viauin ka ring a. Sawi tur a tam hle a, khang kha ka sawi ni mai sela.

Tin, Industry ah hian kan lut ve lehngal anga. District Industry Centre a hi, hawn belh a ngai viauin ka hria a. Kan District capital ah te hi chuan hawng kim thei hram ila, a ranglam in, a pawimawh hlein ka hria. Mizawl khawpui ber D.I.C. building saw a tlu lek lek tawh ani a, kum engemaw zat kal tawh a mi kha wawiinni thlengin kan la rochung a ni a. A chhuat te saw a phut dep dup tawh mai a nia, chuvang chuan saw pawh saw sakthat thuai a pawimawh viau a. Hei Industry lamah hian kan hnufual em em mai a, kan ram hi. Chuvang chuan hmalak-na tur a tam tak tak a. Tin, hemi spices processing plant te pawh hi lian deuhhleik a kan siam a pawimawh a, chu chu revenue earning atan hianin a pawimawh em em mai a, kan ram thil kan tharchhuah zawng zawngte process a, helai atanga thawnchhuah anih theih hun hi a nghahhleik awm hian kei ka hria a.

Tin, coffee leh thingpuife lama Industry te pawh hi a ranglam a kan tih chak a ngaiin ka hria a, hei hi hma kan lakna tur atana thil pawimawh niin

kei ka'n hmu a. Tin, Forest Based leh Mineral Based lamah pawh hian kan la tlachham ve ve hle mai a, pakhat tal hi chu a bul tan a hun tawh lawm ni, tiin heti laiah hian ngaihtuahna ka nei deuh a. Tichuan, Mizoram Industrial Act pawh hi kan nei tawh emaw a policy te chu kan nei ani maithai a, a Act bera hi kan nei em? Heng hi hma kan lak tak tak dawn chuan a pawimawh viauin ka ring a.

Tin, hemi bamboo mau process na tur atana Industry hi kan sorkar hian hma a la mek tih pawh kan hre nachungin heng a bul kan han tan mai theihna tur atan hian a bik tak pawha ngaihtuah nise thain ka hria a. A chhan chu kan ram hausakna kan chhawr tangkai theihna tur a ni. Natural vegetation a lo ni a, a hran a hrai a buaipui teh-chian pawh ngai lo. Hlawkna kan hmuh theihna tur leh kan ram a dinchhuahna tur atana a kipui ber anih avangin hei hi electric lama kan tlachham anih pawhin diesel engine hmang pawh a hei hi buatsaih hial duhna kei ka nei a ni a. Chu chu kan ngaihtuahna ah khan awm thei sela a tha viau in ka ring a.

Tin, electric lamah hian in lut leh nghal zung zung a mai ila, electric lamah hian power generation a tam hianin Budget pangngai reng mai kha kan hmu a. Chuvang chuan hmasawna awm lem lova sorkar hmasa ah khan hemi ramdang atanga power kan lakluhna pawisa hi kan ba em, engnge ni kan dinhmun? tih kha kan Minister zahawm tak hian min hrilhfiah sak sela a pawimawh viauin ka hria a. Hemi electric bill pekna counter te pawh saw, Aizawl a mi saw hmei nhia tan leh tar chaklo tan pheichuan a tih a tih hleih theih tawh loh khawpin a buaithlak a. Chuvang chuan sawmi harsatna pawh saw min sutkian sak rang turin kan ngen nghal duh a.

Tin, ka bial chhungah khianin, Darlawn ah Sub-Station kha a hmun te pawh pek a ni tawh a. Chu chu hna chhunzawm zel a ni dawn em? Tun tumah hian engtingge hma min lak sak dawn? tih ka hre duh a. Ratu chin hmar lampang zawng zawng saw chu a hrui kan thlung tak na a, a eng ngai lo reng reng mai a ni. Tichuan, bill an pe ve reng mai a, hun hmasa atang tawh khan wawiinni thlengin hemi harsatna hi kan Minister zahawm takin min sutkian sak thuai sela. Generator te pawh hi Ratu hmunah emaw Sakawrdai ah emaw sawn min bun sak mai se tiin ka'n ngen duh a.

Tin, Khawpuar, North Khawdung-sei, Thingsat, Tinghmun, Palsang, Mauchar leh Sunhluchhip te saw eng pek tawh anga hmun thenkhat a lang si, mahse wawiinni thlenga a hrui la thlung lo a ni a. Chuvang chuanin hengte pawh hi ngaihtuah ran atan a pawimawh viauin ka hria a, min lo chhinchhiah sak theih hram chuanin a lawmawm khawpin ka ring a.

Tin, hei Rural Electrification ah hianin pawisa tlemin kan han dah tam ta a, a lawmawm ka ti hle a. Chutih rual chuanin Rural lama transmission evacuation chungchang thua harsatna kan neih a hi kan Minister zahawm tak hian min sutkian sak theihna dan tur kawng min rawn dap sak thei se, a pawimawh viauin ka hria a. Hei hi mipui an phunnawina tam ber pawh a ni a. Solar Lan tern te, Diesel Generator hmang tein tih en theih chia hi chu a tak ram thlentir a hun tain ka hria a.

Tin, Pu Speaker, Soil ah hian Rural Area Development ah pawisa a lo pung ta a. Tin, Engineering Cell lamah hianin pawisa a lo pung ta hlek a, a lawmawm hlein ka hria a. Amaherawhchu, ka hriatthiam loh chu Budget hmasa ah khanin nuai 1008 lai plot valley project atan sawn dahin ka hria a, kuminah hian nuai 843 dah an ni leh ta a. Engngeni an thawh sawti laiah sawn ? Eng ang takin nge hna an thawh kan Minister zahawm takin he House hi min han hrilhfiah sak thei sela a tha hlein ka hria a.

Industry ah khanin thil pakhat chauh han sawilan leh ka duh a, hemi New Industrial Policy ah hianin crore 20 thlenga kan han hman ve nghal theih mai tur anga hi North East Development Financial Corporation hnuaiiah tunah hianin hemi Techno Economics Studies for Industries and Infrastructure atan hianin min rawn sanction niin a lang a. Hei hi hman theih kan tum em tih a kha kan Minister in min rawn hrilhfiah thei sela. Kan ram tana thil hlu leh thil pawimawh hetah hian tam tak a inziak a, hei hi kan la implement tawk lo niin ka hria a. Chu chu hun a tawi si a han sawichhuah vek te pawh a chakawm tehlul nen amaherawhchu, hianin min daih silova, khang kha ka zawhna ang deuh leh ka han tarlan nisela. Chu chu ka han sawi theih tawk ni mai teh se, ka lawm e.

PU C. THANGHLUNA

: Pu Speaker, hun a tlem a, ka sawi zo leh hman chuang lovang a. Chuvangin demand pahnih lek sawi ta ila.

Electric Department te, Soil te kha chu kan Minister zahawm tak min kaihhruaina hi a rinawm tawkin ka hria a, han sawi tur em em pawh ka hre lem lova. Amaherawhchu, demand pahnih, demand no. 43 na leh 31 na kha han sawi ve tulin ka hria a. Tin, a demand taka kan luh hmain a thuhmahruai angreng deuhhlek han sawi pawh ka duh a. Ka han sawi duh a chu hei hi a ni. "Beiseina thar sorkar-ah", tih hi, vawiin nia sorkar-ah hian mipuiin beiseina thar nen an lo thlir a. Engvangin nge beiseina thar an neih ? Vawiin ni a MLA lo tling ta, a tam bera hi Kohhran Upa te, MLA la tling ngai lo, mithiam tak takte, mi tam takin rawn tling chhuak a, Kohhran a hruaitu tam tak Ram Roreltu a Pathianin a rawn

ruat chhuak che u a. Chuvang chuan hemi te'n a ram an kaihhraina ah hian a tha tawk ang tih beiseina leh rinna an nghat niin ka hria a. Amaherawhchu leh lamah chuan Kristian te zingah politics kan lak dan hi a lo bawlhhlawh zawk ber awm mangel tih te pawh hi ngaihdan ka nei a. A chhan chu Ram Roreltu, Sorkar kan lo nih hian a thlang tlingtu chu Party mi nimahsela, thlantlin an lo nih a, sorkar siam alo nih tawh hi chuan mi zawng zawng huapzo sorkar hi ni tawh sela. Chutianga mi zawng zawng huap a nih chauhvinn mipui sorkar a ni thei chauh dawn a ni. Sorkar chuan a khua leh tui (subject) te tha taka an rawngbawl leh enkawl chu a bat tlat a ni.

Amaherawhchu sorkar a lo din hian konhran mi, mipuiin an rin ngam tak tak, Upa, hruaitu tling a mipuiin an ngaih pawh nise, politics ah hian hmasialna mahni party bik tana hleih nei tak hian kan kal thin ani ber ta in a lang a. Sorkar ah mipui an beidawn tawh chuan han beisei leh tur chuang a vang tawh awm mangel tih te pawh min ngaihtuah tir hial a. He sorkar mipuiin an beisei dan hi a sang hle a ni. Amaherawhchu, mipui huapin kan kal leh si dawn lo ni te pawhin a lang a, chuvang chuan ~~keipawh~~ a tira beiseina sang tak he sorkar a ka lo neih kha, vawinnit ah chuan a tlahniam nasa em em tawh a ni. A chhan chu kalphung thar kan han ti a, kalphung thar han tihah hian vawinni a sorkarah hian tunhma sorkar lokal ta te ai khan a then thenah chuan kalphung thar a tha zawk a awm ngei ang tih hi ka hnial lova. Amaherawhchu a thenkhat ah erawh chuan tunhma sorkar lo kal thin tawh te aia tha lo zawka kalna hi tam tak a awmin ka hria a ni. Chu chu hei hi a ni, hleihneih na hi a nasa em em in ka hria a. Entirnan, tuna ka han sawi tur demand no.43-na - Rural Development hi han sawi ta ila. Kan Minister hi chuan ngaih loh lamah lo ngai lo sela, min lo hrethiam sela. Kohhran lamah pawh hruaitu tling, Kohhran Upa a ni. Kan ring tawk e, amaherawhchu he department a enkawl na danah hian sakhuana lama a a nihna ang kha a kengkawh em ? a tilang em ? tih kha kan lo thlir a. Amaherawhchu, politics ah hian sakhuana lama kan nihna hi a lo lang thei tak tak lo emaw ni chu aw! tih tur a ni.

Rural Development kan han ti a, Rural Development kan han tih a chu thingtlang khua khaw kil-khawr zawk te, mirethei zawk te hmasawna tura thawktu department anni a. Central sorkarin a duhdan tak pheichuan Below Poverty Lines hnuai mite chawichhoh nan ruat a ni tlangpui thin. Amaherawhchu vawinniah chuan he R.D. ah hian hleihneihna hi a nasa berin ka hria a. R.D. pawh kha a tum ni pawhin a lang tawh lova, ka bial chungah ngei pawhin EAS he R.D. Department hnuai mi chu party bik duhsak nan Unit Works ah pek a ni zel a ni. MNF Unit te chauh khan an thawk a, MNF Unit in an thawh chu a tha e. Amaherawhchu, mirethei party dangah pawh khan P.C. ah te, Congress ah te a dang dangah pawh mirethei te te leh hmeithai an tam si a, khang mirethei te khan an thlir thap mai a, an han thlir chiam mai a, MNF te chuan an thawh ve an phalsak ta silova.

Chu chu kristian ramah in hmangaihna reng a awm tawh lo, rapthlak ka ti. Chuvangin he R.D. Department hi Ruling Party Development Department chauh niin ka hria a ni. Heng thilah hian a bik takin MNF an thawk deuh ber a, MNF Development Department ni berin ka hria a ni. He thil hi kan Minister zahawm tak hian min hriat sak a helai kal dan dik lo lutuk hi chu ani pawhin a duh theih ka ring lo. Hei hi chu siamtha hram sela a thain ka hria a ni. Chutilo chuan Pathian lung a ni lovang. Sorkar min din tu, min siamtu mipui min petu hi Pathian a ni tho a ni. Chuvangin Pathian duh dan en thunga sorkar hi, a kal thiam, in kal thiam a tul hlein ka hria. Chuvangin R.D. Department kan tih a hi mirethei te chhawmdawltu department lo nisela. Ruling Party emaw MNF Party development department chauh ni lo hram se ka ti a ni.

Mi rinawm tawh leh dik tawh nia ngaih ten min hrilh dan chuan Khawbung ah chuan rangva ruling housing scheme atangin hetiang hian sem a ni. MNF in 160 pek an ni a, MPC in thum pek an ni a, party dang reng reng erawh chu nil a ni, pakhatmah a awm lo. Pu Speaker, tawng muang deuhhleik ka nih avangin engpawh nise minute hnih chiah min pekbelh ta che. Anih leh Pu Speaker, ka lawm e, minute hnih chiah. Hetah pawh hian Rural Housing Scheme ah hian mirethei zawk te, hmeithai te party tinah an awm a. In leh lo nei theilo te hi kan Mizo mipui te an ni tho. Chuvangin party ang ngawt a ti lova, mirethei zawk te leh chhum chiah tak tak ten in leh lo an neih ve theih na tura hengte hi en thiam a pawimawh hlein ka hria a. Chu chu Pathian lawmzawng pawh anih ka ring bawh a ni.

Tin, District Council chungchang demand no. 31 na kha tlem han sawi ila. District Council chungah kutthlak chungchangah District Council te thiam loh chantirin kan mawhpuh thin a, a tichhe tu sorkar nih kan duhlo viau thin. Amaherawhchu, hun lo kal tawh reng rengah hian District Council te chungah kutthak hnawih-tute chu State sorkar hi a ni ziah mai. District Council thuneihna te zawk neite, State sorkarin ngaimawh a, suspend emaw, desolved fo thin hi chu, eng party a nih pawhin hei hi chu thil tha a nilo. Sangau bialtu zahawm tak khan a rawn sawi tawh a, keini pahnih han inhnial phei hi chu a mawilo khawp mai ramkhat atanga mipui in an aiawh a min rawn tihchhuah te an ni si a. Amaherawhchu, ani pawh Minister anih lain kan council desolved tur a bei a, desolved te a ni ve tho a ni.

PU C.SANGZUALA

: Pu Speaker, ka lawm e...
A ler lam R.D. ah hian tan
ta ila a tha awmin ka hria.
R.D. ah hian tuna Budget

hmel lo lang kan han hmuhah hi chuan lawm em em na tur ka hmu tehchiam lova. Amaherawhchu, R.D.Ministry tangkai em em na lam ka hmuh erawh chuan lawmawm ka ti hle a. Tute pawhin min ngaihsak vek nachungin anni hi kan va pawt ngam ber em aw! tih hi ka ngaihtuah deuhhlek a. Thingtlang lame, Aizawl te pawh a ni anga, tlema hmun chengker lam atanga kan miten mamawh an neihna, mamawh tenau te te an neihna ah hian ban tu# kan neih ber chu R.D. a ni leh mai thin a. Chuvangin tun hun thla sarh emaw leka rawng kan lo bawl tawhna ah hian lawmthu sawi tur tam tak awmin ka hria a. An rawngbawlna ah lawmawm ka ti a. Chumi atang chuan budget lo lang atang hian nasa lehzuai a rawngbawl tura thahrui a tam tawk lo ang tih hlauhna ka nei a, ka duhthawh deuh a. Han sik deuh hlawk hlawk zawng pawhin kan thiante opposition lam ten an han sawi a, hun tir te a la ni a, tlar hmasa ami chuan lo bar hmasak chu a awm alawm an ti ah ka ngai a, Buffet in chaw kan ei dawn a, kan intlar put mai a, MNF te, MPC te tlar hmasa ah an awm si a, an bar hmasa anga, kum 5 chhung chuan kan bar kim ang tihte ka ring a. Tun te hi chu phunnawina hunah la ngai lo ta ila ala tir em anih hi, a tak tak ani tih pawhin ka ngaihtuah mai a. Kalphung thar han tihlemah, thianghlim famkim sorkar beisei tur chu kan niin karing lem lova. Tui thianghlim te pawh hi hmannah Kolasib ah kan zuk kal a, tui thianghlim an pump chhuah hnu kha an han ti thianghlim nasa khawp a. Thianghlim sur emaw kan tih pawh hian a karah bawlhawh hi a len tel ve a. Chuan he sorkar kalphung thar pawh hi thianghlim famkim sorkar tur chuan beisei turah ka ngai lova. A tha sang ber thleng turah ruat ila, dikin kan ring deuh a, chulai te chu kan sawi ve chak a.

NLUP bikah khan tuna tihlai bak chu kan ti zel dawn lo ti a hrilhfiah kha kan ni a. Amaherawhchu tih laklawh theih awm mange aw! ka ti a. Ala hniam chuang lova, khangte kha zawhna rawng deuhhlek in ka'n tan duh a. Kan lo hriat ve fo thin hemi Central lam atanga pawisa kan zu dilchhuah ve na ti mai ang, nghakuai in sangha a rawn tar ve vau vau ang khan, sangha lian in kha kan nghakuai kha a rawn tichat mai a. Sangha lian kha, kha thil te takte mai changpat te khan kan lo bat chat mai a. Central a thang kan kam na, kan nghakuai ve hi a tlem deuh mang e! a ratio a that tehluul nen a let li thar thei India rama lei tha kan leilet ah hian buh wawi li a thar thei a. Hei hi kan chah tam leh a haw tam dawn a ni si a tihte pawh kha a sitawm mange aw tih kha rilruah chuan a awm a, chu chu kan sawi chak bawka. Member dang ten an sawi tawh em ka hre lova R.D. Block tlem, hei hi tih tam kawng tinreng ah kan sawtpui in a rinawm a. A mihring lamah a thawktu lamah thil solution problem solution tha tak anih a rinawm a. Government lamah Rural Area lamah nasa takin a hnawt sawt dawn bawka, chu cnu tihmakmawh turah khan kan ngai a.

Tin, 47-na ah khan hei pawh hi duhthawhna bawkin kan thlir a, a industries kha. Hnasawn tumna langsar tak a awm lova, kha khanin R.D. lam te pawh a kawng ngal a nih chuan a phan awm deuhhlek in kan

hria a. R.D. ah chuan a duhthawh awm deuhhleik in ka hria a.

Tin, heng zawhna ang deuhhleik in Central Sponsore Scheme kan tih ang chi ah te khan token dah hauh loh te angte kha a awm a. Engnge ni a kalhmang aw tiin keimahni pawh kan la inzawt mai mai a.

Tin, Rural Industries lam te kha uar tumna awm te kha a lang vak lova, hengah te hian kan ram hmasawanna turah Rural Area a Development awm thei ang ang hi a theih anga tih nasat a tha lawm ni aw? Chulam chu R.E. ah hian rawn hria sela tih kha rilru in duhthu an sam a. Entirna thenkhatah chuan thil awlai te a kan ngaih kan rama tha duh em em, thing chikhat ni ve mai, kan thingpui Industry ang te pawh hi uar deuh a tha lawm ni? Tin, lei chhung lamah hian engnge kan neih kan hre vak lova, zawn em em a la awm lo tih reng a ni a. Khasi te hausakna chu lei hnuaiia thil dum te te an phawrh chhuah te khu a ni a. Keini pawh hei mining lamah te pawh hian nasa lehzuai a ke pen tumna han verh thuk lehzuai tumna tangka kha lo lang thei sela rilru chuan a duh viau a.

Tin, chulo leha chuan heng corporation hrang hrang zingah khan ZIDCO leh ZENICS ah khan a tlem viau mai a, ka hrethiam lo nge ni hnathawk thei lo turin kan phuar sa a ni em aw? Kan tangkai pui hle si a, a bikin ZIDCO te phei chu mirethei dinchhuah tum te inngahna a lo ni ve a, khangte kha ka rilru ah chuan a awm a. Tin, KVI ah khan hmasawn tumna a lang vak pawhin ka hre lova, hengte hi kan hotuten an sawi danin statutory body a ni e an ti a, chutiang chi ah chuan keimahni state sorkar mawhpurhna thui tak a awm a. An rawngbawlna an service hi a tha hle a, tangkai lehzuai a rawng an bawl theih nan hna an thawh theih nan anni pawh hi han voh deuh hi kan mawh pawh a ni lawm ni tih kha kan sawi chnuak chak a. Tin, a tawp berah chuan Eng lamah hian han tawp ila a tha awm e, thim a tawp ai chuan.

Demand 46-na ah hian tlemte han sawi ve duh kan neih chu Tuirial te, Tuivai Project te sawi fo kha Central lam subject hlang hlak a ni emaw kha ka hre lo, a lo lang lo niin ka hria a, chu chu ka zawt duh a, hrih-fiah atan. Thawktute titi atanga ka lo hriat ve dan chuan hei, Tax chhiah khawn ah hian thahnemngaih leh ngaih loh kar a hla khawp mai an ti a, a bialtu in-charge E.E.te, S.D.O.te leh Officer te, chung kawngah te chuan a chhiah hmu tur zawng hman man hmu tur zawng a tan lak dan tur kha zawng thar ta ila. Chulovah hemi a chhiah hmu tur zawng a tan han lak ngaihna lai tak han sawi chu, heater hi chhiah lakna ber a ni a, heng heater endik hi a pawimawh viau ani an ti a. Chung te chu kan hotuten min lo chhin chhiah sak sela. Tin, hei Department thang chho mek a ni a, chung kawngah pawh chuan hmatar a la dawn a ni a, chung ang chi ah chuan thawk tu pangngai te regular staff lakna awm tak takah MR kan rinchan na a nasa ni a hriat a ni a.

Tin, Department a peng engemaw lo awm thinahte, henga hnathawhna hmanruaah hian thawktu pangngai lak hi tunhnu atan chuan ngaih pawimawh atan a tha khawp ang tih, hei hi thawktute atanga kan lo hriat thin ani. a. Mahni bial lamahte han kuaikur leh ta ila, Aizawl Chhim Kulikawn piahlamah sawn eng hi a Dim raih mai thin a. Ziak sin chhiarna khawp eng hi a awm meuh thin lova. Heng hi engtia tih tur nge ni ang aw ka ti a. Eng tak zawk kan ngen bawk ani. Ka lawm e.

S P E A K E R : Pu Nirupam Chakma.

PU NIRUPAM CHAKMA : Pu Speaker, ka lawm e. Demand No. 31 District Council chungchangah Mumin Financial Year atana kan Plan size hi 360 crores niin kan House Leader in a sawi a. Hemi Normal Plan Increase atangin District Council te hi kan Sorkar hian pawisa a pe lo ani. Chu chu engatinge ? District Council Minister zahawm takin Finance lamahte hemi chungchangah min sawisak turin ka duh a.

Tin, Peace Bonus chungchang kan Sorkar hian Scheme engemawzat siamin Central Sorkarah a theh lut niin ka hria a. Tunah pawh siam mek niin kan hria a. Mahse, District Council ho Scheme an theh lut a, mahse, pakhat mah an pawm lo ani. Kha kha engatinge ? tih zawk ka duh a. District Council Minister zahawm takin a hria em ? Tin, hemi chungchangah hian a concerned authority hnenah nawr sak turin ka ngen duh a. Tin, Session hmasa khan R.E stage ah District Council tan non-plan ah engmah pekbelh loh tih chungchang ka sawi a, tunah pawh ka sawi leh duh a. An buai lutuk a, T.A te non-plan chungchangah pawisa indaihlohte a awm ve a, chu chu pekbelh hram turin Finance Department hnenah ka sawi duh a.

Tin, R.D lamah hian NLUP chungchang ka sawi duh a. Pu Speaker. Session hmasa khan kan R.D Minister in Block 12 te rural development block 12 hi ala cover lo tih House ah information a pe a. Hemi chungchangah hian Sorkarin engmah alternative scheme siamsak lovin NLUP tihtawp hi a diklo ani. Mipui tam tak, chhungkaw tam tak R.D chhungah hei block 12 NLUP dawng tura beisei lain, Sorkarin hemi scheme a tihtawp thut hi a dik ber lova. Tin, tuna on-going scheme block te chungah an scheme completion a pawisa an dah hi lawmawm ka ti a. Theih hram chuan NLUP Scheme hi revise sela, titawp lo sela ka duh ani.

A titawp dawn anih chuan alternative scheme hi siamsak rawh se. Kan Chief Minister zahawm takin Agriculture Department a chang a, Agriculture Department hi Priority-Sector ah kan dah ani a ti a. Amaherawhchu, vawlin ni thlenga Policy ala puanglo hi chu ani thei lo ani. Thla 7 a kal tawh tunthleng a Sorkar kalphung tur a la puang thei lo hi engatinge ? Agriculture ah engngeni pawimawh tur ? Privatisation te an sawi a. Chuvangin, programme mumal tak Sorkarin a puan hi ka phut ani.

Pu Speaker, VDC chungchangah chuan kan R.D Block ah chuan vawlin ni thlengin approval an la pe lo ani. VDC kan nei lo. A thar an siama mahse VDC hi ala approve lo ani. MNF workerte hian kan Block chu a dominate ani ringawt mai. MPC pawh engmah an nilo. V/C tam ber chu Congress anni a, keimahni chu engmah kan nilo. An mahni worker thu thu in a kal. BDO pawhin a hlau tawh, Minister in pe rawh se an ti a lawm an ti a, hei hi kalphung thar ani. Keini Congress Sorkar lai khan hei Dan angin Block ah chuan vigilance Committee atan MNF member pakhat an dah a, tunah an Sorkar a, vigilance Committee kha an thu ber ani. Hemi member te hian Committee implement angin an thawk em ? entura kan ngaih lain Vigilance Committee hovin engmah thawk lovin 75 thousand chu kalkawng, mipui chan tur Poverty elevation Programme turah chuan a awm lain, amah BDO atangin nuaikhat man kalkawng a lai a. Hmanni ah Chawngte atanga ka lo hawnin kalkawngah BDO ka hmu a. Pawisa i nei em kan inti a. Ani chuan Nuai 4 chu ka nei a ti a.

Engatinge mipakhat hnenah contract Nuai khat man i pe em ni ? ka ti a. 'aw' a ti a. 'E! tunhnu ah chuan ti tawh teh suh hei mipui riltam lai ani a. Village wise in 10,000/20,000/30,000 sem mai rawh' ka ti ringawt mai ani. Hei hi tih loh tur. Saw-ta h Headquarter atangin emaw Minister atang pawhin ni rawh se, Recommend lak tur, mipui tam lai chuan heng thil hi a tha lo ka ti ani. Dan angin kal rawh se tih kha ka sawi ani. Minister lehkha anih avangin advantage lak tur ani lo reng reng. Engemaw chenah hna pawh an thawk ang chu, mahse, mipui chan tur tunah an mahni tana an thawk anih chuan a dik lo reng reng.

Tin, Pu Speaker, Minister mawh chu ka ti lo. An Party mi leh sa worker te chu ground level ah engnge an tih tih hi Minister en turin ka ti ani. Chawngte block ah a bik takin lo enpui se ka duh ani.

Tin, hei sawi tur tam tak a awm a. Tunah MNF Party hamthat nan an membership increase nan block ah, hei rangva semte, hman tangkai a, MNF ah chuan awm sela hei hi kan tihsak ang che an ti a. Chu chu an MNF leh MPC Sorkar lai ani a. Amaherawhchu, MPC lam

hian engmah an ti thei lova, hna pawh engmah an hmu lo. Engmah an hmulo en rawh. Ka bialah ka hre lutuk MNF nilo, P.C ho Housing Loan pawh an hmulo. MNF mipakhat an dah a. P.C ho pakhat mah an pe duh lova.

Pu Speaker, ka bialah hian an worker te thu lutuk hi lo enpui rawh se. Pu Speaker, hetiang hi a tam lutuk. Power chungchang tlem sawi ka duh a. Kan Minister zahawm takin hei Master-Plan te a tlangzarh a. Project covered by the Master Plan he House ah kan awmlah lain Magazine te an dah a. Hemi a a landan chuan, Information Department atangin Press Release pawh nilo heihi chu, Mizoram Ten Years Master Plan for Power Development tih chungchang, hetah Scheme tamtak lang chu keimahni Congress hun laiah hmalak tawh leh complete tawh niin an sawi si a. Hemi Power Project reng reng hi keimahni Congress hunlai engemaw chen chu hmalak tawh ani a. Kha kha hmala zel rawh se tih kha ka sawi duh a.

Tin, Soil Department chungchang hi, Soil Range Office function dan kha mumal lo pawh nilo, khawngaihin Minister in enpui sela. Tin, Pu Speaker, minute khat chauh min pek belh (SPEAKER : Minute 1 chu a kal der tawh ania) mahse, kan muang thin a, chuvangin, min ngai-thiam teh.

Industry chungchang, Sub.Divisional Industries Office chungchang, keimahni Sorkar laiah khan kan hawng tawh a. Kha kha mumal deuhvin function tir dan kha Minister in lo ngaihtuah rawh se. A dang sawi tur tam tak a awm a, hun a awm loh avangin ka sawi lovang, ka lawm e.

* Speech not corrected.

PU K.T.ROKHAW

: Pu Speaker, hun min pek avangin ka lawm e. Pu Speaker, a hmasa-in Rural Development Department Demand No.43 han sawi ka tum a.

Rural Development hi a hmasaa kan sawi duh chu ka biala Election laia In an thiahsak tak te Rangva pek tur chungchang kha a ni a. A hmasaa kan Minister-ina min lo hriatsaka ka duh chu, hemi House-ah hian vawihnih ka sawi tawh a, Pu Speaker. In thiah sak Zawngling leh Loki-ah khan chhungkua 56 an ni. Chu chu kan Minister zahawm tak hian a list lo theh lut rawh min ti a. Tichuan a Office-ah a list ka pe a. Tin, kan Chief Minister zahawm tak khan a list min lo pe bawk dawn nia a tih avangin a copy pawh kan Chief Minister ka pe a. Tichuan tun tuma Rangva ka sem tur an tihah hian engpawh nise, chhungkua 56 hi a list ka pek ang khan min lo pek sak hram rawh ka ti a, a hmasain ka ngen tawh a. Tin, a pahnihnaah chuan Tui-pang 'N'-II ah tum hmasa khan Rangva sem list kan Department in a tichhuak tawh a. A order pawh chhuak vek tawh a ni a. Mahse, a Rangva hmutu tur te khan an la dawng hman lova. Tin, list order chhuak tawh chu tun Ministry alo din hian khami a list kha tih danglam a lo ni ta a, a pawl ka ti khawp mai a, Pu Speaker. Sorkar hmasain a order alo tichhuah tawh Sorkar tharin a a order an cancell leh mai a kha a dikin ka hre lova. Keini hun laiah khan khaw tin atanga an thlan chhuah chuanin Rangva chung khuh tur neilo an thlan chhuah te kha Department-ah an pe lut a, admit vek an ni tawh a list pawh chhuak vek tawh a order pawh chhuak tawh. Khatianga cancell niin Ministry thar hian an duh duh an lo dah mai a, a then phe chu Rangva vawihnih, vawithumna tur te an ni a. Chuvangin khami kha a pawl ka ti khawp a. Tun chinah chuan ti tawhlo hram turin Minister ka ngen duh a. A chhan chu Rangva dawng lo tam tak an awm a, dawng nawn an awm kha chu anihin a ni lova.

Tin, ka bialah khian Pu Speaker, fur a ni tawh a, ei leh in tur Buhfai a tam khawp mai a, mahse a leina tur pawisa mipuiin an nei lova, mahse RD/DRDA atanga inhlawhna tur reng reng pek an ni lova. MNF Unit ho thu vek a ni mai a. Chuvangin, Pu Speaker, kan Minister hian a hre lo pawh a ni ang, mipui te inngahna ber chu Rural Development hi a ni a. Chuta MNF Unit in hemi hi loti rawh ti a an dhsak apiang, Officer te chuan an pe mai si a. Chuvangin, engpawh nisela, mipui cover turin hna lo thawk tawh rawh se tih ka Minister ka ngen duh a ni. A chhan chu Congress a Sorkar lai khan July, August, September velah hi chuan mipui inhlawhna tur, R.D. atanga inhlawhna tura awm reng reng chuan, mipui inhlawhna tur an siam sak thin a ni, khawtinah. Mahse tun tum erawh chu mipui inhlawhna tur pakhatmah a awm lova, MNF Unit erawh chuan hna an nghah khawp mai, chuvangin hei hi min lo ensak hram rawh se tih ka rawn ngen duh a ni.

Tin, a pahnihnaah chuan Industries a kan sawi duh chu Industrial Unit te permission kan pek chungchangah hian tlem han sawi ka duh a. Registration kan pek reng reng hi, hei, a bik takin Workshop, thingzai khawlte, chhang urna te hi engpawh nise, kan Minister-ina a hriat ka duh em em chu Vaivakawn atanga Treasury Squa-

inkarah hian Workshop pathum/pali lai a awm a. Tin, a Workshop an han khawih khan Motor Workshop reng reng hi chu thenawm khawveng tan a ri hi a nasa ta lutuk a. Thenawm khawveng tan hrehawm tak a ni a. Tin, chumi ang chuan Thingzai khawl neitute pawh. Chuvangin kan Minister hian nichina Registration pek turah pawh hian a in awmna te en a, thenawm te harsatna siam lo tura a hmun tepawh nei hram sela tih ka ngen duh a.

Tin, Pu Speaker, DMRY loan hi a Loan Board-ah hian MHIP te, YMA te telh an ni thin a. MZP te hi telh an ni tlat lo mai a, MZP te hi Loan Board-ah awm ve awm tak an ni a, a chhan chu Zirlai an ni a, tichuan MZP te hi Board-ah telh ve hram ni rawh se tih hi kan sawi ve duh a ni.

Tin, pathumnaah chuan Co-operation tihah hian MIFCO Chairman-ah ka lo awm ve tawh a, Cooperation hi engatinge ni, duh anga profit tura kan ngaih lain a profit theih loh tih hi kei ka hrethiam ve khatin ka hria a. A chhan chu MIFCO Chairman a ka awm lai khan Central atangin pawisa 50% min pe a, a dang 50% a hi chu Mizoram Sorkarin a matching contribution kan thawh tur a ni a. Mahse kan Sorkar hian a matching contribution lamah hian central in 50% min pek lain State Sorkar chuan kan pe thei ngai lo reng reng a, hei hi Cooperation profit tura kan beisei a profit theih lohna a ni. Tunah pawh kan Poultry te khu ran hrisel leh hrisel loh Doctor te netir a, Mizo mipui tena sa hrisel kan ei theihna tura khung kan Poultry te khu buatsaih a ni a, mahse Central chuan 50% a thawh turah 45% min pe tawh a. Tin, pakhat leh chu T. Vanlalruata a ni a, state sorkar hian 5% vel chauh ala pein ka hria a. Chuvangin, Cooperation reng reng hi engpawh nise profit tura kan duh anih chuan state sorkar hian kan ngai pawimawh tur a ni a. A matching contribution hi central in alo thawh anga keini pawhin a thawh tur min tih zat kan thawh ve a ngai ani tih kha kan sawi leh duh a.

Tin, Pu Speaker, a pathumnaah chuan hei a tawp lamah a nia khawngaihin. Power hi hei a connection kan pe a mahse a eng bawk silova. A englo man hi kan khawn leh si a. Hei hi a buaithlak khawp mai, ka bialah tephei chuan khi Chakhang te Zawngling te khi ala eng ngailo reng reng a, mahse, a connection fee, a enloh man fee kha thlatin an khawn bawk si a. A buaithlak lutuk a. Chuvangin, kan Minister hian min lo chhinchhiah sak sela, connection a eng kan pe thei silo anih chuan connection hi pe rihlo mai ang u. Tin, kan pe anih pawhin a englo anih pawan a enloh fee hi chu i khawn tawhlo hram ang u tih ka lo ngen duh bawk a ni. Pu Speaker, chu ah u a ni e, ka lawm e.

* Speech not corrected.

PU L.N.TLUANGA

: Pu Speaker, an khuaah chuan Rang-
va an sem ve a. Tichuan hmei-
thai tar ve tawh tak chu ka pi
i ta ve tur a awm e an han tih
pawhin a ring thei miah lova, Congress ka ni ve silova a ti
tlat mai a. A kailawnah tlangvalin a han dahthlap a ni. Ka
pi i ta tak tur a ni e, an han ti a. Tahchuanin hnukulh
teuhin lawmthu a sawi a. 'Hmangaihngailovi chu hmangaihi ka
ti ang'tih kha alo thleng ta a ni maw tiin a mittui a tla a
ni. Tahchuan bula mite chu a han en a, 'In pawl pawh ka ni
ve si lova, kei chu UPC chauh ka ni' tiin. 'Ka pi, pawl kan
sawilo a mamawh leh a dawng awmte hi kan Sorkar hian a pe
mai zawk a ni' an ti a, a lawm em em a ni. Heng Rangva te
leh thildang sem tur reng reng hi he Sorkar thar hian fair
tawk takin sem pawh nisela Congress ni lovin an dawng tur
chhung kum tam fe a awm tawh ang. Congress aia mamawh zawk
an tam tawh em a.

Pu Speaker, Rural Development
hi keini statechang nilovin India ramah pawh a har em em a.
Kum 50 liam ta chhunga India ramah mithiam tena an thlir let
pawhin an beidawng thawkhat a ni. Heng mihring siam kan tum
hnam hnufual leh mawl te hi thil kan pe tam a, kan dawn tir
tam em em a. Mahse a result tawpawh chuan kutdawh rilru kan
puttir a an ban tha kan tizawi vek an ti ringawt mai a ni.
Chumi avang chuan hei tihdan tur thar an han siam mek a. A
dawn mai mai hi a tawklo tih an hria a. Pek khawmin mi-
hring an dingchhuak dawnlo tih an hrechiang a ni. Kan Sor-
kar thar pawhin chu scheme thar chu a hmang dawn mek a.
Chutah chuan kan Minister te leh an Officer tinrengte hian
a awmia hria a, zirtir nen kalpui a ngai tak tak a. Heng
Rural Development kan tihte hi mipui in a zar an zo phak
ber, an hnimpak ber a ni. Chutah chuan a hmangtu te a tang-
a a hmandan tur leh a tih dan tur hria a kan kaihhruai a
ngai tak zet a ni. Dik tak chuan a tu te mah ka dem fal
bikah ngai lo ila, he Sorkar zahawm taka kan Minister, Spea-
ker lo ni tawh Upa Rokamlova chuan tun kum 15 vel liam ta
a han thlir a, vantlang hmaa a sawi ngam ngatah chuan Deve-
lopment sum kan tih hi 100-ah 20 in hna an thawk a ni. Tin,
a bula Officer chuan ngawi teh a zu zi 100-ah 90 a nilo maw
ala ti deuh deuh a. Chutianga kan lo khawsak rei avang
chuan kan ram hi a mualpho em em a ni. Kristian Bam nisi,
a mualpho em em a ni, a pawl lutuk. Hei an hmang sawi kher
chu a tullo mai thei a, kum nga kaltaah khan Bangalore-ah
Kristian Pawl hrang hrang inkhawmpui an siam a ni. Chuta
an subject pawimawh tak mai a chu Impact of Christianity in
the Society tih a ni. An han sawi tan dawn dek dek a, Chair-
man-in a han hawng a. Mahse Roman Father zahawm tawk tak
a lo ding chhuak a ngawi teh u Christian kan nihna hianin
result tha rah tha nei zia zang a ni hleinem mawle, Mizoram
khi India Rama Christian State awmchhun a ni a, Christian
ka nihna hian engtingge State dangah rah tha a chhuah theih
ang? India ram a State corrupt ber a ni si a, a rawn ti
tawpawh mai a. Mizo palai chuan thu an sawi ngam tawhlo a ni.
Chutianga nih avang chuan he kan Sorkar thar kalphunga kal
tur hi chuan hmeithai engmah dawng ve ngailo, a party pawh
a lang ve ngai miah lova kalphung thar anga Rangva an pek
ah tepawh khanin kalphung tharah chuanin dikna nen rinawmna
nen kal ila a thain ka ring.

Pu Speaker, hei Demand 47-naah hianin Industries kan hmu a. Zorama kan Industry hi a tlang-puih harsatna tam tak vangin a la hlawhtling lo hle a. Chutah chuan kan Industry -ah te hian mi tam tak ina kan chhawr theih tur carpentary tools tih te, thirdeng hmanrua te te kha sem te uar leh ta deuh ila, kha te kha mi tunina kan hman theih te a ni a. Chu chu kan ram hian kan mamawh hlein ka hria a. Tuman ansawi loh avang khan ka sawichhuah chak zawng tak a ni a. Hei dik takin Electricity leh Industry tehi kal kawp tur a ni a. Power tekan neih puitlin hunah Industry te kan din puitlin hun hi Mizoram kan puitlin hun tur a ni a. Demand thahnem awm fu fu te a awm a. Hengah hian kan Sorkar hian heng demand hmanga hna an thawh tak tak chuan ka beisei a sang viau a. Mipui hmangaihtu leh kal-phung thara ram kaihruai tu tur nei niin ka in hria a. Ka thla a muang viau a ni. Ka lawm e.

PU F.LAL THANZUALA

: Pu Speaker, tlem ka sawi ve teh ang. Kan ngaihtuah vang vang a, ka sawilo mai dawn em ni ang ka ti deuh va, mahse sawi ka thlang leh ta zawk a.

A hmasa berah chuan Demand 46-na, Electricity kha point khat lek sawi ve duh ka nei a. Hei Electric Department-ah pawh hna chi hrang hrang a awm a, a hnaah hian hlauhawm leh hlauhawm loh deuh te a awm a. Lineman ho dinmun hi a hlauhawm hle mai a, kan hriat angin an chesual fova, tam takin an thih phah tawh a, tam tak ramtuileilovin an awm a. Tuna hlawh lo chhuakah hian an nih tur ang nilo hlein an in hria a, ngenna tepawh an thehlut niin ka hria a. Hei hi kan Minister zahawm takin a ennawnpui turin ka ngen pui duh a. An dinmun hi a hlauhawm em avang hian he hna a lut tur hian qualification sang tehchiam ngailo mahsela, thihna leh nunna inkara leng reng mai, tihsual tuma khawlo thei vek mai an nih avang hian hemi point atang ringawt pawh hian an hlawh hi tha tawh taka siam hi an phuin ka hria a. Chu chu ka rawn sawi duh a.

Tin, pakhat lelah chuan Demand No.39, Soil & Water Conservation-ah hian kan Zoram leilung lei tha luangral nasa lutuk thin an sawi te hi a veiawm hlein ka hria a. He thil hi mipui vantlang in a kan hriat lemloh, ngawi renga nitin zantina kal reng mai a ni a, mipui vantlang thil hretlem zawk anga ngaih te bakah pawh a hre zawk awma ngaih tepawh hian hei hi ngaihpawimawh nachang kan hrelo hle a, chumi avang chuan Soil & Water Conservation a hmalak kan tumdan te pawh hi a la te hle a ni. Chuvang chuan kan Minister zahawm tak hi ka zawt duh a. Theih hram chuan tawngkam tam pawh a ni lovang a, helai kan ram leitha luangral thei hi engtin nge lo enfiah emaw lo chhut tawh dan an nei em? An lo nei chiahlo anih pawhin engemaw information atanga neihtepawh an nei ang a, hei

hi a pawimawh em avangin helai dinhmun hi House min hrilh turin ka duh a. Chuta tang chuan he thil serious zia tepawh kan hria ang a, nakin hun lokal chho turah pawh a pawimawh na dan ang hian sum leh pai dah tepawh kan tum phahin a rinawm a. Chu chu kan ngen duh bawk a.

Tin, Rural Development Demand 43-na hi tlem han sawi ve ila. Rangva chungchang thu leh DRDA chungchang engemaw kha a tam a, kan dawng velo chutiang khatiing tih kha a tam hle a. Khalam a kha chu sawi ka tum lo a ni. Ka sawi tum zawk chu Development thil a ni a, sum leh pai senralna tam tak hian kan zokhaw lam hi a developem tih hi ngaihtuah ngun a ngaiin ka hria a. Sum leh pai kha thawktute chu tutepawh hi ni phawt mai teh se. Duhthu sam ang anih loh pawhin kha pawisa khan hna a thawk leh thawh loh hi kan Minister zahawm tak hian Strict taka a en thain ka hria. A chhan chu Development nisi hei leh chen hi kan hmang a. Thingtlang khua hi eng ang em hian nge maw kan lo develop tawh tih en ta ila. A sum leh pai hmanraldan nen hian a inphulo lutuk a. Chu chauh chu ani lova. Khatiing sum leh pai thalo taka hman khan mihring rilruah corruption kha a siam ta a ni. Hnathawk lova sum lak luhnate a hming chauha han thawha hlawktak mai nih duhnate khatiing kha a zep lut nasa em em mai a. Taksa leh rilru hi a tichhia a, Rural Development nilo khan a Opposite daih khan a kal thei a ni. Development nilova, mihring tihchhiatna an Moral tihchhiatna kha khan a thlen thei. Chuvang chuan, hei hi kan Minister zahawm tak hian uluk leh zual sela ka duh a. Kan zin veivahnaah pawh Instance pek tur tam tak ka hria. Mahse, kha khan a tlangpui kha khai mai sela. Hei hi Development tak tak anih theih nana hma la turin ka ngen duh a ni. Chu chu tawk mai sela. Kan ngaihtuah vang vang a. Ka sawi dan tur tawk niin ka hria. Ka lawm e.

S P E A K E R : Pu Lalchamliana

PU LALCHAMLIANA : Pu Speaker, ka lawm e. District Council Demand No.31-na sawinaah khan kan Opposition Leader zahawm tak khan Chhimtuipuih inlakhran duhna rilru a awm a nia, Chuvangin, Sorkar hi fimkhur a ngai ania, ti ang zawnga a sawi kha ka thlawp em em mai a. Chuvangin, he Sorkar hian chutianga Mizoram atanga inlak hran duhna rilru a awm anih chuan kha kha theihpatawp chhuahin ngaihven se thain ka hria a. District Council chungchang hi ka hre tlem hle mai a. Assam a kan awm lai khan hei Mizoram tepawh Lushai Hills, Mizo District Council tihte a awm a. Meghalaya pawh Garo, Khasi tihte a awm a, hnam hming hian kan awm a. Sixth Scheduled Bung 20 na chang 3-na ah khan table a awm a, Part I ah khan Assam a District Council la awm chu The N.Cachar Hill District Council tih a ni ve tlat mai a. Hnam hmingin an vuah lo a ni. Tin, Table Part II (a) ah khan Tripura ah chuan Tripura Tribal Areas District Council tih a ni mai a. Khami han en khan hnam hminga District Council awm zela hi a tha em aw ?

tih te min ngaihtuah tir a. Mahsela a rawn sawitu pa khanin hnam hminga din zel kha a duh bawk si a, a ngaihna chu ka hre lo hle mai a.

maherawh chu, a thupui ber zawkah sawlaiah sawn inlakhnan duhna rilru a awm anih chuan hei hi vawiin niah hian kan Sorkarin ngaihven in bawhzui teh se. Tin, chutiang rilru a awm lohna tur chuan tih ka thlawp thu kan sawi anih chu Pu Speaker.

Tin, kan sawi leh duh chu Rural Development sum chungchangah mimal ten an lo ti a ni tih Saitual bialtu zahawm takin a sawi a, kha kha nichina South II bialtu zahawm takin a sawi angdeuh khan la thlitfim loh laite pawh hi a awm ni tur a ni a. Pathian leh mipuite zarah MLA kan han nih tirh ve khan B.D.C. ah ka telve. Chutah chuan Chhimluang atanga Chhimluangpui zau, EAS pawisa a laih tur Rs. nuai khat chu nikum September khan Vairengte pa pakhat chuan a zahve a la chhuak a, State Bank-ah a hmingin a dah ran mai a. Hei hi a hmang silo va tiin an sawi laih laih mai a. An han zawt chiang deuh va, an chhannaah chuan chunglam atanga 'hei hi lo pe rawh u' an tih a ni a. Tin, a hman tum dan lah chu 'Bulldozer ka hire dawn' a ti a. Amaherawh chu mipuite nawna avang leh kan BDO te, kan Officer te thahnemngaihna avangin a tawpah chuan mipui inhlawh fak nan an hmang ta hram niin ka hria.

Khatianga ang eng eng emaw la awm ve zeuh zeuh a kha kan Minister hian khawngaih takin lo en zui sela. Tin, a lehlamah chuan VDC te kha Sorkar tharin a siam tha ang an ti a, siamthat an tum a rem leh lova. Khatianga Development sum khawihitu VDC te an awm tak lohah chuan executing Agency-ah B.D.O. te an hmang a. An nin Official dang, V.L.W. kan tihte an lo hmang a. Khawimaw lai-ah chuan khawtlang hruaitu leh party hruaitute pawh an niang, Labour commander ang deuh te pawhin khang kha an lo hmang a ni mahna! Nichina South II bialtu zahawm tak Pu C.Sangzuala'n a sawi ang deuh khan R.D. atang hian Centrally sponsored scheme hnuaiah, hian pawisa tam zawk state matching share a hi tam deuh zawk dahbelh a ngai a ni tih hi kan thlawp ve leh a.

Tin, Demand 46-na hi tawite han sawi leh ka duh a. Member tam ber hian pawisa kan duh belh thu hi kan sawi a. Amaherawh chu a lakluh lam hi kan sawi uarlo hlein ka hria a. Tunah hian thurit kan sawi ang a, a harthlak lam, kan ngai thla thuak thuak tawh a. Power Tariff pawh tlemin tih san an tum leh a, ka hriat dan asual loh chuan power hi unit khat Rs.3/- chuangin kan la lut a. Chu chu Rs.1/- tling mang lovin kan lo chhi leh a. Unit khat zelah hian Rs.2 kan hloh a ni a, hei hi chu a, khawvel kalphung lo riau mai a. Mite thlawhha nei mang silova ei ve vek kan tum ang deuh hi a ni a. Chuvangin Power Tariff tih san tumna lo awm hi kei ka thlawp a, chumi atan chuan ka sawi fo tawh thin ang khan heng an senso atanga an hlawkna

....650/-

chu sawi loh an senso ang tal hi chu an rulh theihna tur ang zawng hi chuan Sorkar thar hian hma la sela, chu chu mitin hian thlawp ila a tul hian ka hria.

Tin, a dawtah chuan Mini Hydel Project chungchang hi a ni a, kei a hlawklo hi ka ti em em mai a. Hei C.A.G. Report-ah khan kan hmu a- Maicham Mini-Hydel Project, hman deuh hlek a an siam tawh crore 4.94 estimate a kha an han Revised ta a. Crore 11.06 ah an revised ta a. Revision hi chu a awmfo thin a, a hriatthiam thei. Mahse chu pawh chu Rs. nuai 54 in an la exceed. Chumi a hmanah chuan 2mg.wt pechhuak thei tur 1998 inkar pawh khan kumtincheng vaibelchhe khat leh maktaduai thum leh nuai khat kha kan lost a ni, tih kha CAG Report khan chiang takin a tarlang a ni. Hei Budget Bu hi kan en a, hma thar lakna tur chu awm lem chuan ka hre lova. Amaherawh chu tum hma atanga an tih tawh sa, i veilam a thu ten an chhuan viau a kha chu hei ala lang teng teng a, heng bak a hi chu Pu Speaker, khawngaih takin he Sorkar hi chuan mini lamah hi chuan hma ala lo thei tawh lawm ni \$ tih kha wawiin niah hian ngenna ka siam leh duh a. Chuvang chuan hetiang zawng-ah hian kan rilru a tharin ngaihtuahna nei ta ila. Keimah ni atanga kan thawhchhuah kan neih loh kan leiha na na kha chu a leina man te hi chu chawi ve ila tih zawngte khan ngaihtuahna siam ila thain ka hria.

Tin, Pu Speaker, i veilama thute kha, rangva sem chungchangah khan inlungruah deuh sela thain ka hre khawp mai a. An in lungruah lohna chu a thenin Sorkar lai MPC tan an dilpui a, a thenin Congress tan khan an dilpui ve bawk a. Ka hmaah thiam takin an sawi tawh a. Hei a dik tak chuan tu te emaw hi chu kum 10 lai an Sorkar tawh a ni. Kum 10 chung a a pheh hma lama hawrawp-pui a ziak kha, kum sawm chung kha chuan an dawngfai tawh khan ka hre deuh hlek a.

Tin, a reng reng thuah Pu Speaker, thufing pakhat a awm ve a. 'All man are equal, but some are more equal than the others' tih a awm a. Rangva dawng tur, rangva dawng tlak rethei rau rauah khanin Sorkar dinglalin rethei bika tih kha chu an awm a ni tih kha, wawiin niah hian kan sawilang ve duh a ni. Ka lawm e.

S P E A K E R : Hei kan Minister te wind up tir tum tawh mai ila, Mahse Dar 4 khi kan hun tawp hun a ni a. An hun an hmang laklawh dawn si a. Chuan an zawh hun hunah hun hi pawtsei mai ila. Member ten rem in ti em? Nge ni chawlh leh te kan duh a, wind up tlang tur hian tunah chuan ko lo law law mai ila, laklawh lai a han tawp kha a hreawm awm si a. Chawlhma mai zawk ila Dar 4:20 khian kan lut thei angemaw chu le? Dar 4:20-ah luh leh i tum ang a w. Chawl zawk ila.

S P E A K E R : Pu Lalhmingthanga, Deputy Chief Minister a demand te wind up turin sawm ila, House pawmpuina han dil nghal bawk sela.

PU LALHMINGTHANGA : Pu Speaker, ka lawm e. Hun min
DY.CHIEF MINISTER pek avangin. Hei ka Demand hi Department hrang hrang pathum a ni a. Vawiinah hian a lawmawm

ka ti hle a, he kan discussion-ah hian Member 17-in heng Department hrang hrang te hi in rawn sawi a. Mahse biala harsatna te leh ram pum anga kan harsatna in rawn sawi te ang kha Minister ang leh a Sorkar ang pawhin kan tan a bengvar thlak in, hmalak dan tur kawngah tepawh min hifingin, mipui duhdan tepawh min hriattir a. Chuvang chuan a hmasa berah chuan heta kan Member zahawm tak takte thu rawn sawi tu zawng zawngte lawmthu kan hrih duh phawt che u a ni.

Hun rei tak hman loh ka tum ang a, sawi dawn chuan sawi tur a tam em em mai a. A hmasa berah chuan, Demand No.46-na Power & Electricity-ah hian kan kal lut phawt ang a. Member hrang hrang te amal te te a khami sawi chu khatiang ani a, kan tih dawn chuan Member 17 in in sawi si a, hun a duhrei lutuk dawn a, chuvang chuan Member mal hming kha ka rawn sawi tam lo mai ang a, chu chuan ka ngaipawimawh lo tihna ni lovin, helaiah hian in point sawi kha chu uluk taka ka chhinchhiah a. A tlangpuiin thenkhat Member te thusawi atanga clarify ngaiah kan lut hmasa phawt ang a. A hmasa berah chuan, Sorkar a han inthlak a, tichuan Sorkar a hna inthlak hianin programme kal tumdan pawh hi a inthlak ve fo thin a. Chu chu a Chiang a, democracy kalhman dik tak a ni a. Ngun taka lo ngaithlak in heng kan Opposition Member te duhthawhna leh Sorkar kalphung han khalhngil an tumna, an sawi ang ho tam tak a kha tuna Sorkar thar hian thla 7 kan hmang tan chauh a ni a. Khangah khan a mawh tam tak a kha chu kan la hman lo a ni. Thil tam tak an rawn sawi a kha Pu Speaker, Sorkar hmasa kalta a thil loawm tawh te a ni tlangpui a. Engpawh nise, hetah hian tuna Sorkar MPC, MNF inkawpin a kan han siamah hian kan rilru-a lian ber chu Sorkar hmasa ten thil an lo tih tawh reng reng a kha kan ram leh hnam tana thil tha anih phawt chuan, chhunzawm leh ngei kan tum tlat a. Hei hi chu keini tih ani love tih avanga va hnawl emaw, va pah emaw kha kan tum a ni lo tih kha kan chian a tul a.

Tichuan, Electric chungchang thuah hian kan hre theuh ve, sawi nawn pawh pawh ngai lovin. Tublai khawvelah chuan hei hi Ram thanna atana a rahbi lian ani tih pawh kan hretlang theuh a ni. Amaherawh chu kan Sorkar hmasa leh tuna Sorkar dinglai kaldan a inan lohna tlem te hi a awm a. Kan Sorkar hmasa kha chuanin he Electric chungchang thuah hian, a state Sorkarina mawh lian tak zuk la a, State factor Project liante siam a tum lem lova. Tichuan kan rama a project lian tha tha awm hova hi chu State pawisa sum renna atan tepawh a ni ang a. Central lamah hnawhlam zela, chutiang anga kalpui chu a tum a ni a.

A Chiang em em a. Chutah chuan, hei, a Hydel project lian deuh hlek a kha chu Tuirial te leh Tuivai detail project report awm hmasa thei atepawh hi Central factor-ah a pe mai a. Amaherawh chu tuna State Sorkar thar hi chuan MNF leh MPC inkawp hi chuan Central factor hi kan ramah hian state-ah hian awm hi kan hnial chuang hauh lova. Amaherawh chu, thutih rual chuan central factor aia tam zawk leh lian zawka hi keimahni ram ro atan thangthar lo lian zel tepawhin hnathawh tur employment values te an neih theih natur leh, kan ram luite atang leh thildang atanga kan Power siamchhuah hi a chahbi kan kawl kan duh avangin, chulaiah chuan policy thilah kan in ang ta lo a. Tichuan Central factor-a an lo siam tawhna Tuirial leh Tuivai te hi chu va tidanglam chuang lovin State factor atan hian heng kan rama Project awm thei Tlawng, Bairabi Hydel Project te, tin, Mat te, Chhimituipui phei chuan megawatt 100 te, tin Chhimituipui Kawlchaw buala khuahna tur mage watt 300 tih ang te, tin, heng Tuivawl, Tuivai tih angte, a zavaia han belkhawm a mega watt 500, 600 chho hi keimahni lamah awm selang tiin tunah hian rilru kan pu a. Tichuan Central factor-ah chuan Tuivai megawatt 210 an lo pek tawh a leh Tuirial W.W. 60, MW270 vela hi chu Central hianin an khuap thei ve tho ang a. A hlawhtling ve ve kan awm chho ang a. Central Sector awm miahlo kha thil tha pawh anih bik chuan loh avangin, ti hian hma kan han la chho ta a. Central Sorkar khuan hei India ram hmarchhakah remna awmna chhun anih avangin, midangte thik phak khawpa development siam a duh a, a ngaipawimawh viau a. Nikum December Ministry kan han form atang khan tum li central sorkar hian meeting min neih pui tawh a, a lawmawm em em mai a. Chuta kan dinhmun te chu ka sawi nual nual tawh anih kha. Chutah chuan Bairabi hi Central atangin Plan Assesment min phalsakin keimahni sector-ah min phalsak a. Tin, Mat-Chhimituipui Phase-I hi Joint Sector atan min phalsak a, NEEPCO nena inkawp turin min phalsak a, NEEPCO nen a inkawp turin min ti a, tunah kawng kan dap mek a. Chhimituipui Phase-II, Kawlchaw hmuna khuah tur saw Joint Sector in min phal sak a. Hemi pathum hi a zavaia kan han dahkhawm chuan MW 475 aia tlemlo a ni chho ta a. Tunah hian Tuivawl, Tuirini te kan bei chho leh mek ani.

Tin, Sorkar hmasain a lo beih mek Mini-Hydel Project, Tairei leh Tuipang lui leh Kau-Tlabung te hi peih lek lek tawhin Sorkar hmasa khan a kalsan a ni a. Peihchhuah tumin tunah hian kan bei mek a. Election siam leh nilo sela chuan vote thlak hma hian a then hi chu rawn zawh pawh kan inbeisei a. Amaherawhchu, Model Code of Conduct hian election vote thlak hnuah te lo chuan, kan hawng mai thei bik lovang a, khang te kha Sorkar hmasa thiltih kan chhunzawm chu a ni a.

Tin, Electric dinhmun tihthat thutna kawng hi thla 4/5 kum 2/1 ah emaw tih mai theih chi awzawng ani lova. Tuna kan dinhmun hi chu fur ruahtui alo tla ta a, tichuan pawn lam atanga kan lak luhna te khan min rawn pe tha thei ta deuh a. Tin, keimahni Mizoram chhunga Mini Hydel Project te thal laia khawl tlan thei lova tepawh kha alo tlan ve leh thei ta a. Chutiang chuan kan Power Supply te chu tun hma aiin alo tha leh deuh thin a ni.

Tin, hetah hian uluk deuh zawka kan han tihtheih a hi chu mumal taka sem darh danah hian uluk leh hah taka thawk a sem darh dan kawng hi kan ngaihtuah a, tichuan hman April/May thla chhova chhe em a kha chu a ziaawm ta deuh a ni. Amaherawh chu hengah hian thil thar a rawn awmbelh a ni chuang lova, chumikhawvel a kal chu theihtawp chhuahna nen a ziaawm ta deuh a ni. Tichuan khang Project Central Sorkar-in a Joint Venture te State venture tura min han phal te kha detail Project Report hi la peih loh anih avangin, a pawisa chungchang thuah Planning Commission lamah te engmah Project kan la siam thei lova. Chutihlai chuan khang khan kum 7/8 te duh tur anih avangin kan Power Supply dinhmun hi tlema ziaawm theihna turin hma kan lak dan a chu hetiang hi a ni a. Tuna Mini Hydel Project pathum kan han sawi taka te kha kan peih theih chuan, fur laia 3MW pechhuak theuh thei tur te an ni a, chu chu a rawn function chuan 9MW ni thei turah kan inbeisei a ni. Thalah chuan kha pawh kha a tlahniam leh tho ang, a ngaihna a awm chuang tlat lo a ni.

Tahchuan nichinah Member zahawm tak te Serchhip bialtu te leh mi dang dang pawhin an rawn zawh a kha, kan lehkhabu kha in en chuanin, 'Coal based Thermal project at Bairabi' tia tuna kan demand-ah kha chuan in ziak a ni a. Amaherawh chu khami kan ziak hunlaia kha hun kal tawh deuh hlek a ni a, uluk zawkin kan han thlir ta a. Furnance Oil heavy oil based thermal project megawatt 20 siam hi a theihin kan hre ta a. Feasibility report te buatsaih peih a ni tawh a, tunah hian detail project report buatsaih mek a ni a. Bairabi rail station bulah khuan chu chu buatsaih tum a ni a. Tunah hian Prime Minister Aizawla a rawn kal a crore 50 non-lapseable pool fund atanga kan state Sorkar a rawn pek zingah khan Planning Department leh kan Chief Minister distribution alo nita a. Khami 50 zinga mi kha chu 10crore min earmark sak a. Hei hian hemi Thermal project a hi chu thawh chhoh kan tum a ni. Chuan a cost tur a hi 84 crore a ni a. Kum hnih emaw kum hnih leh a chanva chhunga tihpuitlin kan tum a, chumi chu a rawn inbelh theih chuan tah khan base load 20 magawatt neih belh theih kan in ring a.

Tin, a dagg lehah chuan hma kan han lak leh a chu, Member tepawhin nichinah in han zawh zawk kha, Serlui 'B' kha kan han ti nung leh ta a. Member tam takin an zawhna ang khan kha kha eng vanga abandon nge ni tih a ni a. Engzat ngeni khatah khan pawisa hman ral tawh tih zawhna te kha a awm a, kha kha han chhang nghal mai ila. Abandon anihna chhan kha tender chhangtu contractor te kha court-ah an in tibuai a, a in khang ta chiam a. Tichuan kum engngemaw zat delay alo nita a. Court-in thu an rem kha chuanin a hmu tur zawk pawh khan a interest tawh si lova. Chuvangin an han abandon niin a lang deuh ber a, lehkhabu-ah khang bak kha hmuh tur a awm biklo. Abandoned a ni tiin cabinet-in a abandon mai a ni. Work shed tih te, Quarter tih te chutiang sak nana an lo hmang-ral tawh kha cheng vaibelchhe nga leh nuai sawmli leh pahnih niin ka hria a. Chutiang vel chu hmanral a ni a,

Amaherawh chu, hei hi kan rama reserve wire tyre mini-hydel project kan neih ve theih chhun a nih avangin, kan ennawn leh ta a. Cabinet in a revised a a ti nung leh a. Tichuan dependability percent kha chiang zawka kan hmuh thiam tak avangin revised estimate kan siam a. 9MW kha MW 12-ah a chho ta a. Chuta tan chuan tunah hian sum kan lawngmek a. Source thum laiah kan zawng a, kan annual plan-ah hian kan la khung ngam rih lova. Hei hi kan tih tluan theih chuan kum thum kum liah kan tihpuitlin theih ka ring a. Chumi alo puitlin chuan bare load 12 MW dang kan neihbelh dawn a, chuta 20 thermal project nen chumi nen chuan 32 alo ni ang a. Tuna Mini-Hydel project pathum awm hi pakhua alo nih a, chuti alo nih chuan 41 velin kum 3,4,5, chung hi chuan in kan increase ve theih kan beisei. Khamg aia rang kawng kha chu avang viau a.

Tin, diesel set hi in bunbelh dawn em ? tih laia kha, bunbelh tur leh tur loh hi kan hisap nasa khawp mai a, diesel hi a to em em tawh a. Entiran, Power station hi 22 kan nei a. Nikumah pawh khan Non-plan lam atangien diesel leina tur kan neih loh avangin nuai 30-in plan fund in engine kan run-na tur hi lei a ngai tawh a. Ghuvangin bunbelh leh ngam hi a har viau a ni. Diesel aia kan tih tak zawk chu Bairabi a Maga watt 20 Oil furnace oil-ah thermal project siam kan tum hi a ni ta phawt a ni. Amaherawh chu, kan buh miah lovang tih a sawi theih loh. Pawisa kan neih dan azirin Diesel tepawh a tul chuan kan ngaihtuah chhoh ang chu. Mahse tunah chuan kan target no. 1 chu a ni lo anih chu.

Tin, hemi rural electrification chungchang thu ah hian hmala tha pawl tak kan ni awm e. Keini hi chuan va electrified pawh kan nei leh chuang lova. Mahse, tun dinhmunah chuan Electric pek loh hi khawtlem te chuah a ni tawh a. Tah hian kan tih mak mawh a chu, hemi kan hruizam tawh a hi permanent asset kan neih a ni a. Technology thar a rawn chhuak chho zel a. Metre kalhmang te leh thil chi hrang hrang ala improve dan tur te, chutiang ang chu kan beih chhoh zel angai ta a. Chhe lova kan siam a ngai a. Tahchuan, engemaw Sorkar-ah plan kan siam a, tun 9th Plan chhunga kum 3 la awm ah hian, crore 61 vel plan kan siam a. Central Sorkar hian min accept sak a. Non-lapsible post fund atang thoin hei hi kan dil a ni. Kan state plan pawnah kumin atana min han ear-mark sak hi election hian a rawn khuh leh ta a. Tlang mai tawh tura kan ngaih kha tah hian a tlang ta mai rih lova. Eng ang nge a rawn kalhmang tur kan hrelo. Kha khan in a hming atan chuan hei hi improvement and re-organisation obstruct transmission system tiin kan ko mai a. Chu chuan a Line lian deuh 11KV, 33 KV te, 133 KV te, LP Line, North transmission line kan tih ang zawng zawng a sub-station te nen hian a huam chho vek a ni. Iikhan han sawi ta ila, kan programme highlight hi a tha awm mange kan ti deuh a ni. Chipchiar taka sawi chuan member te an hah tawh a. Ka kal pawr pawr ang nga, point thenkhat member zahawm tak ten an rawn sawi a kha kan clarify lawk ang nga. Sorkar hmasdah khan pawnlam atanga power leina man hi be rochun ala awm em ? tih member zahawm tak, Ratu bial atanga zawhna kan chhang ang a. Pawnlam atanga power kan lak luhna hi Manipur atang khian

Loktak project khi NHPC ta a ni a, khita tang khian kan la lut a. Tin, Kopuli luhah khuanin Thandong leh Umrangbuh centre sector micro project a awm a, kan la lut ve ve a. Tin, Assam atang khuan Assam Bar Project an ti a. Chuta tang chuan kan la lut bawk a. Tin, Tripura-ah hianin power project pakhat kan nei ve a. Chu chu tehkhin nan kan sawi thiin a. Mizoram a dil lian ber chu Rih Dil a ni a. Burma ramah a awm tih ang deuh hlek hian, Mizoram ina power project kan neih len ve deuh ber a hi Gas base project a ni a, Tripura-ah khuan Rokhia-ah a awm a. Hei hi Mega watt 8 keimahni ta a awm a ni. Hmana Power Minister ka nih hmasak laia hma kan lak chhohna leh, a hnulama Ministry-in a rawn chhunzawm chhohnaah khan, N.E.Council through hian kan state ta a ni ve tlat a ni. Chu chu Mizorama power project lian ber chu megawatt 8 a ni a. Tripura-ah a awm tih ve theih anih chu ! Chuta tang chuan kan la lut bawk a.

Tin, khang ho kha pawnlam atanga kan lak luh a ni a. Aman kan chawi dan a hi a tlangpuin Central Sector MIFCO ina Khanlung leh Umnangsung kan tih mai atanga kan lak leh NHPC Central Sector, Manipur, Loktak atanga kan lak te a ni a. Khang bakah khan National grid atang hianin a lakluh man hi kan chawi a. Chutiang chu Sorkar thar kan han siam khan vaibelchhe 29 sorkar hmasa khan min kalsan a. Tunah hian hei hi kan la rul thei meuh lo a ni. Pawise harsatna avangin kuminah pawh hian hetiang lei-na tur hi ti mai ila Rs. 10 crore chiah a awm a, kan demand kha han en ula. He 10 crore hi rulh nan hmang pawh ni ila, pek chawp tur han nei dawn mang silova, tunah hian kan Sorkar hian Central Sorkar-a liabilities clear-na tur kan dil, 'Peace Bonue' kan tihah hian hengho hi kan telh a. Tichuan, a zavaia Power Sector a Sorkar hmasain leiba min hnutchhiah hi 43 crore chu Central Sorkar-ah kan dil mek a ni. Chuti-ang khawp chuan Power Department hi kan dinmun hi a chhe deuh bik a. Kha kha kan clarify lawk a ni.

Tin, Darlawn Sub-B tation chung-chang thu kha-Proposal tunah hian a kal mek a. 33KV level tura buatsaih a ni a. Tin, Darlawn atan hian tunah hian Saitual-Darlawn 133 KV Transmission line kumina kan work programme ah hian a tel nghe nghe a. Khilam areaiah harsatna an tawh khi kan hria a. Bialtu tena an rawn sawi leh member zahawm tak ten an sawi ang khan, improve kan tum a. Mahse heng pawh hi thawklehkhat a tih chuk chuk theih a ni lova. Tin, a piahlam deuh kan va thlir chuan, Ratu constituency te chu demand area aawm avang khan operation neih chhung khan electrified village tepawh kha eng eng emaw harsatna a lo awm a. Kan lehkhawbuh electrified tawh angin lang mahse, eng theilo leh tuna tiy nawn leh ngai tam tak a awm a. Bialtuin a a rawn sawi khilai Mauchar, Vaitin leh khaw hrang hrang pawh kha hma chhoh tum a tunah hianin, ke chheh mek a ni tih kan sawi nghal duh bawk a ni.

....656/-

Ti, a dang leha chuanin Darlawn power house khi a khawl pathum awm a khi repair thain han siamchho mah ila. Tuna kan record-ah chuan khilai Darlawn pheii area piallam, Sakawdar leh Ratw piallamin a a nitin mamawh khi Megawatt 1.25 a ni hrim hrim mai a. Darlawn Power House hi function mahse a daih lova, kan tum dan chuan grid power a hei hi connect that a pek kan tum a ni. Tin, Mualthuam Power House-ah khan khawl pathum a awm a, kilowatt 56 te, kilowatt 250 leh kilowatt 100 te. Hengho hi a hlui tawh deuh hlek avangin pakhat chauh hian a function thei a, khar kan tum lova, amaherawh chu repairna hi kan ramachhungah ngei awm se tih hi han sawi chhina hi kan duh dan chiaa a ni a. Mahse, heng hi hna hautak deuh tak a ni a. Technically- a competent nih a ngai a. Kan tum bera pawh Local Firm-in heng Transformer Repair-te leh thildang reng reng hi ti thei se kan duh a. Ghuta tan chuan mihring encourage tur kan zawng reng a ni. Departmental workshop ang hi chuan hetiang tih hi a hlawk lova. Chuvangin, Private Firm-in heng hi ti thei se kan duh a. Kha kha kan sawilang duh a.

Tin, Serchhip bial-tu sawi kha Inspectorate chungchang hi a pawimawh a. Kan Sorkar hmasa leh an Party te hi kan unau congress lamte hi Party hlun tawh leh India ramah chuan thil engkim thiam an ni a. Internal wiring tih thina hi awmahni hunlai kum 15 chung vel khan heti hian an ti bawrh bawrh mai a. Licence engmah an sawi chuang lo Sorkarna thar kan han neih veleh hian tute emaw Court-ah Sorkar hi an khin tir a. Khatiang ti ve thei lo khan min dah leh hlauh a. Khang kha Political Tactic tepawh ni ve deuhah kei ka ngai a. Mahse, engpawh lo nise a chhe zawngin chung chu kan la lem lova. Keimahniah hian improve a ngai ani kan ti a. Electrical Inspectorate hi tunah hian a rang thei ang bera din kan buatsaih chho ta a. Hemi Inspectorate hi kan han siam chuk chukah hian E.E.MRT hi Inspector atan kan vuah Non-Plan lamah tepawisa a harsat si avang hian DP&AR ah uluk takin thiltih alo ngai a. Planning-ah Finance-ah pawisa ren alo ngai a. Board thar han create a khatiang ti tur chuan kan pawisa dinmun in a zir a kan hriat loh avangin kan Division pakhat chu hetiang zawng hianin divert ta ila tiin tunah hian proposal siam mek a ni a, chu chu a kalchhoh theih chuan licensing tepawh hi rules te kan siam a, law-ah vet turin kan pelut a, chuan heng hi tun atanga reiloteah peih tura ngaih a ni.

Hei a chak thei ang bera hmalak turin Sorkarin factory chu kan din chho a, tun atanga rei vak lovah hianin licence te kan pechhuak ang a. Licensing Regulation Rules hi kan peih tunah chuanin chihnihin licence hi a chhuak thei a. Entiran, workman licence a awm thei a. Ramdang ringa awm renga hi thil fel a nilova. Chuvangin, henglaia hi that phah zawk nan hman kan tum anih chu.

Tin, Power chungchang thua complaint tam em em mai pakhat chu a hrui khuaah in rawn zam lut a, eng a rawn kal thei silova, tah chuan en loh man kan pe a ni, tih hi hmun tunah complaint a ni. Hetia han ngaih mai hi chuan enloh man kan chawi tih mai kha a awm viau a. Amaherawh chu a Department lam atang chuan Power &

Electricity Department hi Parliament **Act** mumal tak innghat kan ni a. Chumi dungzui zela thawk chu kan ni a. Transmission Line kan han siam ta a, a lian atangin Sub-Station-ah kan han dah thla a. Chuta tang chuan a te deuh ah kan kal leh a. Tichuan khua kan va pek dawn ah te hi chuan 11Kv kan han pe ta a. Khua kan thlen hnuah Sub-Station ah kan lut a. Chuta tang chuan L.T. Transmission Line-ah, Khawlai-ah kan han zawm a. Chutatangin House connection hi a kal ta a ni. Khami pumpuia kha Sorkar tar hian, ram leh hnam tan hian permanent asset a ni a. Hei hi permanent asset-a puan vek tawh Governor hminga Gazette pawh chhuah vek tawh a ni. Chumi tak chu maintain reng a ngai a. A maintain nan khan work charge hman a ngai a. Petrol hman a ngai a, a material kha a lo chhiat chuan kan thlak alo ngai a. Chutiang chuan expenditure hi a awm reng a. A eng emaw englc emaw.

Motor kawngpuiah hian Motor tlanlo mahsela, maintain a ngai tlat ang hian, khami maintenance minimum charge chu a **Act** hian a kengtel ve a. Chuvang chuan kha connection kha hlih anih lohva connection anih tlat si chuan, chumi an peklo dawngtu chuan chawi ve kha a ngai ta a ni. Chutilai tak chu a ni mipuiin an hriat thiam loh thin chu. Amaherawh chu heng zawng zawng hi a bo theihna tur chuan tunah hian theih tawp kan chhuah a. Hei tih dan thar deuh hlek in in kal teh ang, tia an puang thin ang hian, kan paper chhu chi ho hnenah hi chuan nizam lama, kan power supply dinhmun a hi i tarlang zel teh ang kan ti a. Chutiang chuan mipui hnenah hian theih tawp chhuahin kan dinhmun hi transparent takin kan neih tam leh kan neih tam loh te hi kan tarlang ta a. A energy a eng man hrim hrim a hi kan va khawn ber a hi a nilova. Hemi permanent asset Sorkar-in a a neih chumi lo zarzo ve tur, nakinah power te ala awm ang a, chungah chuan tunah eng tha thei lo mah ilangin kha chhungkaw tan kha chuan Ro anih ve tlat avangin chumi man tuak a chu minimum charge a hi hriatthiam loh lai deuh hlek a ni a. Hei hi min sawifiah sak thin tur pawhin kan ngen duh che u a ni. Kha kha power dinhmun chu ni ta sela.

A pahnihnaah hian Industry hi sawi leh ta ila, Industries hia wing a tam em em mai a, sawi rei palh a awl leh dawn a. Kan Budget hi in zuk en chuan, tunah pawh khan in hmu ang a. Crore 11 chauh a ni a. Entirnan corporation hi member ten in han sawi thliah thliah ang khan Industries hnuaiiah hian Zenics te MIFCO te ZOHANCO te an awm ta a. K.V.I. erawh hi chu corporation-ah hian a chhiar theih miah loh va. Hei hi **Parliament Act**-ah a in ngha t a. Statutory Body a ni a, amaherawhchu, hei hi Industries hnuaiiah hian dah a ni ta hlawm a. Chung ho hrang hrang tan chuanin sum leh pai duhthawh ana hle a. Khatihlai khan a leh lamah chuan Geology & Mining Wing te kan han nei ta a. Tin, khatih lai khan, a lehlamah chuan hei Electronic Wing te kan han siam thar ve leh ta a. Kan kalpui pang-ngai pawh kha a la awm bawk a. Industries **tam** tak alo awm ta bawk a, sum leh pai indaih loh hi a na hle a ni. Amaherawh du, chuti chung chung chuanin hma lak chhoh zel kan tum a. Industry tello hi chuan ram

hmel a danglam theilo hrim hrim a. Khawvel history kan en let chuan 1766 kum kha engatinge khawvel pumpui history-ah hian landmark anih kan tih chuan, khami kum atang khan Industrial Revolution hi a intan vang a ni a. Khami kum atang khan Industry-ah hian khawvelin hma a sawn chho zel a, a hma lam kha chuan handlooms te an hmuhchhuah a Industry siam anih hma kha chuan, khawvel pumpui mihring nun hi a rethei em em mai a ni. Rethaihna hnuaiah kan kum-a ram hmel a danglam thei lova. Chuta tang chuan tunah ram hmel a danglam tawh hle a, tunah phei chuan Electronic Industry-ah te kan lut ta a ni. Chutiang baw k chuan Mizoramah pawh hianin Industry chi hrang hrang atanga kan hmel alo danglam theihna tur kawng hi dap kan tum a. Tahchuan, Member zahawm tak tak ten inrawn sawi a kha cooperated body ho a pawh hi an dinhmun tih that a ngai ani tih pawh kha kan pawm em em a. Tunah hian tumkhat chu Co-operation hote nen discussion kan nei a. Kan Sorkar-in tuna tih a tum lai mek a hi chu kan aia kal hmasa tawh atang te hianin finna zir a ngaih avangin, kan Scheme tha tak rua l in heng hrang hranga hi promote chhoh dan tur hma kan la dawn a ni. Tin, hetih lai hianin a mipui lampang pawh hianin ngaihtuah dan thar ka neih a ngai khawp mai a. Entir nan, ZIDCO te chu Industry field chi hrang hrang a din theihna atana loan pe tu alo nita a, a mipui lam loan la tute hian kan rulh that ve leh a ngai a. Tunah hian ka hriat soal loh chuan hei Chairman zahawm tak Bilkhawthlir bialtu a awm a. Crore 36 vel mipui lam atanga hmuh loh hi a awm a, chu chuan harsatna hi min siam sak nasa em em mai a. Chutiang chiah chuan K.V.I. te pawh hi loan pe chhuak tu an ni a. A rulh leh lam hi tan kan lak a ngai a ni. Nikum lam leh a hma lama rulh dan te a that tawh vek loh avangin loan pekchhuah tur minrawn pe tam tawh thei lova. Hmanni te khan Board Chairman, Member zahawm tak Lunglei South Bialtu leh Chief Minister te nen commission kan zuk kal chilh a, chutah chuan kumina kan Budget hi chu pawisa sen pakhat pawh cut lovin Rs.10,26,90,000/- min sanction sak nghal a. Kumin hi chuan tlemin kan ziaawm chho deuh a, K.V.I, ah hian, Chutiang chuan hengah hian a Sorkar lam leh a Corporate lam ten tan kan lak rualin mipui lama tan kan lak a, rilru thar a thil kan tih a pawimawh a. Heng kan tih that hian a chhawrtu kan ni a, kan tihthat loh hian keimahnivek hi a tuar tur kan ni sei a. Kan rilru a awm dan phei chuan Chairman te nena meeting kan neih khan loan rulh that hi inzirtirila, kan Kohhran hrang hrangte te, Voluntary Organisation hrang hrang LIC te nen tangrual tlangin, Moral-grants heti zawng hian kan Ram leh Hnam ah neih nise kan ti a, chumi programme chu tun atanga rei vak lovah hian kan larawn tihchhuah theih kan beisei a. Chutah chuan Kohhran hrang hrang te leh Voluntary Organisation hrang hrang engtirnan, Central Y.M.A. lam zawng zawng te MHIP Branch zawng zawng te, Farmers Association, Industrial Association te, Chamber of Commerce te hmanga inzirtirna kan ramah nei thar turin kan inngen nghal duh baw k a ni. Thil chi hrang hrang sawi dawn chuan a tam viau a, a zavaia kan clarify dawn chuan hun a duh rei ang a. Zuangtui Estate-ah sawn Industrial Unit ding thei Member pakhat rawn sawi ang khan 50% sawn chu sick unit a ni chiah reng a ni. Chu chu kan hmu a. Keini tan hianin tunah Sorkarin ngaihtuahna a deng mek a. Mithiam zawkte rawn, tin, a tul chuanin entrepreneur development programme tepawh tunah hianin kan

siam chho dawn a. Chutiang chuanin sick unit tepawh hi tih-dan turin kan beichho mek a ni.

Tin, Luangmuala hemi Industrial youth centre kan han tiab khuanin central special package ah rawn announce tawh a ni a. Sukhla Commission tepawh kha an nemnghet a. Deve Gowada Prime Minister anih lai tawha an ram announced kha a ni a. Tah hianin Rs.15crore leh 25 lakhs pawisa a awm a. Rs.50 lakhs hi an rawn release tawh a. Hei hi la hman loh a ni a. A hman theih lawk lohna chhan chu implementing department tura kha Sorkar hmasa khan alo ruahman fel lova.

Tin, chubakah enforcement committee a din lo bawk a. Chu chu hmanni mai khan dinthar a ni a. Implementing Department atan hian Industry Department ruat a ni a. Tichuan enforcement Committee ah chuanin Chief Secretary Chairman-na hnuaiah mumal takin Governor-in hei hi a construct tawh a. Tichuan hemi growth centre-a hi hnathawk theia kan siam theih kan beisei a.

Tin, hmanni khan kan Director a hmunah a zuk kal a. A ram khutilai lo neih dana kha a Chiangkuang tawk lo deuh hlek nge ni, a lai velah khan private possession thenkhat leh object-in awmin an sawi a. Chungte chu enchian leh deuh te a ngai ang a. Chutiang chuanin hetah hianin hmalak mek a ni.

Tin, Industrial policy kha member zahawm takte khan an rawn sawi a. Keimahni state act tepawh hi a siam ve theih lawm ni ? tih ang rawtna tepawh a rawn awm a. Anaherawhchu a Act chungchang thua hianin India ram pumpua Industries min kaihruiatu hi chu Parliament Act a ni a. Chumi Industrial Development & Regulation Act, 1956 in min kaihrui a. Tichuan, zone-in India hman hrang hrang hi min then a, N.E.Zone-ah hianin policy hranpa keimahni Social Edonomic Back-lock te nena inhmeh awm a an ngaih hi an siamchhuak a.

Tin, a state hian Industrial Policy kan nei ve thei tho va. Min khaitu ber chu Parliament Act-a kha a ni a. Tichuan khami kan han sawi Maxi kan tih mai in a a zone thilah N.E.Zone-ah 20 crores hi khatiang a-tana ruahman a ni a. Member zahawm takin a Ratu bialtuin a rawn sawi chhuah pawh kha a dik chiah a. Tin, kan ramah hian Bamboo cane Industry hi siamchhoh nise kan ti a. Mau hian specis hi replace ta ulangin, hei Maurua ang hian plantation te bei ula ti ang zawng deuh hlek tepawh khan a sawi a. Mahse a replacement kha kan rilruah a lian lemlova. A chhan chu tuna keimahni natural vegetation kan bamboo pang-ngai a natural growth a hi muster roll hlawh pakhat pawh pek lohva Pathian min pek a ni a. Hei hi kan tih that chuan a senso a tlem ang a, raw material tha tak a ni thova kan ti a. Mi tam takin an ngaih danah Sorkar hianin Bamboo base Industry hi din huphurh angin ngaih dan te an lo siama a ti ti tepawh min han ti tipui thin a. Mahse a tha bera hi chu privatisation policy hnuaiah hianin a ti thei talent dawngten

hei hi tichho sela a tha a ni. Government Undertaking hi a dik chiah chuan a hlawhtling har hlawm em em a. India ramah pawh change of Economic policy, liberalisation policy 1991 an siam nachhan tepawh kha a hma lama 'Socialistic Pattern' Public Sector-a a tam lutuk kha a hlawhchhamna chhan a ni a. Chuta tan chuan tunah hian Department-in a kan tih mek chu hemi atana consultancy tha tak siam a private pawhin a an chhawr theih tura Industry Department hi kawng min buatsaih sak turin hma kan la mek a. Chu chu expert consultancy company tunah hian kan zawng a. Hei hian detail techno-feasibility Project te min han siamsak ang a. Tichuan Mizo nula leh tlangval te leh kan mi awm theite zingah tepawh hianin khang hmanga Bamboo based Industry hi din dan hi a pui berah chuan ngaihtuah kan tum dawn a ni. Tin, chubakah hei kan Chief Minister hianin Special interest hetah hian a la a. Taiwan-ah a technology te han en turin kal a tum nghe nghe a. Mahse hei election te puan a ni ta a. Chuvang chuan hei hi fund provision pawh kumin ah hian kan dah a. Tichuan he lamah hianin nasa taka hma lak tumin tunah kan beichho mek a ni.

PU LALHMINGTHANGA : Industrial Policy thu a State
DEPUTY CHIEF MINISTER a kan neih ve tur member ten
an rawn sawi tawh a. Heta
tan hian body thar kan din a.

Governor in a modify tawh a, a notification hi a chhuak
mai dawn a, member te pawh tihfel a ni tawh a. Chu chuan
Mizoram Industrial Policy dinglai hi an en anga, an thlir
ho anga, Tih-that tulna laiah an siamtha anga. Chutiang
chuan tun hun rawn danglam chho zel mil hian kal chhoh kan
tum dawn a. Kha khan policy tha tak min rawn siamchhuah sak
kan beisei a ni.

Tin, khami Corporate body hi
CAG Report lamah te kum engemawzat pro making an ni lo
ve tih hi an rawn ziak thin a. Kha kha a dik reng mai a.
Mahse kha khan sorkar thinlung chuti takin a tidanglam
chuang lova. Kan Chairman ten an han sawi tawh angin kei-
mahni lamah Corporate body lamah sum leh pai te an duh ang
tawh kan pek theih lohna lai te pawh a awm a.

Tin, entirnan, MIFCO ina Food
Processing atana unit thenkhat khat a han din te pawh hi, a
main concept a chu profit making tur chi ah, profit making
a nih theih hi kan duh em em a ni. Amaherawhchu, a nih loh
pawhin pilot project tur anga hei hi chu buatsaih a ni a.
Pilot project concept-ah chuan privatisation-ah hmalak hma-
sak theih nan mi ina technology leh thil awmdan te an hmuh
thiam theihna tur atan tih tel pahfawm a ni a.

Tin, Tung oil hi ka'n sawi
lawk anga, NLUP hemi-ah hian Tung hi a hlawk ber pawl ani
maithei a. Kum thum/kum li-ah a lo rah tan a, a thar hian
tawp hun a nei vak lova. A rah tawh hnu a, a kung a pui-
tling hnu hian a hmin maintenance cost hi a sang lem lova.
Eizawn nan ber atan chhungkua in hmang lo mahse, additional
annual income atan chuan Tung hi a tha hle dawn in a lang a.
Vawi tam tak opposition lam atang pawh khan hemi House-ah
ngei pawh ka zawt thin a. Tung oil hi engtia kalpui tur
nge ? NLUP-ah hian nasa takin min kan chin tir si, ka ti a.
Kan sorkar hmasa khan, "Tung oil hi chu thlawhtheihna te,
motor te leh khawvel a tlan thei tinrengin an mamawh ani
e, a hnawih nal tu lubricating oil base, Industry-ah a base
ani e" ti tein an sawi a. Tun thla tir khan Bombay-ah kan
zuk kal a, KVI Chairman leh C.O. te nen. Tung ho awmdan
hi kan han zir chiang a. Lubricating oil tih ang kha chu
chhim leh hmar angin a inhlat a, opposite tak tak a ni.
Dying oil ropui tak a lo ni zawk a, an hmanna hi hei ,chu-
tiang anga rawng da thei lo atana oil base ropui tak leh
hlu tak a lo ni. Tabchuan India ramah chuan a Dyer lian
ber a chu Bombay-ah khuan a merchant hote chuan an base a.

Tin, hei Nostic Govt. Press
ah te pawisa chhutna ang leh khatiang ang lampang-ah khan
reh thei lova chhutna ang leh khatiang ang lampang chi-ah
khanin a lo tangkai em em a. Chungte nen chuan mumal taka
inbe tlangin kalhmang tur kan ruahman a. Chuan Khadi &

...662/-

...662/-

Village Industries Commission nen te khan in rawn tlang thei chho zel a kan Tung oil, kan State a kan product a hi justification a ngai dawn a ni. Laboratory kan nei a ngai anga, kan Tung oil quality kha an certify anga, khami nen khan packing tha takin a market a kha thawnchhuah a ngai dawn a. Chuvang chuan hei hi to takin lei lo mah ilangin a maintenance cost a hniam avang hian kumtin a tla tawih a, Sanghal leh ramsa in an ei mai tura kha pawisa ah a lo chan theih a. Entirnan; kumkhat a quintal engemaw zat thar ho hi chuanin income tha tak an neih phah thei dawn a. Chuti kawng zawng chuanin kawng kan dap puin kan in hria a. Kan lawm viau nghe nghe a ni.

Khang kha Industries ah chuan a tlangpui lo ni mai selangin. Eng eng emaw heng department hrang hrang entirnan; Electricity Department ah te Industries Department ah te, worker group hrang hrang technical staff te emaw ah te khan a pay thar chungchang thuah hianin lungawi tawk lo an awm, representation kan neih thuai Minister tulin ka nihna angin ka hmu thin a. Mahse kan Finance Commissioner te hnenah te, a concerned official hnenah kan endorse mai a, amaherawhchu sorkar hianin kan Chief Minister zahawm takin a sawi tawh ang khan implementing committee an siam a. Chumi te chuan heng hi an la rawn en vek dawn a. Chuvangin anmahni phu tawk justice a kha pay chungchang ah hian he kan sorkar hian siam ngei ngei a tum a. Chuvangin a chhe zawngin tuman lo la lo ulangin, member ten thahnem ngai taka in rawn sawichhuah pawh khan khami positive answer kha a awm tih hria ula,

A tawp berah chuan (Nia min ngaidam rawh Pu Speaker). Khawchhungah hian Industrial Unit hi kan ngah khawp mai a. Hei te tak te te in parts te kan la neih that loh avang hian thil chi hrang hrang kan lo nei ve teuh tawh a ni. Han dap chian chuan Carpenter Association, Industries Association te, Bakery Association te. Tin, entirnan, workshop tihte a bengchhen dan te, polution chungchang thu ah harsatna a tam zia te in sawi a. Hei hi sorkar hian a hria a, chawpchilh taka kan ti thei lo anih pawhin, kan Industrial Estate Zuangtui leh Luangmual a a growth centre a kha bul tan nan chuan kan hmangin, heng mipui tana ngaihmahw awm zual a te ang hi chu anmahni tana tawrhna leh, an Industries ah khan chhiatna awm chuang lem lo in thil kalchhoh pui kan tum a. Amaherawhchu, engtiang takin nge kan kalpui theih ang tih ka sawi mai thei lo a ni.

Thil pakhat sawi leh lawk ka duh chu, Electronic hi Information Technology hi khawvela thil lar ber a lo ni ta a, tahhian in India hi a sang tawh em em a. Soft ware ah phei chuan a sang ber a ni Y2K problem te pawh a solve thei awmchhun chu India hi a ni tawh zawk mah mah a. Hetah hian Ministry thar kan neih hnu hian Information Technology ah hian a chak thei angin hma kan la a. Aizawl ah hian Personal Computer Hard-ware Training Centre kan hawng tawh a, tunah hian a function mek a.

.....663/-

Lunglei lamah sawn Hardware nilo Software ve thung, a academy hi kan then hrang tawh bawk a, a function tawh mek a. Tin, tunah hian kan hawn leh tur chu Centre for Development of Electronic Design Technology hi Ministry of Electronics te nena tangrualin, kuminah hian hawn leh hman kan in bैसेi a. Chu chu Zuangtui Vertical Building-ah sawn locate theih kan tum a. Khang unit 4 kha kan hawn chhoh theih hi chuan information technology lamah pawh hian kan nula leh tlangval te hi an hnufual bik lovang tih kan ring a. Hmanni khan North East a miten kan Head of Department te leh Secretary te Administration Computerisation Seminar min rawn neih pui a. Chutah phei chuan keini a backward ber tura ka ngaih kha 'North East State-ah chuanin advance ber tawh zawk e' min ti a. Tak tak nge dawt kan hre lova, kan lawm ve viau ringawt phawt a ni. Kha kha Industries-ah ni sela.

A tawp berah chuan Soil and Water Conservation kha kan sawi leh lawk anga. Hemi pawimawhna hi kan member zahawm tak Hnahthial bialtu in a rawn sawi ang khan mipui hian kan zir thar a tul khawp mai a. Soil tih hi lei tihna a ni a. Water hi tui a lo ni ta a. Engkim bul a ni ta ringawt mai anih chu. Mihring ngei pawh hi lei, vaivut atanga siam kan ni a. Nunna; Bible kan en reng reng hian, a sawina reng rengah Nunna tui a ti a. Tui aww lohna-ah chuan Sikeisen-ah te pawh khawvel lian tak aww mahse thlai emaw, rannung emaw, mihring emaw kha a piang thei lo hrim hrim a. Lei kha chu a pawimawh rualin tui in a tinnung a ni. Chuvang chuan he department hi department pawimawh em em a ni a. Sorkar hmasa lamah khan a intei te nasa viau mai a, engtizia nge ni? Tuna han tih chak leh thut hi a har viau maithei a ni. Mahse a pawimawh si, hei, Bangladesh cyclone nasa tak a lo tleh hnu leh, Bangladesh khu tui-finriat in a rawn chim pil zau hret hret na research an beih-na paper te hi in chhiar chuanin, helai India hmarchhak Mizoram ang te, Himalayan belt a foot hills-ah hian ram te an kang a. Thing leh mau aww lova, fur ruahtui in a lei an nuai na reng rengah hi chuan hectare khatah hian soil erosion, kan tui thlanglam a lei chunglang furin a a kalpui thin ah hian, metric ton 40 zel kumkhat a kal ang a ni tih research-ah an hmu Chiang em em a.

Tichuan khang ho buaipuitu ten an buaipui bera chu India ram lui lian zawng zawng Indus; Brahmaputra leh Ganges lui te Bangladesh-ah khuan a luang thla a. Bay of Bengal-ah a luang lut a. Khami soil erosion khan square hectare khatah hian kumtin metric ton 40 vel hetia an lak thlak chuan, Bay of Bengal tuipui mawng khu a rawn sang ta hrat hrat a, inches 18 a hei hi a san chuan Bangladesh khu a pil vek dawn a. Chutiang ang khawp chuan helai hian soil erosion hi a nasa a ni. Mizoram bikah te pawh hian kum 40 kalta atanga kan ram dinmun hi kan en chuan chu kan nunna soil, kan ei kan in siamtu te hi kan vawn that loh chuan, kan ram hi chenna tlak loh-ah kan siam thuai dawn a. Dai kangte a nasa a, hei hi hu nasa taka beih chhoh sorkar hian a tum dawn a. Amaherawhchu, sorkar hmasa-ah khan hleh ral a lo ni nasa tawh lutuk a,

a pawl khawp mai. Nikumah khan pawisa kan nei tlem a, kan luh ve hnuah pawisa harsatna avangin kan Plan Fund-ah khan nuai 394 awmna-ah khan nuai 290 vel chauh kan hman thei a. Chuvangin, tunhma a kan tih angte Raising tih te, keimin rem tihte kha a tih theihna kan neilo hrim hrim a. A hna-thawk te hlawh-ah te kan hman zo ti tih'ani. Chuti chung chuan tunah hian kan tih theih ang chin chu ti thei ila kan ti a. Programme te kan han siam chho veleh a. Kumin takah hi chuan kan demand pawh han en ilangin. A beitham viau a ni, tuna kan demand-ah khan Mat Valley Project atana EAP a waibelchhe 8 dah a kha pah anih chuanin, in zuk en chuan kan plan-ah khan nuai 290 chiah a awm a. A te ren rawn hle a ni. A hnathawktute hlawh hi Non Plan lamin a daih loh avangin Finance leh Planning lam atangin engemawzat min han lak sak leh dawn nghal a.

Tin, Mat Valley Project chung-chang thu hi kumtin hian a lang na a, tumah EAP anga Finance tu an awm siloh avangin, kha kha lang mahse a department hian kan hman reng reng lova. Nikum thil te pawh en ulangin, surrender statement Finance Department pawh crore 10 chuang zet an siam anih kha. Chuvangin, a lang ve ani mai a. Soil and Water Conservation hian kan hman chuang lo. Amaherawh-chu mangan tawpah June thla khanin Ministry of Water Resources ah Mat Valley Project hi a lehkhaw keng ngein an Secretary te nen kan zuk indawr a. Anni kan beisei Ministry of Water Resources pawh chuan kha kha min rawn finance thei miah lo mai a, an norms chhengah a leng miah lo a ni. A chhan chu a project a kha chi thumin a kal a, pakhatna-ah chuanin a river tank-ah, a valley-ah irrigation component a awm ta a. Chumi dawt chiah gentle slope-ah khan Horticulture leh Agriculture inkawp, bal te bahra te thil engkim chinna tur a awm ta a. A chung leh deuhah khanin upperslope-ah khan afforestation scheme leh thildang nen a inkawp ta a. Tichuan, Ministry of Water Resources Development-in Project an neih bera chu 'accelerated irrigation benefit programme' an ti a. Chumi chauh chu an nei si a, a danga kha chu pah chhuah a ngai ta a.

Tichuan, a irrigation lai te chauh a kha finance selangin, an siam a kha kum thum vel kal tawh a siam anih avangin irrigation component hianin crore 5 velah a chhuah ang chu tiin kan inrem ringawt a. A pumpui kha chuan min finance thei tlat lo a ni. Plantation te, khimi a khawchhak tlang lamah khian large cardamom plantation te hi kan han tichho ve leh anga. Hei hi Soil Department in activity kan neih chhoh tura chu a ni. Amaherawhchu, hetilai hian kan pawisa hian duh thu a sam lo a ni. A pawimawhia tun sorkar hian a hrechiang a.

Hydel Project te hi kan neih tam zel chuan kan project kha a tihchhiat loh nan a Catchment area management atan Soil & Water Conservation leh Forest inkawp hian hna kan thawh a ngai ve dawn tho a. Chuvang chuan hun tha zawk a rawn kal hnuah hi chuanin lamah te chuan hei hi organisation te pawh a tul dan anga tihlen na tur kawngte pawh kan zawng anga.

Tin, member zahawm tak Pu Lal-zirliana Saitual bialtu khan engatinge Soil Department hi a tet tehlul nen tuna in luah man atan hian thla tin Rs.25,000/- pek a nih. Minister hian thlatin Rs.60,000/- chawia in luah turte a ngaihtuah ? tih ang khan a han sawi a. Kha kha ka han clarify lawk anga, khatiang zawng kha ani hranpa lova. Soil & Water Conservation Department hian sawmi Zodin Square piah ah sawn private in an luah a. Tichuan, Ministry hmasa a Soil changtu Minister zahawm tak Pu Lal Biakzuala khan sawlai saw Office awmna atan thain a hrelova. Tichuan instruction mumal takin a pe a ni. Chuta instruction a pekah chuan, hemi Office awmna hmun hi gambling a nasa lutuk a, a chhehvel ah hian Office atmosphere an tichhia a. Tin, a pahnihna ah Officer tan motor park na tur a awm reng reng lova.

Tin, a pathumna ah, helaiah hian sumdawna leh Cinema te anih avang khan a Office hnathawk tute an phawklek . Tin, Office a hnathawk reng thenkhat te pawhin a chhehvel deuh ah hian, dawr te nghak chungin Office an kai a. Chuvangin hei hi sawn tur a ni tiin instruction khauh tak a pe a ni. Chumi dungzui chuan a department hianin Office dang luah tur an zawng ta a. Tahchuan pawnlam mi hming sawi hi a hrehawm em em a, Office pawhin a an luah lai mek hming pawh kha sawi lo mai ila. Pu Speaker, khatia an han zawn chhoh lai khan Accounts & Treasury hian building thar an nei a, an luah thin Khatla lam ami kha an chhuahsan ta a. Chu chu Minister chuan 'va dawr rawh u' a ti a. An va dawr a, an inbe fel lek lek a, amaherawhchu a inluah lai mek neitu hianin 'Upa te ni si mi in luahlai thlem chnuak', ti ang deuhhlek a thusawi te alo awm emaw ni ! Ani Upa chuan, 'E ani tak asin, Kohhran Upa te kan ni a, kan thlem chu ani hauh lo mai a, chuvang chuan hei hi zawng a rem leh love', a tichho ta a. Chu chu a kalchho zel a, tunah hian in luah tur remchang hi department hian a dap a ni. Tin, Minister hmasa in a instruction a siama kha, keipawh a hmunah ka kal a, a awm ka ti viau mai. Chuvangin, keia tih thar ani hauh lova, tuna kan sorkar tih thar hi a ni reng reng lova. Sorkar hmasa, kan Opposition te sorkar ngei kha a ni a, an thiltih chhunzawmna kha a ni mai a ni. Tunah hianin hmun dang lo luah ta ilangin thil mimal inthliarna emaw.

Tin, politics lama in-duh lohna emaw lam a nilo. A merit zawng zawk khanin Ministry hmasa ina a thil lo thlir a kha department interest zawk nia hriat avang khan hei hi a kal zel zawk a ni. Helai hi member zahawm tak Saitual bialtu pawh khan min lo hriatthiam sak ka duh khawp mai. Khang kha a tlangpui a kan han sawi theih chu a ni a, a kim hauh lo anga. Member ten in ngaihthiam hrih ka duh a. Pu Speaker i phalna in ka demand no. 39-na Soil & Water Conservation Rs. 14,99,25,000.00 ka Demand No. 46-na Electricity Rs. 57,38,04,000.00 Demand No.47-na Industries Rs. 11,39,28,000.00. A vaiin Rs. 83,76,57,000 hi he House zahawm tak hianin pass sak turin ka rawn ngen a ni e.

*Speech not corrected.

S P E A K E R : Deputy Chief Minister in a Demand te pass a rawn dil a. Voice vote in kan kalpui anga. Pu Lalhmingthanga Demand Rs. 83,76,57,000/- hi pass remti apiangin 'rem ti' kan ti anga. A remti lovin 'remti lo' kan ti dawn nia.

Awle, Pu Lalhmingthanga, Deputy Chief Minister Demand Rs. 83,76,57,000 pass remti apiangin 'remti' ti rawh ule. Pass remti lo apiangin 'remti lo' ti rawh u. Lungrual takin Pu Lalhmingthanga Demand Rs.83,76,57,000 hei hi House hian a pass a ni. Tunah Dr R.Lalthangliana Minister a demand te wind-up a House pawmpuina han dil nghal turin i lo sawm ang.

Dr R.LAL HANGLIANA : Pu Speaker, hun tha tak mai min pek avangin ka lawm e. Dar 5:30 P.M. ani a, a tlai deuhhlek tawh a, hun reilo hman kan tum anga. Vawiin niah hian he House a Member zahawm tak tak mi 19 in a sawi apiangin kan department chan te an sawi avangin an chungah lawmthu ka sawi duh a.

Tin, thil fel tawk lo tam tak han intuai neuh neuh chuan a awm ang tih ka ring a. A chhan chu kan department chan hi chhangchhe deuh mai, mi chhumchhia deuh deuh te rawn lawi luhna department ani tih kan hre tlang a. A chang chuan Cancer natna khirkhkan tak tak, kar lehah 'chain thlak a ngai mai ani, engtingge ni ang?' 'Tanpui dan a awm em?' ti a rawn tlulut te, chhuanlam chi hrang hrang hmanga harsatna kawng hrang hrang nei a rawn fuan-khawm na te pawh ani a. Tin, mirethei te te chhuanchham te pawh rawn tlukluhna department niin ka hria. Khang karah khan harsatna tam tak kan tawk a ni tih in lo hriat ka duh a.

Tin, thil tha lo deuh mai, vawiin niah Mizoram mipuiin tam tak in ngaihdan kan neih vawiin niah thlak ila, tih ka duh em em. Nimun a kan Officer te kan koh khawmna-ah ka sawi chu, Rural Development hi contract thawh nan emaw ti an tam lutuk a ni. He mentality lo kal thui em em tawh, kum tam tak lo kal tawh hi paih ka duh a. Amaherawhchu, Pu Speaker kan sorkar a, sorkarna pawh a la rei lova, vawilehkhat-ah kan thil chin than rei tak, kan rilru a lo riak tawh han paih hi harsa hle niin ka ring a. Chung karah chuan kan member zahawm tak tak ten thil tha an duhna avanga, khua khua emaw, khaw hnih khat a thilthleng an han sawi, hna a tha tawk lo, an han tih ang chi te. Khatiang ang chi a kha kawng lehlam-ah chuan a awm ngei ang tih ka ring a. Heng ti-bo tur hian he sorkar hi a ding a. He mawhphurhna pawh hi tling lo takin heng tibo tur hian ka cheih a ni tih pawh ka sawi duh a. Amaherawhchu thil fel lo leh tha lo te. Vawiin niah hian theihtawp a tihbona kawngah hmalak kan tum ani tih ka tarlang duh a. Chumi kawngah chuan he House a Member zahawm tak tak te, in tawlawmna kan mamawh hle ani tih pawh ka sawi duh a.

Chhimituipui District lamah te, eng eng emaw Rural Development chungchangah contract hna ang zawnga lo thawkte an awm tihte pawh a dikna lai a awm ang. Zep thu a awm lo. Saw lamah sawn contract tih vela hi tunhma atanga an rilru a lo piang ve a ni a. Lunglei District chang nilovin, Aizawl District pawh a rawn thleng pheih tawh a. Kan guide lines an hian strict tak maiin E.A.S leh J.R.Y ah contract hna a thawh theih loh ani tih hi kan hria a ni. Amaherawhchu hun rei tak, kum tam tak, thil engemaw lo kal tawh, 'Chumi te pawh chuan an tia lawm mawle', tia kan Officer thenkhat te pawhin chutiang ang zawng an lo tih mai palh te pawh a awm ang tih ka ring a. Amaherawhchu, heng tih bona kawngah hian he House member zahawm tak takte hi in pawimawh dawn a ni. Nakin zelah pawh in mi tawiawmna kan ngai a ni tih kan sawi duh a ni.

Chuvang chuan Pu Speaker, transitional period ah kan ding a, helai lawkah kan sorkarna a intan a. Tunah thla ruk thla sarih emaw lek a la ni a. Vawilehkhatah hi chuan change hi awm thei mai a nilo a ni tih hi kan sawi duh a ni. Chuvang chuan hriatthiamna tam tak kan ngaihna lai pawh a awm ang.

Tin, sakhuana lama kan mawhphurhna ang chi thlenga sawi a awm a, a lawmawm hle a, a dik khawp mai. Heng zawng zawng a hi kawng lehlamah chuan he khawvel hi famkim lohna khawvel a ni a. Han in en neuh neuh chuan kan Supply Minister tih dan takah Bazar a thil en neuh neuh nu pakhatin a ching a tih ang khanin fel hlel deuh hi chu tupawhin kan neih ka ring a. Amaherawhchu heng avang hian beidawng lo ila, tha in ka hria a ni.

Tin, hei kuminah kan tam nasa a, tih sawi a awm a. Chumi kawngah chuan Rural Development sum a hi a diklo zawnga hman anih avanga tam te pawh puhru lo ang lek leka an han sawi hi sawifiah ngaiin ka hria a. Dik tak chuan pawisa ngah anga helam atanga min hmuh dan dik lohzia ka tarlang duh a. Hei kumina kan scheme thar lo chhuak SDSY kan han tih pawh hi India ram State hrang hrangin fund an hmuh dan an first instalment ah a rawn lang a. Mizoram chuanin han siam danglamna tham kan neih lohzia Pu Speaker kan sawi duh a. Nuai 68 sing riat sang ruk chiah a ni. Chutihlai chuan Assamah chuan nuai 3,962 tih te, nuai zali a hawlh chho deuh nawk a ni. Kan North Eastern State ah pawh. Nichina kan ngaihthlak tak ang zawng zawng khan Rural leh Urban population diklo te, tin, hetah kan develope number la tlem avangte leh kawng hrang hranga a khawihna a ni tih kan tarlang duh a. Nakinah tlem a sawi chipchiar pawh ka tum dawn a ni.

Awle Pu Speaker, a tam berin a kan member te sawi kha hming mal a sawitu te kha ka rawn tarlang dawn lova. Pakhatna a ka sawi duh chu Pu Speaker, Rural leh Urban population a structure a hi siam danglam a ngai ani tih kha a dik em em a. Sawitu tam berin kha kha

an sawi a. Hei hi Pu Speaker, kum sarh kum riat kalta a kan sorkar hmasa ten Zoramah hmun hrang hrangah an han zin kual a, kan hotute khatih hunlai khan thingtlang a khaw te-reuh te te in 200 bawr vel emaw, in 200 emaw pawh tling lo te. Khatih hunlai khan town ah te sub-town ah te awm kha an lo thlahlel a. Chung avang chuan sub-town ah te puan an ni a. An thlakhlehna chhan a pawh kha an in lo ram L.S.C. patta theihna beisei te, tin, chubakah chuan Housing Loan an tih theihna tur atan te an ti niawmin ka hria a. Chumi inkhawlkhawm kalchho zel ta chuanin vawiin niah hian India ram State hrang hrang a Rural leh Urban, thingtlang leh khawpui a cheng population, mihring zat a structure a kha a siam danglam a. Mizoram ah namen lovin thingtlang a cheng min ti tlem ta a ni. Nichina kan member thenkhat in an rawn sawi kha a dik a. Hei Arunachal Pradesh ah chuan tunah hian thingtlang a cheng, Central Sorkar a an report fel tak an neih danah chuan Pu Speaker, 87.84% ani a. Assam ah 89% ani a. Ka sawi zel lo mai anga.

Chutihlai chuan Mizoram chu vawiin nia kan rural population chu 53.77% ani a. Hei hian nasa takin development khilah kan hmuh tur ang min hmuh tir thei lo a ni. May thla a Delhi ka kal khanin khulalaia kan hotu thenkhat te kan hmu a. Chutah pawh an lo sawi chu, 'Mizoramah chuan thingtlang mi an awm tawh hleinem, in then-awm State ah za a sawmriat chung deuh vek an nih lain nangna chu in a fal anih hi za a sawnga leh pathum chauh in ni a. Hei hi chu in siam danglam loh chuan Rural Development anga sum in hmuhna tur leh Department dangah pawh a dal thei dawn a ni' tih min lo hrilh a. Chuvang chuan Cabinet Meeting ah he thu hi kan pulut tawh a. Helaiah hian lungual takin kan Urban Rural Population hi a nih dan dik taka hi, kan tarchhuah thain ka hria a. Chu chu G.A.D. in hma la se tih a dah lai mek ani tih Pu Speaker, ka sawi duh a ni.

Tin, a tam berin in sawia kha, kan Block neihzat hi 20 chauh alo ni a. Hei hi tihpun a ngai tawh ani tih thahnem ngaih thila in rawn sawi kha kan lo hria a. Hei hi Pu Speaker a dik hlein ka hria a. Kum 1974 U.T. hlima Rural Development Block kan neih kum 20 kal-ta a kan neih kha, vawiin niah kan neih hi a ni. State dang-ah hian an lo ngah viau a, Assam ah hian R.D.Block 219 an nei a, chumi ina a hrin chu DRDA kha a pung lo thei lova, DRDA 23 an nei a ni.

Tin, Nagaland ah Block 52 an nei a, DRDA 8 an nei a. Tin, Mizoram a DRDA Lunglei, Saiha leh Aizawl ah chiah kan nei ta a ni. Tuna scheme thar lo chhuak atang hian ngaihtuahna thar Rural Development Central a kan hotuten an siam chhuak a. Tunhma a JRYA atang te, EAS atanga 2% cut a DRDA in maintain na tur ang chi kal thin kha an ti tawp ta a. Grant slam in Rs.3,04,050.00 tiang khan pek ani tawh dawn a. District Headquarters tina DRDA dah theihna tur zawng hian kan sorkar hian hmalak a tum ang tih kan beisei a. Zoram sum seng lo zawnga kan kalpui theih ka ring

a ni. Kan ram hi member pakhatin a sawi ang khan kan ngaih-tuah a ngai ta viau a. India ram National Level-ah hian per capita income/advance anga an tehfung-ah Mizoram hi kan hniam viau mai a. India ram pumah hian Rs.1,570 per head ang kan ni a. North East-ah hian Rs.453 per head ang kan ni a. Report ka dawn-ah chuan, Chandigarh a sang ber tih kan ngai-thla a. Per head in Rs.19,657 ani a. Mizoram hi kan hniam ber angin min rawn chhuah tlat mai. Kawng hrang a kan tan a ngai ani tih ka sawi duh a. Vawiinah hian he sorkar hi Pathianin min hruai nasa em em in ka hria a. Ministry a han ding chho a, kan sorkar hmasa in an tlukpui a kha cheng vaibelchhe 398 vel ni khan kan lo hria a. Kan inthlan dawn bawr atang tawh leh kum 2/3 kalta atang tawh khan Mizoram-ah Treasury khar a ni. Bank khar ani tih ang chi kha kan thawm hriat kha a ni.

Kan sorkar hlim pawhin kan sorkar hnathawkte hlauh pek tur kan ways and means advance a an lo puka kha rul tur ang zawng chuan min ti se chuan tihngaih-na a awm lo reng reng. Hemi chungchangah hian Pu Speaker, a vanneihthlak em em a, Pathian malsawmna kan dawng hlein ka hria a. Kan Chief Minister in nasa takin hma a la a. December thla-ah Delhi-ah a liam thla nghal ani tih kan hria a. Hemi denchhen hian Central hruaitute pawh dawrin, khatianga min han thin dut dut thin sorkar hmasaah "In puk hi rawn rul leh rawh u" tih thin, Reserve Bank of India in an rawn tih thin kha thing lo turin Finance lamin Reserve Bank of India kha hriattirna an han siam nghal kha a ni a. Chu chu vawiin ni thlengin thin kan han ni lo leh hlauh vawiinni thlenga kan han la pawh hi ropui ka ti hle a. Hmanni a kan ngai-thlak ang khan kan budget a kha cheng vaibelchhe zathum leh sawmthum leh pathum a ni a. Hei, kuminah vaibelchhe zathum lah sawmruk-ah kan han thu chho a. Chutah a pung chho ta zel a, kan ngaithla a, khawkheng-ah vaibelchhe sawmnhni. Chubakah chuan B.M.S.-ah vaibelchhe 20 kan han hmu leh a, peace bonus-ah vaibelchhe 50 kan han hmu leh dawn a. Heti khawp maia harsatna lian lutuk kan tawh kara kan Chief Minister, tunhma a mi kha ka sawisel tihna nilovin zing dar 2:00 thleng thleng a meng a, ram tana ngaihtuahna hmang tak tak Chief Minister kan han neih meuh chuan Pu Speaker, kan ram hi awmze neiin kan kalpui niin ka hria a. Chumi avang chuan Rural Development kan han sawina-ah pawh hian kan hmalakna tura kan ngaih tam tak R.D.Block tihpun a ngaih zia angah te pawh hian hma kan lak theih nakum lamah te chuan kan beisei dawn a.

Tin, sawitu thenkhat khanin Rural Development Commissionerate hi Directorate a leh tih kha in va ti har ve tih ang chi te pawh tunah hian Cabinet in tih tluk tawh a ni a. Hun reilote-ah hemi converson a hi kan tihfel kah beisei a ni tih tunah hian ka sawi duh a. Tunah, DP & AR lamah te leh Finance lamah te an lo en ve a ngai a, a thang mek a ni.

Tin, chubakah chuan R.D. in kawng te kan lai a, lei te kan dawn a, hmun thenkhatah technical hna te kan thawhna chungchangah Engineering wing a hi Rural Development-ah, kan DRDA-ah te leh kan Commissio-

nariate lamah te hian kan dah a ngai a ni, tiin kan Cabinet in decision a siam tawh a. Hemi chungchang thu hi nakinah hun reilote ah awmze neiin kan kalpui ang tih ka ring a ni.

Tin, Pu Speaker vawiin niah hian thil danglam tak hei kan ramah neih theih kan han bei-sei tak ka han tarlan duh chu. Institute of Rural Development hi din turin Cabinet in thu a ti tlu tawh a. Hemi chungchangah hian ka han sawi duh a chu India ramah State tin deuhthaw ah hian IRD hi an nei deuh vek tawh a. Mizoram leh ka hriat soal loh chuan Goa U.T. chiahin SIRD kan neilo a ni. He SIRD hi a pawimawh em em mai a, Rural Area a hnathawk te kan train-na tur a ni.

Entirnan, Gram Sevak te, VLW te, Mutia semica te BDO te. Tin, department dangte pawhin thingtlang a an hnathawk tute kha training centre a an rawn train tir na tur kha a ni a. Tin, hemi chungchangah hian Cabinet in decision a siamfel tawh a. Zoram sorkar sum seng vak lo zawngin thil kan kalpui thei dawn a. Hmanniah Delhi ah kan kal a, kan haw pahin Meghalaya ah kan rawn en chho a, Borapani bulah khuan Bus nen motor nen Hostel Building tha tawk nen, Administrative tha tak nen, Guest House nen engkim mai tha tawkin an lo nei a. Bawng pachal chi pawh puitling tak an lo nei ani tih kan hria a. Tunah hian hemi chungchangah hian hma kan la mek a. Tun calendar year chung hian Pathian zarah kan ding thei maithei a, kan theih loh pawhin tun financial year ah hi chuan hei hi din hman kan tum ani tih Pu Speaker, ka'n tarlang duh a ni.

Tin, a dang kan sawi duh chu Pu Speaker, kan BADP chungchang han sawi hi kan tlem viau a, mi pakhat emaw pahnih in emaw an sawiin ka hria a. Hemi chungchang hi kan hria a, kum 6/7 kalta bawr velah a bikin khawthlang lampang Indo Bangla Border ah sorkar hmasa khan BADP hi a kalpui a. Hei tunhnai kum hnih emaw lekah khawchhak lampang Indo-Myanmar lamah kan han kalpui ta a, kumin ah hian nikum ai chuan sum pawh kan hmu deuh turah kan ngai a. Tin, hemi chungchang a member te information atana sawi ka duh a chu, hemi BADP sum Planning Commission in an rawn pekah hian thil pathum, an pekna kawngah hian in tehfung ah lak an nei a, pakhatna ah chuan, length of international border line an ti a, kha a border line sei dana kha tehfung ah an hmang a ni.

Tin, a pahnihna ah chuanin kha International Border Line a population mihring zat a kha, tehfung ah an hmang leh a. Tin, chubakah chuan kha border line area chhunga R.D.Block awm zata kha tehfung ah an nei a ni. Chumi tehfung a an neih lai chuan, hei kuminah hian khawthlang lampang ah Bangladesh ramri depah crore 4, chhak lamah crore 4, tikhan min rawn pe a. Hemi chungchang ah hian May thla khan Delhi ah te kan kal a. Planning Commission a Deputy Chairman Pu K.C.Pant a te pawh kan hmu a. Tahchuan in pek dan chungchang pawh hi kuminah chuan sorkar thar chuan tihdanglam tha kan ti a ni kan zuk ti ve ngawt mai a. Chutah chuan khawthlang lampangah chuan hman atangin

tih tan tawh ani a, a Border Line, Indo-~~N~~angla-ah khuan Km 318 a sei a ni a. R.D.Block pali a paltlang a, tin, population hi khawthlang lampang khuan nuai khat an la tling lova. Chutih lain khawchhak lampang Indo-Myanmar-ah chuan a length of International Border line hi Km 404 a tling a. R.D.Block pasarih Ngopa bial atangin sawtah Tuipang, Chawngte thlengin a paltlang a ni.

Tin, chubakah mihring pawh nuai hnih khilam chuan an tling tawh a. Chuvang chuan a in ang hi chuan min pe lo ula, khawthlang lampang a pek a hi sawk hek chuang lovin, khawchhak lampangah hian nuai 300 min pe ula tiin kan zuk thlen a. Tlem lai deuh khan lehkha kan hmu a, min pek belh leh dawn thu kan hmu a, tun Financial Year-ah a tneih loh pawhin nakum atan chuan commitment angin a ngaih theihin ka hria, chu chu kan information atan Pu Speaker ka sawi duh a ni. Hei hi kan ti thei anih chuan a bik takin khawchhak lampang-ah hmathar lak tur kan nei nual turah ka ngei ani.

Tin, ka sawi leh duh chu Pu Speaker, NLUP hi Rural Development in kum rei tak atang tawh in a hna pui ber ani tih kan Sorkar hmasa-ah khan kan hria a. Hemi chungchang a thil ka sawi duh chu, hei NLUP a kan sum hman ral tawh zawng zawng hi a chiah in hriat har viau mahse, tun thlenga report kan hmuh theih ah chuan 1990 bawr a intan kha a ni a. Cheng nuai hlir nuai sing khat leh sang 6 leh zahnih leh 63 leh sing thum leh sang khat a tling a ni. An hmang tam hle a ni, nuai sing khat leh sang ruk leh zahnih sawmruk pathum leh sing thum leh sang khat angin kan hmu a, kar leh lawkah chuanin a accurate lo leh ang a, mahse nimin bawr vel anga kan figure a ni. Hemi chungchangah hian kan Sorkar chho hian mithiam rual, kan Economist te leh midang dangte kan han kova, April thla khan. Enge hemi chungchangah hian in ngaihnan? Hun kha leh chen kha kalpui ani tawh a, enge a hlawhtlinna in hmuh dan tihte kan han sawipui a. Chutah chuan a hlawhtlinna portion hi zep thu a awm lova, a sang vak lo a ni. Chuvang chuan Cabinet pawhin decision mumal tak a siam tawh a chu, NLUP hi hmathar la a chhunzawm tur ang chuan tih tawh loh nise tiin decision a siam a. Tichuan AD 2001-ah erawh hi chuan he Scheme kallai mek in a ken mihring a te hi kan enkawl na pawisa kan pek tur ang chi leh, kha Scheme kan enkawl ang chi hi kalpui zawh hman kan in beisei dawn a. Chumi hnuah chuan he Scheme hi kan bye bye fel thei turah kan in ngai a ni tih he House hi ka hriattir duh a ni. Hei, chutih lai chuan R.D. hi kan budget kha a sang deuh ul khan kan hmu a ni mai thei a. Pu Speaker, kan hriat chian law law te hi a tha a, transparency kan ti ta sa sa a, 1997-1998 inkara kan Sorkar hmasain NLUP bika liabilities a neih kha Rs.3,37,310 a tling a. Tah chuan Vety. leh Agriculture leh Industry sector-ah hian 1998-99 financial year kal ta a ah pek tlak loh a hi hei Pu Chhinga Department-in a nuai 600 chuang Carrying Contractor bill a ruh tur ang deuh khan Pu Speaker, ruh tur kan nei a.

Chu chu kan budget-ah hian kan reflect tur a ni. Tin, pek tlak na turin a cover tur a kha chhungkua 9483 an la awm a ni. Chuvang chuan ba rulin tun budget hi chu kan kal sawn a ni tih ka sawi duh a. Chuvang chuan kan budget ah hian chipchiar takin kan ziak thei lova, Rs.nuai 1500 bawr a hi kha NLUP Scheme lo tih tawh sa implement-na tur atan a kal ral tur a nitih kan hriat a tha. Tunah kan MLA zahawm tak tak ten pawisa ngah viau va min han hriatna kha a ni lo a ni. 50% chu khami thil Sorkar hmasa liabilities clear nan khan a ngai a ni tih kha kan sawi duh a ni. On going Scheme anih avang khan khami chhung khan pek a nih loh avang khan keini in a kan pek a ngaih si a, ba ang a sawi loh theih a ni lo a ni tih ka'n tarlang duh a ni.

Hei bak a kan sawilan leh duh chu 'Special Development Scheme' kan tih thin a pawh hi kan Sorkar hmasa in a he ruahmanna hi a lo siam a ni a. Tunah hian in third installment ang a mi pakhat tan Rs.2500/- la pek tur a hi kan la pe tla lova, mahse budget ah hian hei hi kan Chief Minister, Finance Minister ni bawk in a a thahnem ngaih avangin, i dah leh mai ang u a ti a. Kan han dah tam zia chu Chng nuai 469 kan han dah leh ta chu aba rul reng reng khan kan awm a. NLUP nuai 1500, SDS nuai 469 kan pek leh tur nen chuan Crore 20 kha a Sorkar hmasa sulhnu thiltih mam nan khan kan hmang dawn a nia. Chuvangin, kan harsatna hi he House-ah hian kan Member zahawmtak tak te pawh hian kan hriat tlan hi a thain ka hria a, chu chu Pu Speaker kan sawi duh a ni.

Tin, hei bakah hian Pu Speaker, hun reitak ka hmang dawn lova. Kan sawi leh ang a, Community Hall hi vawiina kan Member-ta hian tuman in sawiloin ka hria a, ka hriat soal loh chuan. Hetah pawh hian harsatna lian tak kan tawk ani. Kan hriat tlan vek hi a thain ka hria. Lunglei-ah Saikuti Hall kan nei a, ka bial a ni a, han sawi pawh a nuam lo viau. Mahse, kan hriat tlan kha a tha a, transperent takin. A chhan chu a tirah nuai 300 bawr vel ruahman a nia, mahse kan han Sorkar hlim khan engzatnge mawni Saikuti Hall ah hian kan Sorkar hmasa hian Revised Estimate a siam le ? tiin ka zawt a. Tahchuan, document pawh hei ka nei a, Pu Speaker a sang khawp mai Nuai 885 a tling ani, Special Hall a ni a, a lawmawm a. Amaherawhchu, Rural Development in a kumkhat a nuai za leh sawmnga Community Hall a kan hmuh laia, vawiinnia kan liabilities Crore 4 Saikuti Hall chauh mai a kan han rul tur hi chu a huphurhawm a ni. Chuvang chuan Pu Speaker, kan member zahawm tak tak te leh kan Minister te pawhin in zinnaah in sawi leh tawngkam tha in sawi hmuh a awm ka ring a. Kan khua-ah Hall kan mamawh e, nuai 3 man, nuai 6 man ti an awmin ka ring a. Amaherawhchu, tlang deuhin in lo hriat ka duh a, kuminah hian Hall thar sa turin kan pawisa in a tlin lo a ni. Amaherawhchu, harsa tak chungin lo sak tawh sa tihpuitlin ngai si 39 bawr vel kan nei a, chu erawh chu nuai 2 te nuai 1 te leh a chanve te kan belh den den in kan kalpui thei chauh a ni tih kan tarlang duh a ni.

Chuvang chuan heng harsatna hi a kum khatna-ah chuan a tuar ber pawl kan niawm mange kan ti a ni. Tin, hei rangya sem chungchangah hian sawi a awm a, Tuipang bialtu pawhin tlemlai deuh khanin Laki leh Zawngling bawr velah in min thiah sak engemawzat a awm a ti a, leh-kha pawh a thehluh a, ka kawl a. Amaherawhchu, kan pe thei mai lova, pek hunte pawh ala awm turah ngai ta ila.

Thil pakhat kan sawi tel duh mai mai chu Pu Speaker, ka vui thil pawh ni miah lovin, Pathian leh Mipui duhsakna a zarah he rorelnaah hian kum sawm chuang kan lo thu ve a Opposition angin. 1994-95 bawr velah kan bial lamah chniatpui kan tawk a. Leimin te leh natural calamity kan tin ang chi leh, cyclone te nasa tak kan tawk a. Kan Sorkar hmasaah khan kan thlen a, a hmunah-te pawh va kalon Session lai niin ka hria a. Amaherawh chu, kum sawm chhung khan ka hriatsual loh chuan Rangva ka recom-mend hi pahnih bak la hlawhtling a awm miah lo. Amaherawh chu ka vuilo. Chutiang chuan kan kalve dawn pawh ka ti miah lo. Hetiang zawnga kum sawm chhung kan lo kal tawhna hi chuan a tu ate pawh ruling emaw ruling lo emaw Mizo mipuiah hian engamaw tak rilru kalpui chinlai hi alo awm a. Dik tak chuan kum sawm teh meuh mai a Sorkar velo party te kan han Sorkar ve takah hi chuan kum sawm chhung ngawt lo tuar ve tlawk tlawk an nihnaah hian tun tum list-ah an lo lang thawt thawt anih pawhin, Pu Speaker, Zoram mipui te hian min hrethiam turah kan ngai ve deuh a.

Tin, diklo tak leh engemaw ti-zawnga dawnglo tur pawh an awm ang tih ka ring. Chutiangah chuan min venpui pawh a ngai dawn a. Engemaw chen sawi tur pawhin nei ang. Amaherawhchu, khatiang kha a awmlohna tur hian hma lak kan tum a. Engpawh nise, nichina ka sawi ang khan transitional period-ah kan awm a. Thil fel tawklo pahnih khat te chu alo awm mahna. Amaherawh chu, a ram pum-puia chhe ta vek tur ang zawnga kan sawi erawh chu a dik ka ringlo.

Hei nikum khan chungkua eng-zatnge kan pek theih tin kan exam a. Kan Sorkar hlim deuh khan. Chhungkaw 3000 vel chu an lo pe thei a. Pathian zarah kumin hian kan han tichho tan ve a. MPC te nen kan policy chu ani miah lova. Amaherawhchu, Rural Housing Scheme a hi central atangin alo kal lova, chhungkaw 6770 Sor- kar hmasa pek let thuak a ni a. Chu chu kan pe ani tih, he House-ah hian kan sawi ve mai mai duh a. Tin, hei kan Chief Minister thahnemngaihna a zarah pawh a ni a. Central lam atangin, crore 200 chuang kan hmuh avang khan Rural Housing Scheme-ah nuai 100 min rawn bawksik ve leh a. Tun, dinmun a kal-phung pangngai a kan kal anih chuan chhungkaw 8045 hi kan pui thei mai awm mange kan ti a ni. Amaherawh chu hei hi information atan kan sawi duh a ni. Engemaw han chapo pui tur ang chi anilo. Kan hmalakna thil chi khat anih ve avangin he House-ah hian kan member ten an hriat ve kha a thain ka hria a, kan tarlang duh a ni.

Tin, hei Pu Speaker, kan hria a, vawiin niah hian he Sorkar, an Sorkar hlima harsatna a tawh zia chu Zoram mipuiiin an hria a. Kan Sorkar-ah hian Pu Speaker, thil hi a danglam ve reng reng a, hei tunhma zawng zawng khan ka lo chik ve thin a, plan discussion hi ka hriatsual loh chuan Mizoramah meuh han nghtat a, min rawn thutchilh ngat hi an la awm lovin ka hre tlat a ni. Kan Chief Minister hmalakna liau liauin Central-a Plan Discussion-a lo kal tur atan an rawn kal ngat ngat a. Mizoram-ah kan hmuh ngeiah, hmun leh hmuna kan han sawiho hi, Pu Speaker, kan Member te hian kan hriat tawhsa mah ni selangin, ka sawi chak ve hrim hrim. A ropui danglam ve hrim hrim. Tunhma khan khatiang kha a awm ngai reng reng lo. Kan ram leilung rawn rap ngei a, kan ram harsatna a taka a hmuna rawn hmu a. Hetianga kan sawi hi anih ka ring a, Pu Speaker.

Vawiinniah hian kan Plan Budget ani emaw, non-plan a ni emaw heti khawp maia kan han chho sang thei tura hi, nghawng a nei ve reng rengin ka hria a. Hei hi kan Chief Minister ina a hmalakna ropui tak a niin ka hria a, han tarlan te ka chak em em mai a.

Pu Speaker, District Council chungchangah khanin, Chawngte bialtu khanin thil pakhat a rawn sawi a kha 'Peace Bonus' a scheme a thehluha kha a fel lemlo ve mawle ! a ti a. Hemi chungchangah hianin thil final ala awmlo a ni tih kan member kan hriattir duh a. A District Council lama authority chuanin an rawn thehltut tawh a. Chu chu an hnawl anih chuan kawng dang a ni a. Amaherawh hei hi chu final ala nilo tih kan hriattir duh a.

Tin, chulovah chuanin kan sawi leh duh a chu, hemi DLE bikah hian District Council te hi kan Sorkar hian a duhsak viau a ni tih ka han sawi duh a. Nichinah khanin engemaw sawti lampangta, ngaihthah kan ni tih ang chia sawina kha a awm deuh niin kan hria a. Amaherawhchu, keini MNF leh MPC Sorkar hi chu thil kan sawi mai thiam vak pawh hi kan nilo, pawimawh kan tih chu kan pe thuai zel mai niah ka ngai a. Hei kan Chief Minister-te kan hmalakna a zarah BMS ah pawh District Council chu crore 1 min belh a ni. Khami chungchangah kha chuanin Pu Speaker, kan Member tam zawkin an hriat ka ring a. Chuvang chuan helai hi kan sawi tel lawk ang a, buaina tur a awm lova. Vote on Account estimate nakinah R.E. ah a nihna dik tak chu a rawn lang dawn a, kha laiah kha chuan increase a awm ngei ngei dawn a. Chu chu Department tam tak pawh kan ni vek ani tih kan sawi duh a. Hei BADP chungchang thuah pawh nuai 682 ang khan a rawn lang a, nichin a ka sawiah khan engati- nge a va tlem ve in ti mai thei a, nuai 800 kha a ni si a, a dik a ni. Chuvang chuan R.E. ah an figure dik tak a hi a lang chhuak dawn a ni tih kha lo hria ula a tha awm e.

ZAKHU HLYCHHO

: Pu Speaker, District Council pathum tana tih kha ka va zawh chuan Department-ah 'Hei hi Central Sorkar atanga rawn

ruahman a ni'an ti a.

Dr R. LALTHANGLIANA
MINISTER

: Central ruahman ang pawha kal nisela, helaia kan ruahman ang ang hi hemi chungchangah hian a kal ani tih kha lo hre mai ula a tha awm e. Heta an ruahmanna ang kha nichinah R.D. bikah pawh R.H.S. min pe a, chuvangin khalam-ah kha chuan, Pu Speaker, zawhna awm lo turah kan Member te khan lo ngai sela thain ka ring. Chuvang chuan Pu Speaker, tawngkam thiam taka kan Sorkar han fak mawi te leh a kaldan han sawi te kan thiam ve lova. Amaherawhchu, kan ti dawn ani ti tlat chi ani ve deuh a ni. Dik tak chuan Assam Rifles sawnchhuah chungchangah pawh Pu Speaker, a zawhna zawt tam ber pawl ka nih ka ring a, House-ah khan, an chhuak thei lo a ni.

Amaherawhchu, tunah chuan a tak taka chhuak tur angin tunah hian a kal ve tlat mai a ni. Chuvangin thil hi an chian loh avangin han sawifiah nan khang kha a tha tlat mai. Kan Demand anih lam leh anih loh lam nilovin kan tih sawi tlawr vak chi kan nilova, lo ring ve mai rawh u, tih sawifiah nan kan hmang mai a nia. Assam Rifles hi hun reilote-ah an chhuak leh mai dawn a, chu chu a taka vawin nia kan kalpui dan tur ani tih Pu Speaker, lo hria sela a thain ka ring a.

Tin, ka'n sawi leh duh chu DRDA lamah hian thil pakhat tawite han tarlan ka duh chu Pu Speaker, hei Central Sorkarin IRDP te, MWS, JRY, TRYSEM kan tihte, thil eng engemaw, tunhma a mimal anga tanpuina thil ang chi kha Central Sorkar in kumin 1st April atanga effect tur khan a rawn siam danglam ta a. Khang IRDP, MWS tih zawnzawn thil 6 a kha tibovin scheme pakhat-ah a khung lut ta a. A hming pawh hi lam kan la zeik lova. Swanjaintiagram Swarojar Youjona tikhanin Pu Speaker an thlak a. S.G.S. hnuai tiin. Chumi ina a tuma chu a huhova ruahmanna hi kal tur a ni ta a. Entirnan Pu Speaker, IRDP kan han tih ang chi a te pawh kha entirnan, hetah Phuaibuang velah khatiang ang tanpuina hmanga han dawm kanna tur ang chi kha awm ta se, group angin family 10 atanga 20 inkar bawr kha a in tel anga, Tahchuanin khang ho khanin eizawna inangkhat, identical khat a kha lak khawma, a huhova tanpuina kal tur ang chi a ni a. Tahchuan hetah Bank lampang atangte pawhin loan te a awm dawn a. Tiang chuan scheme complicate angreng harsa angreng tak, vil ngai angreng tak a ni a. Tlem lai deuh khan kan session hmalam khanin helaia kan MLA te leh kan Minister zahawm tak tak te pawh hemi chungchangah hianin hriattirna kan in nei kha a ni a, hun remchang hmasa berah kan nei leh turah ngai ta ila.

Tin, dt.29.7.'99 hian hemi chungchangah harsatna State tin ina harsatna an tawh chungchangah a bik takin Bank lam hianin heng IRDP kan han tih angah te, 50% kha subsidy rawn pe ve tur, ti mai ila, loan a rawn pe ve tur a ni a. India ram khawi State-ah pawh hian an rawn pe tha lo vek mai a, Bank hian chumi chungchangah chuan credit linkage an ti a. Bank ina an rawn tum ve tura harsatna an siam thin chungchangah pawh hian

tunah hian Guwahati lam atangtein Bank lama hotu lian te koh chhoh a ni dawn a, ni 29 hian meeting neih tur a ni a. Mizoram chhunga Branch hrang hrang hruaitute, Bank lama kan Officer te leh harsatna awmlo tawh tura ruahman a ni a. Amaherawh chu, hei hi Scheme thar anih avangin Pu Speaker, April ni khat atanga effective ni mahsela, vawi leh khata kan tih chuan harsatna tam tak kan tawh ang tih kan hlau va, kawng leh lamah. hei hi NLUP thlakna tur a ni ti lek lekin chanchinbu-ah te khan a chhuak a. Ani tham lo a ni. Kan pawisa hmuh pawh ka rawn tarlang tawh a nuai 68 emaw chauh AGSY-ah hianin kan hmu dawn nghe nghe tunhnaiah. Chuvang chuan khalampang a ni lova, mirethei zualkai a awmzia tak chu tunah hian kan sum hmuh atang hian MLA Constituency khatah hian khaw khat diat diat emaw chauh kan ti thei dawn tih inlo hriat lawk ka duh a. Chuvang chuan khalam pang zawng kha Scheme lian a nilo. Amaherawh chu National level-a India ram pum huapa Scheme thar a ni tih in lo hriat ka duh a.

Tin, JRY pawh a hming thlak a ni tawh a. Juahar Sam rity Yojana JGSY tiin min thlaksakta a, hengte pawhin kan zir that leh Pu Speaker a ngai dawn a. Chuvang chuan a Sorkar pawh Sorkarna chelh reiin kan la awm lova, chutih lain tunah chuan construction material neihna atanah kan han hmang phawt dawn a ni a. Chung chu tuna kan hma thar lak te zing ami ropui ve viau a kan hriat avang. Khan wawinah hian he House zahawm takah kan hriattir a ni.

Helai hi central sorkarin scheme thar tak tak hetiang a rawn siamchhuak a ni a. Zir tham ala awm dawn a. Kan B.D.O. zawng zawngte a changin kan han ko khawm a. Tunah pawh hian thingtlang lamah an mahni area chhungah te heng hi uluk takin thingtlang a mi te lo hriattir ve ula, zirtir rawh u kan han ti kual vel chho va. Tiang chuanin vawin niah kan hun kan hmang mek a. Amaherawh chu nakkum lamah chuan awmze neiin kan hma lak dante pawh inhriattir na kan la nei thei turah chuan Pu Speaker, kan ngai a ni. Tichuan Pu Speaker ka Demand No.31-na District Council-ah Rs.33,46,000,00/- te Demand No.43, Rural Development Rs.30,63,400,00/- te leh other special area programme Demand No.45 vaibelchhe ruk nuai sawmriat leh pahnih, a zavaiin vaibelchhe sawm sarih pahnih nuai sawmkua leh pakhat singli hi he House zahawm takin a min passed pui turin ka rawn thlen a ni.

S P E A K E R : Awle, Dr Lalthangliana, Minister in-a demand te Rs. 70,91,40,000.00 only (cheng vaibelchhe sawmkua pakhat leh singli) hi He House passed turin a rawn dil a. Passed remti apiangin remti han ti ang a. Remti lo apiangin remtilo kan ti dawn nia. Dr R.Lalthangliana, Minister Demand Rs.70,91,40,000/- only (cheng vaibelchhe sawm sarih nuai sawmkua pakhat singli) hi passed remti apiangin 'remti' ti rawh ule. Remtilo apiangin 'Remtilo' ti rawh u. Lungrual takin he House hian Dr R.Lalthangliana demand Rs.70,91,40,000/- only (Cheng vaibelchhe sawm sarih nuai sawmkua pakhat singli) hi a passed e. Awle hei rinai takin kan zo hma a. Naktukah Dar 10:30-ah kan chhunzawm leh ang a. Tunah chuan kan lo tin tawh ang. Meeting adjourned.

6:15 P.M.

.....

....677/-